

ЎЗБЕКИСТОН РЕСПУБЛИКАСИ

ҚОНУН ҲУЖЖАТЛАРИ

ТЎПЛАМИ

23-сон
(938)
2020 йил
15 июнь

Ўзбекистон Республикаси қонун ҳужжатлари тўплами беш бўлимдан иборат:

биринчи бўлимда Ўзбекистон Республикаси қонунлари ва Ўзбекистон Республикаси Олий Мажлиси палаталарининг қарорлари эълон қилинади;

иккинчи бўлимда Ўзбекистон Республикаси Президентининг фармон ва қарорлари эълон қилинади;

учинчи бўлимда Вазирлар Маҳкамасининг қарорлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

бешинчи бўлимда вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Биринчи бўлим

244. ««Фахрий мураббий» орденини таъсис этиш тўғрисида» Ўзбекистон Республикасининг 2020 йил 9 июндаги ЎРҚ-622-сон Қонуни

Иккинчи бўлим

245. «Давлат геология ва минерал ресурслар қўмитаси тизимида Геология фанлари университети фаолиятини ташкил этиш чора-тадбирлари тўғрисида» Ўзбекистон Республикаси Президентининг 2020 йил 8 июндаги ПҚ-4740-сон қарори

246. «Тадбиркорлик фаолияти ва ўзини ўзи банд қилишни давлат томонидан тартибга солишни соддалаштириш чора-тадбирлари тўғрисида» Ўзбекистон Республикаси Президентининг 2020 йил 8 июндаги ПҚ-4742-сон қарори

247. «2020/2021 ўқув йилида Ўзбекистон Республикасининг олий таълим

муассасаларига ўқишга қабул қилишнинг давлат буюртмаси параметрлари тўғрисида» Ўзбекистон Республикаси Президентининг 2020 йил 12 июндаги ПК-4749-сон қарори

Бешинчи бўлим

248. Ўзбекистон Республикаси Марказий банки бошқарувининг 2020 йил 16 майдаги 11/8-сон «Марказий банк томонидан микрокредит ташкилотларининг ички аудит хизматига қўйиладиган талаблар тўғрисида низомга ўзгартиришлар киритиш ҳақида»ги қарори (*Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 2453-1*)
249. Ўзбекистон Республикаси фавқулодда вазиятлар вазирининг 2020 йил 21 майдаги 181-сон «Кичик ҳажмли кемаларни рўйхатдан ўтказиш қоидаларининг 1-иловасига ўзгартириш киритиш тўғрисида»ги буйруғи (*Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 2967-1*)
250. Ўзбекистон Республикаси фавқулодда вазиятлар вазирининг 2020 йил 21 майдаги 182-сон «Кичик ҳажмли кемаларни техник кўрикдан ўтказиш қоидаларининг 1-иловасига ўзгартириш киритиш тўғрисида»ги буйруғи (*Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 2968-1*)
251. Ўзбекистон Республикаси Марказий банки бошқарувининг 2020 йил 25 майдаги 12/4-сон «Кредит бюроларини рўйхатга олиш ва уларнинг фаолиятини лицензиялаш тартиби тўғрисидаги низомга ўзгартиришлар киритиш ҳақида»ги қарори (*Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 3042-1*)
252. Ўзбекистон Республикаси Марказий банки бошқарувининг 2020 йил 25 майдаги 12/6-сон «Банкларнинг оддий векселлари ва депозит сертификатлари бланкаларини йўқ қилиш тартиби тўғрисидаги низомга ўзгартиришлар киритиш ҳақида»ги қарори (*Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 1477-3*)
253. Ўзбекистон Республикаси Марказий банки бошқарувининг 2020 йил 25 майдаги 12/14-сон «Марказий банк томонидан тижорат банкларининг ички меъёрий ҳужжатларига қўйиладиган талаблар тўғрисидаги низомга ўзгартиришлар ва қўшимча киритиш ҳақида»ги қарори (*Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 916-1*)
254. Ўзбекистон Республикаси Бандлик ва меҳнат муносабатлари вазирлиги, Халқ таълими вазирлиги, Олий ва ўрта махсус таълим вазирлиги,

Молия вазирлиги, Соғлиқни сақлаш вазирлиги ва Мактабгача таълим вазирлигининг 2020 йил 15 майдаги 14-2020 қ/қ, 6-мх, 33-қ/қ, 16, 71 ва 8-сон «Ижтимоий ходимларнинг мақоми, вазифалари, функциялари ва малакавий талаблари тўғрисидаги йўриқномани тасдиқлаш ҳақида»ги қарори (*Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 3240*)

255. Ўзбекистон Республикаси адлия вазирининг 2020 йил 10 июндаги 129-мх-сон «Давлат бошқарув органлари ва бошқа ташкилотлар ходимлари томонидан давлат хизматлари кўрсатилишида самарадорлик ва натижадорликнинг асосий кўрсаткичлари ҳамда уларнинг фаолиятини баҳолаш тартиби тўғрисидаги низомни тасдиқлаш ҳақида»ги буйруғи (*Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 3241*)

256. Ўзбекистон Республикаси соғлиқни сақлаш вазирининг 2020 йил 24 мартдаги 115-сон «Референт нарх шакллантириш тизими доирасида дори воситалари нархларини қайд этиш тартиби тўғрисидаги низомни тасдиқлаш ҳақида»ги буйруғи (*Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 3242*)

257. Ўзбекистон Республикаси Давлат солиқ қўмитасининг 2020 йил 25 майдаги 2020-20-сон «Тошкент вилоятининг Бўстонлик туманида тажриба тариқасида жисмоний шахсларнинг солиқ солиш объектлари ҳисобга қўйилганлиги тўғрисида гувоҳнома бериш, ягона электрон платформани юритиш ва унга кўчмас мулк объектлари ижарага берилганлиги тўғрисидаги маълумотларни киритиш тартиби ҳақида вақтинчалик низомни тасдиқлаш тўғрисида»ги қарори (*Ўзбекистон Республикаси Адлия вазирлиги томонидан 2020 йил 12 июнда рўйхатдан ўтказилди, рўйхат рақами 3243*)

258. Ўзбекистон Республикаси Бандлик ва меҳнат муносабатлари вазирлиги, Молия вазирлигининг 2020 йил 8 майдаги 12-2020-қ/қ, 16-сон «Туман (шаҳар) бандликка қўмаклашиш ва аҳолини ижтимоий муҳофаза қилиш марказларида рўйхатга олинган ишсиз фуқароларни ўзгалар парваришига муҳтож ёлғиз кексалар, пенсионерлар ва ногиронларнинг уйига бориб ижтимоий хизмат кўрсатиш учун ҳақ тўланадиган жамоат ишларига жалб қилиш қоидаларини тасдиқлаш тўғрисида»ги қарор, шунингдек, унга ўзгартиришлар ва қўшимчани ўз кучини йўқотган деб топиш тўғрисида»ги қарори (*Ўзбекистон Республикаси Адлия вазирлиги томонидан 2020 йил 12 июнда рўйхатдан ўтказилди, рўйхат рақами 1166-2*)

Вазирликлар, давлат қўмиталари ва идораларнинг норматив-ҳуқуқий ҳужжатларини давлат рўйхатидан ўтказиш ҳолати тўғрисида 2020 йил 6 июндан 12 июнгача бўлган маълумот

БИРИНЧИ БЎЛИМ**ЎЗБЕКИСТОН РЕСПУБЛИКАСИНИНГ ҚОНУНИ****244 «Фахрий мураббий» орденини таъсис этиш тўғрисида***

Конунчилик палатаси томонидан
2020 йил 5 майда қабул қилинган

Сенат томонидан 2020 йил 11 майда
маъқулланган

1-модда. «Фахрий мураббий» ордени таъсис этилсин.

2-модда. «Фахрий мураббий» ордени тўғрисидаги низом тасдиқлансин (илова қилинади).

3-модда. «Фахрий мураббий» орденининг тавсифи тасдиқлансин (илова қилинади).

4-модда. Ўзбекистон Республикасининг 1995 йил 22 декабрда қабул қилинган «**Давлат мукофотлари тўғрисида**»ги 176–I-сонли Қонуни (Ўзбекистон Республикасининг 2018 йил 11 апрелда қабул қилинган ЎРҚ–473-сонли Қонуни таҳририда) (Ўзбекистон Республикаси Олий Мажлиси палаталарининг Ахборотномаси, 2018 йил, № 4, 221-модда; 2019 йил, № 9, 589-модда; 2020 йил, № 3, 200-модда) **8-моддасининг биринчи қисмига** қуйидаги қўшимча ва ўзгартиш киритилсин:

қуйидаги мазмундаги **тўққизинчи хатбоши** билан тўлдирилсин:
«Фахрий мураббий» ордени»;

тўққизинчи — ўн учинчи хатбошилар тегишинча **ўнинчи — ўн тўртинчи хатбошилар** деб ҳисоблансин.

5-модда. Ушбу Қонун расмий эълон қилинган кундан эътиборан кучга киради.

**Ўзбекистон Республикасининг
Президенти**

Ш. МИРЗИЁЕВ

Тошкент ш.,
2020 йил 9 июнь,
ЎРҚ–622-сон

* Ушбу Қонун «Қонун ҳужжатлари маълумотлари миллий базаси»да 2020 йил 10 июнда эълон қилинган.

Ўзбекистон Республикасининг
2020 йил 9 июндаги ЎРҚ-622-сонли
Қонуни билан
ТАСДИҚЛАНГАН

«Фахрий мураббий» ордени тўғрисида НИЗОМ

1. «Фахрий мураббий» ордени билан ёшларни Ватанга муҳаббат ва садоқат руҳида тарбиялаш, уларни ёт ғоялардан асраш, адашганларни тўғри йўлга қайтариш, ёш авлод вакилларида фаол фуқаролик позицияси ва мафкуравий иммунитетни, ташаббускорлик, фидойилик ва ахлоқий фазилатларни шакллантиришга муносиб ҳисса қўшган, шунингдек ўзининг чуқур билими ва бой ҳаётий тажрибаси билан ёрдамга муҳтож ҳамда оғир аҳволга тушиб қолган ёшлар ва оилаларни ҳар томонлама қўллаб-қувватлаш, иш билан таъминлаш ҳамда тадбиркорликка ўргатиш, бунинг учун қулай шарт-шароитлар яратиш борасида барчага шахсий намуна кўрсатиб келаётган Ўзбекистон Республикаси фуқаролари мукофотланади.

2. «Фахрий мураббий» ордени билан:

ёшларни ватанпарварлик руҳида тарбиялаш, уларни турли таҳдидлар ва ёт ғоялар таъсиридан ҳимоя қилиш, адашган ёшларни тўғри йўлга қайтариш бўйича манзилли ишларга уларни васийликка олиш орқали бевосита ҳисса қўшганлиги;

профилактик ҳисобда турган, ҳуқуқбузарлик содир қилишга ва салбий иллатга мойил бўлган ёшларда соғлом дунёқарашни, Ватанга меҳр ҳамда садоқат туйғуларини шакллантиришда мураббий сифатидаги алоҳида хизматлари;

уюшмаган ёшларни ҳамда кам таъминланган, эҳтиёжманд ва камбағал оилалар фарзандларини касб-хунарларга ўргатиш, тадбиркорлик, хунармандчилик, деҳқончилик ва чорвачиликка кенг жалб қилиб, уларнинг бандлигини таъминлаш борасидаги фидойилиги;

ҳудудларда ижтимоий-маънавий муҳитни соғломлаштириш, оилаларда меҳр-оқибат ва ҳамжиҳатликни мустаҳкамлаш, нотинч ва ажрим ёқасига келиб қолган оилаларни тиклаш, ёлғиз аёлларга ҳаётда мустақил бўлишга кўмак бериш ҳамда «Соғлом оила — соғлом жамият» деган эзгу ғояни ижтимоий ҳаётга кенг татбиқ этишда кўрсатган жонбозлиги;

маҳалласида ёшлар учун беғараз асосда мактаб, боғча, маданият ва спорт иншоотларини барпо этганлиги ҳамда ёшларнинг бўш вақтини мазмунли ўтказишни ташкиллаштиришга раҳбарлик қилганлиги;

туман ва шаҳарларни ёт ғоялардан холи ҳудудга айлантиришга қаратилган ижтимоий ва маънавий-маърифий ишларда эришган юксак натижалари ҳамда ибратли фаолияти учун мукофотланади.

3. «Фахрий мураббий» ордени билан мукофотлашга тақдим этиш, мукофотлаш ва уни топшириш «Давлат мукофотлари тўғрисида»ги Ўзбекистон Республикаси Қонунида назарда тутилган тартибда амалга оширилади.

4. «Фахрий мураббий» ордени билан мукофотланган шахслар базавий

ҳисоблаш миқдорининг қирқ баравари миқдоридаги бир марталик пул мукофотини олади.

5. «Фахрий мураббий» ордени билан мукофотланган шахслар қонун ҳужжатларида белгиланадиган имтиёзлардан фойдаланади.

6. «Фахрий мураббий» ордени кўкракнинг чап томонига тақилади.

7. Ҳар бир мукофотланган шахсга «Фахрий мураббий» орденини топшириш билан бир вақтда мукофотланганлик тўғрисидаги ҳужжатлар берилади.

Ўзбекистон Республикасининг
2020 йил 9 июндаги ЎРҚ–622-сонли
Қонуни билан
ТАСДИҚЛАНГАН

«Фахрий мураббий» орденининг ТАВСИФИ

«Фахрий мураббий» ордени 1 микрон қалинликдаги 999 пробали олтин билан қопланган латундан тайёрланади ва иккита қопламали медальондан иборат бўлади.

Биринчи медальон диаметри 45 миллиметрли қуёш тимсолидаги саккиз қиррали юлдузни ифодалайди. Унга уйғунликда туташган диаметри 33 миллиметрли саккиз қиррали юлдуз қирралари зарҳал хошияланган ва бинафша рангдаги эмаль билан қопланган.

Орденнинг марказида жойлашган устки медальон диаметри 26 миллиметрли доира шаклида бўлади. Марказда ҳаворанг эмаль фонида қўтарилаётган қуёшнинг заррин нурлари, ёш авлодни тутиб турган фахрий мураббийнинг очиқ кафтлари тимсоли оқ эмаль фонда акс эттирилган. Юқорироқда Ўзбекистон Республикасининг харитаси зарҳал кўринишда тасвирланган.

Ўнг ва чап томонларида қизил эмалли ислимий нақш билан безатилган зарҳалланган очиқ дарвоза жойлашган. Барча марказий композициялар оқ эмалли доира билан ўралган бўлиб, пастки қисми бешта зарҳалланган саккиз қиррали юлдуз, тепа қисми эса зарҳалланган нақш билан безатилган. Доира четлари зарҳалланган ингичка чизиқлар билан чегараланган.

Устки медальоннинг юқори айланаси бўйлаб яшил эмаль фонида — «FAXRIY», унинг пастки қисмида — «MURABBIY» ёзуви жойлашган. Ўнг ва чап томонларида иккита зайтун новдаси қарама-қарши кўринишда акс эттирилган. Ҳарфларнинг баландлиги — 2 миллиметр.

Орденнинг орқа томонида Ўзбекистон Республикаси Давлат герби тасвирланган. Қуйи қисмига 2 миллиметрли ўлчамдаги ботиқ шрифт билан орден рақами туширилган.

Тасвирлар ва ёзувлар — бўртма.

Орденнинг қалинлиги — 3,5 миллиметр.

Орден четлари бинафша ранг чизиқлар билан хошияланган ҳамда ўртасидан оқ йўл ўтган тўқ яшил рангдаги шойи лента қопланган беш қиррали қадағичга илмоқча ва ҳалқа ёрдамида уланади. Лентанинг эни — 24 мил-

лиметр, бинафша рангли чизиқларнинг эни — 1 миллиметр, оқ рангли чизиқнинг эни — 2 миллиметр.

Қадағичнинг орқа томонида орденни кийимга тақиб қўйиш учун тўғноғич кўринишидаги мослама мавжуд.

«Фахрий мураббий» ордени

Олд томони



Орқа томони



М 2:1



ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

245 Давлат геология ва минерал ресурслар қўмитаси тизимида Геология фанлари университети фаолиятини ташкил этиш чора-тадбирлари тўғрисида*

Ўтган вақт мобайнида республикада ер қаърини комплекс геологик ўрганиш, узоқ истиқболга мўлжалланган минерал-хом ашё базасини ривожлантириш ва қайта тўлдириш дастурларининг самарали бажарилишини таъминлаш, ер ости бойликларидан оқилона фойдаланиш ва уларнинг инвестициявий жозибадорлигини янада ошириш соҳасида давлат сиёсатини амалга ошириш бўйича ягона геология хизматини ташкил қилиш юзасидан бир қатор комплекс чора-тадбирлар амалга оширилди.

Шу билан бирга, келгусида ушбу соҳада фойдали қазилмалар захираларини кўпайтириш ва улардан оқилона фойдаланишни таъминлаш, энг аввало ҳудудларда замонавий саноат ишлаб чиқаришини ташкил этишда етарли хом ашё базасини яратиш учун қуйидагиларга алоҳида эътибор қаратиш лозим:

биринчидан, геология соҳаси эҳтиёжлари учун зарур бўлган мутахассисларни тайёрлаш, қайта тайёрлаш ва уларнинг малакасини ошириш тизимини ҳозирги замон талабларига тўлиқ мослаштириш;

иккинчидан, геология соҳасида таълим, илм-фан ва амалиёт ўртасида узвий боғлиқликни етарли даражада таъминлаш, ер ҳақидаги фанлар, шу жумладан, уларнинг фундаментал йўналишлари ҳамда амалиёт ўртасида реал интеграциялашув жараёни учун шарт-шароитлар яратиш;

учинчидан, ер ҳақидаги фанлар соҳасидаги илмий ишланмаларни тижоратлаштиришнинг аниқ мезонлари ҳамда самарали механизмларини жорий этиш;

тўртинчидан, кадрлар тайёрлаш тизимида моддий рағбатлантириш механизмларини яратган ҳолда олий таълим муассасаларига ҳалол ва юқори малакали ходимларни жалб қилиш.

Геология соҳасидаги илмий тадқиқотлар натижаларини амалиётга жорий этиш, ўқитишнинг замонавий услубларидан кенг фойдаланиш, геология соҳасида юқори малакали кадрларни тайёрлаш тизимини тубдан такомиллаштириш, шунингдек, таълим жараёнининг моддий-техника базасини илғор хорижий технологиялар асосида мустаҳкамлаш мақсадида:

1. Ўзбекистон Республикаси Давлат геология ва минерал ресурслар

* Ушбу қарор «Қонун ҳужжатлари маълумотлари миллий базаси»да 2020 йил 9 июнда эълон қилинган.

қўмитаси (кейинги ўринларда — Давлат геология қўмитаси), Олий ва ўрта махсус таълим вазирлиги, Инновацион ривожланиш вазирлиги, Молия вазирлиги ва Давлат активларини бошқариш агентлигининг геология соҳасида таълим, илмий-тадқиқот ва амалиёт интеграциясига ихтисослашган, Давлат геология қўмитаси таъсисчилигида давлат муассасаси шаклидаги Геология фанлари университетини (кейинги ўринларда — Университет) ташкил этиш тўғрисидаги таклифи маъқуллансин.

2. Қуйидагилар Университетнинг асосий вазифалари ва фаолият йўналишлари этиб белгилансин:

геология соҳасининг илмий-тадқиқот, ишлаб чиқариш ва бошқа вазифалари билан узвий боғлаган ҳолда, юқори малакали ва замонавий фикрловчи олий маълумотли кадрларни халқаро таълим стандартларига мувофиқ тайёрлаш;

замонавий таълим дастурлари ва шакллари ишлаб чиқиш ва жорий этиш, ўқув жараёнига илғор педагогика ва ахборот технологияларини ҳамда фан ва техниканинг энг янги ютуқларини қўллаш, илмий-педагогик салоҳиятни ривожлантиришни қўллаб-қувватлаш;

фан ва таълимнинг узвийлиги ва узлуксизлиги тамойили асосида, шунингдек, жаҳон таълими ва илмий ҳамжамиятига интеграциялашувни таъминлаш ҳисобига мутахассислар ва илмий-педагог кадрларни тайёрлаш сифатини ошириш;

геология соҳасида таълим, илм-фан ва амалиётнинг узвий интеграциялашуви учун қулай шарт-шароитлар яратиш, шунингдек, фундаментал, амалий ва инновацион лойиҳаларга иқтидорли талабаларни кенг жалб қилиш, уларни самарали рағбатлантириш механизмларини жорий этиш;

фойдали қазилмаларнинг янги турларини аниқлаш, уларни геологик ўрганиш ва саноатда ўзлаштиришнинг замонавий усуллари, инновацион ва рақамли технологияларни жорий этишга йўналтирилган илмий-тадқиқот лойиҳаларини амалга ошириш;

ер ҳақидаги фанлар соҳасидаги илмий ишланмаларни тижоратлаштиришнинг аниқ мезонлари ва самарали механизмларини ишлаб чиқиш, уларнинг натижаларини геология соҳаси амалиётига кенг жорий қилиш;

хорижий давлатларнинг етакчи таълим муассасалари, илмий-тадқиқот марказлари, бизнес-ҳамжамиятлари ва халқаро геологик жамиятлар билан узоқ муддатли ҳамкорликни ривожлантириш ҳамда мустаҳкамлаш;

геология соҳаси ходимларини қайта тайёрлаш ва уларнинг малакасини ошириш, жаҳон геология фани ҳамда амалиёти эришган ютуқлар ва янгиликларни чуқур ўргатиш асосида уларга етказиш, шунингдек, ўқув дастурларини такомиллаштириб бориш;

фойдали қазилмалар намуналари коллекцияларини йиғиш, сақлаш ва тўлдириб бориш, ноёб ва илмий-маърифий аҳамиятга молик бошқа экспонатларни яратиш, шунингдек, ер ости бойликлари ва геологик хилма-хиллик тўғрисидаги маълумотларни жамоатчилик орасида кенг тарғиб қилиш.

3. Давлат геология қўмитаси:

бир ой муддатда Университет уставининг ишлаб чиқилиши, тасдиқланиши ва давлат рўйхатидан ўтказилишини;

икки ой муддатда олий таълим ва илмий-тадқиқот муассасалари учун белгиланган меъёрлар ва илғор халқаро тажрибани ўзида мужассамлаштирган Университетнинг ташкилий тузилмасининг ишлаб чиқилиши ва тасдиқланишини;

Ўзбекистон Республикаси Олий ва ўрта махсус таълим вазирлиги билан биргаликда 2020 йил 1 сентябрга қадар Университет профессор-ўқитувчиларининг таркибини юқори малакали кадрлар билан, шу жумладан, илмий-тадқиқот институтлари илмий ходимлари ҳисобидан тўлдирилишини таъминласин.

4. Белгилаб қўйилсинки:

Университет Давлат геология қўмитаси, тоғ-кон саноати корхоналари ва иқтисодиётнинг бошқа тармоқлари учун геология йўналишидаги малакали кадрлар тайёрлаш ҳамда илмий-тадқиқот ишларини бажариш бўйича республиканинг ихтисослашган олий таълим ва илмий-тадқиқот муассасаси ҳисобланади;

Х.М. Абдуллаев номидаги Геология ва геофизика институти, Минерал ресурслар институти, Гидрогеология ва муҳандислик геологияси институти, Нефть-газ конлари геологияси ва қидируви институти, Геология соҳаси кадрлари малакасини ошириш ва қайта тайёрлаш институти ҳамда Давлат геология музейи Университет таркибига киради;

Университетга талабалар Давлат геология қўмитаси буюртмаларига асосан шакллантириладиган ва ҳар йили тасдиқланадиган республика олий таълим муассасаларига ўқишга қабул қилиш параметрларидан келиб чиққан ҳолда давлат буюртмаси ҳамда тўлов-контракт асосида қабул қилинади;

Университетда кадрлар мазкур қарорнинг 1-илоvasида* келтирилган йўналишлар (мутахассисликлар) бўйича тайёрланади;

Университетда талабалар Ўзбекистон Республикасининг давлат таълим стандартлари асосида геология ва кончилик йўналишидаги етакчи хорижий олий таълим муассасалари, шу жумладан, Санкт-Петербург кончилик университетининг (Россия Федерацияси) қўшма таълим дастурлари бўйича, улар билан эришиладиган келишувларга мувофиқ ўқитилади;

Университет тегишлича Давлат геология қўмитаси тизимидаги ташкилотлар ва «Ўзбектелеком» АЖнинг Тошкент шаҳар, М. Улугбек тумани, Олимлар кўчаси 43, 45, 49, 64-уй манзилларидаги, Университет автогаражи эса Тошкент шаҳар, Яшнобод тумани, М. Ашрафий кўчаси 70-уй манзилидаги мавжуд ва янгидан қуриладиган бино ва иншоотларида жойлаштирилади ва улар оператив бошқарув ҳуқуқи асосида Университетга берилади.

Бунда, «Ўзбектелеком» АЖ устав капиталидаги давлат улуши Университетга берилаётган объектнинг баланс (қолдик) қийматига камайтирилади.

5. Университет фаолияти қуйидаги манбалар ҳисобидан молиялаштирилади:

* 1-илова «Қонун ҳужжатлари маълумотлари миллий базаси»да эълон қилинган.

талабаларни давлат грантлари асосида ўқитиш учун Ўзбекистон Республикаси Давлат бюджетининг Давлат геология қўмитасига ажратиладиган маблағлари;

Университет томонидан Давлат геология қўмитаси билан келишилган ҳолда белгиланадиган тўлов-контракт асосида талабаларни ўқитишдан тушадиган маблағлар;

хар йилги минерал хом ашё базасини ривожлантириш ва қайта тўлдириш давлат дастурларида назарда тутилган маблағлар;

Ўзбекистон Республикаси Инновацион ривожланиш вазирлиги томонидан ўтказиладиган танлов натижалари бўйича ажратиладиган грантлар;

республика ва халқаро молия ташкилотларининг грантлари;

Университет томонидан шартнома асосида хизматлар кўрсатишдан тушадиган маблағлар;

жисмоний ва юридик шахсларнинг ҳомийлик хайриялари;

қонун ҳужжатлари билан тақиқланмаган бошқа манбалар.

Университетга академик эркинлик ҳамда ўзини ўзи молиялаштириш ва молиявий барқарорликни таъминлаш тамойиллари асосида хўжалик фаолиятини амалга ошириш ҳуқуқи берилсин.

6. Геология фанлари университетининг Геоинновацион технологиялар маркази (кейинги ўринларда — Марказ) ташкил этилсин.

Белгилансинки, Марказда:

ер қаърини геологик ўрганиш, оқилона фойдаланиш ва муҳофаза қилиш соҳасида тадқиқотлар ва ишланмаларни янада ривожлантириш учун илғор илмий-техник база яратилади ва самарали фаолият юритилади;

минерал хом ашёни ўрганишнинг энг янги усуллари ва технологияларини эгаллаган малакали кадрларнинг янги авлоди тарбияланади;

пировард натижада, ер ости бойликларидан оқилона фойдаланиш маданиятини шакллантириш ва моддий қийматларни қайта тўлдиришга йўналтирилган ихтирочилик ғоялари ва лойиҳалари шаклланиши учун ноёб тадқиқот майдончаси, изланувчанлик ва ихтирочилик муҳити яратилади;

глобал инновацион тизимга интеграция қилиш, замонавий рақобатбардош усуллар ва технологик ечимлар яратиш учун инвестициялар ва илғор технологияларни жалб этишга, шунингдек, илмий-техник ва инновацион дастурларда, халқаро конкурслар ва грантларда фаол қатнашишга имкониятлар яратилади.

Марказни жиҳозлаш учун замонавий лаборатория-технологик ускуналар ва инвентарлар рўйхати 2-иловага* мувофиқ тасдиқлансин.

Давлат геология қўмитаси, «Навоий КМК» АЖ ва «Олмалиқ КМК» АЖнинг Марказни замонавий лаборатория-технологик ускуналар ва инвентарлар билан жиҳозлаш «Навоий КМК» АЖ ва «Олмалиқ КМК» АЖ томонидан тенг улушларда ажратадиган ҳомийлик маблағлари ҳисобидан амалга оширилиши тўғрисидаги таклифи маъқуллансин.

«Ўзбекистон Стандартлаштириш, метрология ва сертификатлаштириш агентлиги ҳузуридаги Аккредитация маркази» давлат унитар корхонаси

* 2-илова «Қонун ҳужжатлари маълумотлари миллий базаси»да эълон қилинган.

белгиланган тартибда Марказ лабораторияларининг аккредитациядан ўтказилишини таъминласин ва кейинчалик Марказнинг халқаро тан олинган аккредитация органларида аккредитациядан ўтишига қўмаклашсин.

7. 2022 йил 1 январга қадар Университет фаолиятини таъминлаш учун белгиланган тартибда шакллантириладиган рўйхатга мувофиқ импорт қилинадиган китоблар, журналлар, ўқув адабиётлари, дастурий таъминотлар, замонавий ахборот-коммуникация воситалари, ўқув ва илмий лабораториялар ҳамда сарфланадиган лаборатория материаллари (реактивлар, кимёвий идиш, бутловчи, биологик материаллар ва бошқа объектлар), шунингдек, 2-иловага мувофиқ Марказ учун «Геолтехтаъминот» давлат корхонаси томонидан импорт қилинадиган Ўзбекистон Республикасида ишлаб чиқарилмайдиган ускуналар ва инвентарлар божхона божидан озод қилинсин.

8. Давлат илмий техника дастурлари доирасида «Рақамли геология» ва «Тоғ жинслари ва минералларнинг миллий электрон базаси» лойиҳалари амалга оширилаётганлиги маълумот учун қабул қилинсин.

Давлат геология қўмитаси 2021 йил 1 мартга қадар:

фойдали қазилмалар ягона электрон платформасини ишлаб чиқсин;

Университетда рақамли аэро-космик суратлардан фойдаланган ҳолда фойдали қазилма конларини масофавий зондлаш бўйича кадрлар малакасини ошириш курсларини жорий қилсин.

9. Университет фаолиятини ўз вақтида йўлга қўйиш ва белгиланган вазифаларнинг самарали бажарилишини таъминлаш мақсадида, истисно тариқасида:

«Геолтехтаъминот» давлат корхонасига — Марказни жиҳозлаш учун мазкур қарорга 2-иловада назарда тутилган замонавий лаборатория-технологик ускуналар ва инвентарларни харид қилиш учун техник топшириқларни «Ўзбекистон Республикаси Иқтисодий тараққиёт ва камбағалликни қисқартириш вазирлиги ҳузуридаги Лойиҳалар ва импорт контрактларини комплекс экспертиза қилиш маркази» ДУКда мажбурий экспертизадан ўтказмасликка;

Давлат геология қўмитаси тизимида фаолият юритаётган ташкилотларга — ҳар йилги минерал хом ашё базасини ривожлантириш давлат дастурларини бажариш учун геология-қидирув ишларига ўзаро ҳамда илмий-тадқиқот ва лаборатория-таҳлил ишларига Университет билан тўғридан-тўғри шартномалар тузишга рухсат берилсин.

10. Давлат геология қўмитаси ва Ўзбекистон Республикаси Олий ва ўрта махсус таълим вазирлиги 2020 йил 1 сентябрга қадар:

Ўзбекистон Республикаси Вазирлар Маҳкамаси ҳузуридаги Давлат тест маркази билан биргаликда 2020/2021 ўқув йили учун Университетга талабаларни қабул қилиш жараёнини талабга мувофиқ ўтказилишини таъминласин;

ўқув жараёнига илғор таълим методикалари ва технологияларини, билим даражасини баҳолаш механизмларини жорий этиш, шунингдек, амалий машғулотлар ва ўқув ишлаб-чиқариш амалиётларининг давомийлигини оширишни назарда тутувчи Университет фан дастурлари ва ўқув режаларини ишлаб чиқсин ва белгиланган тартибда тасдиқласин;

Университет ҳузурида етакчи геология ва кончилик йўналишидаги хорижий олий таълим муассасаларининг, шу жумладан, Санкт-Петербург кончилик университетининг махсус умумтаълим ва базавий техник фанларини ўқитишга ихтисослашган Бошланғич муҳандислик тайёрлаш марказини ташкил этсин.

Университет ҳузуридаги Бошланғич муҳандислик тайёрлаш маркази битирувчилари ўз ўқишларини мутахассислиги бўйича Ўзбекистон Республикаси Олий ва ўрта махсус таълим вазирлиги, Давлат геология қўмитасининг нуфузли таълим муассасалари билан келишувига асосан хорижий олий таълим муассасаларида, шу жумладан, Санкт-Петербург кончилик университетида ёки Университетда давом эттириши белгилаб қўйилсин.

11. Ўзбекистон Республикаси Олий ва ўрта махсус таълим вазирлиги:

2020-2021 ўқув йилида Университет талабаларини қабул қилиш ва ўқитиш жараёнини ўз муддатида ташкил қилиш мақсадида, биринчи ўқув йилида уларни И. Каримов номидаги Тошкент давлат техника университетининг тоғ-кон иши факультети ва ўқув-лаборатория биноларида таълим олишларига шароит яратиб берсин;

Давлат геология қўмитаси билан биргаликда бир ой муддатда мазкур қарорнинг 1-иловасига мувофиқ Университетда тайёрланадиган мутахассисликлар рўйхатини инобатга олган ҳолда, Олий таълим йўналишлари ва мутахассисликлари классификаторига белгиланган тартибда ўзгартириш ва қўшимчалар киритилишини таъминласин.

Университет 2020-2021 ўқув йилида И. Каримов номидаги Тошкент давлат техника университети биносига текин фойдаланиш ҳуқуқи асосида жойлаштирилсин.

12. Қўйидагилар:

Геология фанлари университетини ташкил этиш ва унда фан, таълим ва ишлаб чиқариш интеграциясини йўлга қўйиш бўйича «йўл харитаси» 3-иловага* мувофиқ;

Геология фанлари университетиди саноат корхоналаридаги геология соҳасига оид муаммолар ечимига қаратилган илмий-тадқиқот лойиҳаларини амалга оширишнинг мақсадли дастури 4-иловага* мувофиқ тасдиқлансин.

Масъул вазирлик, идора ва ташкилотлар раҳбарлари мазкур қарорнинг 3 ва 4-иловаларида назарда тутилган чора-тадбирлар ҳамда илмий-тадқиқот лойиҳаларининг ўз вақтида ва сифатли бажарилишини таъминлаш учун шахсан масъул эканликлари белгилаб қўйилсин.

13. Геология фанлари университетининг Васийлик кенгаши таркиби 5-иловага* мувофиқ тасдиқлансин.

Қўйидагилар Университет Васийлик кенгашининг асосий вазифалари этиб белгилансин:

ер қабрини геологик жиҳатдан ўрганиш, ундан оқилона фойдаланиш ва уни муҳофаза қилиш соҳасида олий таълимни ривожлантиришга йўнал-

* 3 — 5-иловалар «Қонун ҳужжатлари маълумотлари миллий базаси»да эълон қилинган.

тирувчи янги шакллар, дастурлар ва истиқболли ташаббусларни қўллаб-қувватлаш, илмий ишланмалар натижаларини геология-қидирув ишлари амалиётига самарали жорий қилиш;

Университетнинг таълим ва илмий-тадқиқот салоҳиятини ривожлантиришнинг истиқболли йўналишларини белгилаш, ҳамкорлик битимларини тузиш амалиётини ривожлантириш ва уларни амалга ошириш;

илмий-техник ишланмаларни молиялаштириш ва стратегик лойиҳаларни амалга ошириш учун республика ва халқаро грант маблағларини жалб қилишга қўмаклашиш;

Университетни мунтазам ривожлантиришни таъминлаш учун ҳомийлик хайрия маблағларини, техник қўллаб-қувватлаш (грантлар) ва бюджетдан ташқари бошқа маблағларни жалб қилиш;

Университетнинг моддий-техник базасини мустаҳкамлаш, уни замонавий ўқув-лаборатория ва тажриба-саноат ускуналари билан таъминлашга ёрдам кўрсатиш;

таълим ва илм-фан соҳасида халқаро ҳамкорликни йўлга қўйиш ва ривожлантириш;

давлат, жамият ва бизнес тузилмалари билан битирувчиларни ишга жойлаштириш бўйича янада самарали ҳамкорлик қилиш;

Университетнинг педагог, илмий ва бошқа ходимлари иш шароитларини ҳамда ижтимоий таъминотини яхшилаш.

14. Ўзбекистон Республикаси Олий ва ўрта махсус таълим вазирлиги, Давлат геология қўмитаси, Адлия вазирлиги манфаатдор вазирлик ва идоралар билан биргаликда бир ой муддатда қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

15. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов зиммасига юклансин.

**Ўзбекистон Республикасининг
Президенти**

Ш. МИРЗИЁЕВ

Тошкент ш.,
2020 йил 8 июнь,
ПҚ-4740-сон

ЎЗБЕКИСТОН РЕСПУБЛИКАСИ ПРЕЗИДЕНТИНИНГ
ҚАРОРИ**246 Тадбиркорлик фаолияти ва ўзини ўзи банд қилишни
давлат томонидан тартибга солишни соддалаштириш
чора-тадбирлари тўғрисида***

Аҳолини тадбиркорлик фаолиятига янада кенг жалб қилиш ва қонуний меҳнат фаолиятини амалга ошириш учун қўшимча шарт-шароитларни яратиш мақсадида:

1. Маълумот учун қабул қилинсинки, Ўзбекистон Республикаси Солиқ кодексига мувофиқ ўзини ўзи банд қилган шахсларнинг меҳнат фаолияти натижасида олинган даромадлари жисмоний шахслар жами даромадлари таркибига киритилмайди.

2. 2020 йил 1 июлдан ўзини ўзи банд қилган шахслар шуғулланиши мумкин бўлган фаолият (ишлар, хизматлар) турлари рўйхати иловага мувофиқ кенгайтирилсин.

3. 2020 йил 1 июлдан бошлаб шундай тартиб жорий этилсинки, унга мувофиқ:

ўзини ўзи банд қилган шахсларни рўйхатга олиш хабар бериш тартибида ўзини ўзи банд қилган сифатида рўйхатдан ўтганликни тасдиқловчи матрицали штрих код (QR-код) берган ҳолда махсус мобиль илова ёхуд солиқ тўловчининг шахсий кабинети орқали амалга оширилади ҳамда вақтинчалик меҳнат гувоҳномаларини бериш тартиби бекор қилинади;

ўзини ўзи банд қилган шахслар 2020 йил учун ижтимоий солиқни ўзини ўзи банд қилган шахс сифатида ҳақиқатда ишлаган вақтидан қатъи назар базавий ҳисоблаш миқдорининг камида 50 фоизи ҳажмида тўлайди ҳамда ушбу сумма тўлиқлигича бюджетдан ташқари Пенсия жамғармасига йўналтирилади ва ундан келиб чиққан ҳолда яқка тартибдаги тадбиркорлар учун ўрнатилган тартибда пенсия ҳисоблаш учун даромад ҳажми аниқланади;

ўзини ўзи банд қилган шахслар ёлланма ишчиларни жалб қила олмаслиги ҳамда иш берувчига эга бўла олмаслиги тўғрисидаги талаб сақланиб қолади.

4. Интернет тармоғи орқали хизматлар кўрсатувчи (ишлар бажарувчи) ўзини ўзи банд қилган шахсларга (фрилансинг) қуйидаги ҳуқуқлар берилсин:

кўрсатилган хизматлар (бажарилган ишлар) учун чет элдаги жисмоний ва юридик шахслар — норезидентлардан хорижий валютадаги тўловларни Ташқи савдо операцияларининг ягона электрон ахборот тизимида тегишли маълумотларни киритмаган ҳолда Ўзбекистон Республикасининг банкларидаги ҳисоб рақамларига қабул қилиш;

контракт тузмасдан, келишув тўғрисидаги оммавий таклифни (оферта) қабул қилиш ёки электрон ёзишмалар алмашиш ёхуд ҳисоб-китоб факту-

* Ушбу қарор «Қонун ҳужжатлари маълумотлари миллий базаси»да 2020 йил 9 июнда эълон қилинган.

раларни (инвойс), шу жумладан, электрон шаклда тақдим қилиш йўли билан чет эллик жисмоний ва юридик шахсларга хизматлар кўрсатиш (ишлар бажариш).

5. Ўзбекистон Республикаси Давлат солиқ қўмитаси 2020 йил 1 июлга қадар ўзини ўзи банд қилган шахсларни масофадан туриб рўйхатга олиш учун қўйидаги имкониятларни назарда тутувчи мобиль иловани ишлаб чиқсин ҳамда жорий қилсин:

буюртмаларни қабул қилиш ва кўрсатилган хизматлар (товарлар) учун тўловларни амалга ошириш;

юридик шахсларга хизматлар кўрсатишда (товарларни сотишда) электрон ҳисоб-китоб фактураларни тақдим қилиш;

мобиль илова ёрдамида ихтиёрий асосда даромадлар ва харажатлар ҳисобини юритиш ҳамда ушбу маълумотлардан кейинчалик, шу жумладан, кредит олиш ва (ёки) солиқларни ҳисобдан чиқариш мақсадида фойдаланиш;

ўзини ўзи банд қилган шахсларнинг товарларини (ишларини, хизматларини) реклама қилиш;

кўрсатилаётган хизматлар (товарлар) сифатини баҳолаш ва истеъмолчилар томонидан фикр-мулоҳазалар қолдириш.

6. Шундай тартиб ўрнатилсинки, унга мувофиқ:

жойлашган жойи (почта манзили) ўзгарганда юридик шахслар — тадбиркорлик субъектларини давлат томонидан қайта рўйхатдан ўтказиш катта миқдорларда солиқ қарздорлиги мавжуд бўлмаган тақдирда хабар бериш тартибини қўллаган ҳолда бекор қилинади;

якка тартибдаги тадбиркорларни давлат солиқ хизмати органларида ҳисобга қўйиш уларни давлат томонидан рўйхатдан ўтказилаётганда (қайта рўйхатга олинаётганда) тадбиркорлик фаолиятини олиб бориш жойи бўйича амалга оширилади;

якка тартибдаги тадбиркорнинг давлат рўйхатидан ўтказилганлиги тўғрисидаги гувоҳнома унда якка тартибдаги тадбиркорнинг фотосурати акс эттирилган ҳолда берилади.

7. Белгилаб қўйилсинки, ўзини ўзи банд қилган шахслар учун назарда тутилган фаолият турлари билан шуғулланувчи, иштирокчилари сони камида уч нафар бўлган оилавий корхоналар айланмадан солиқни белгиланган миқдордан 50 фоизга камайтирилган ставкада тўлайдилар.

8. Ўзбекистон Республикаси Иқтисодий тараққиёт ва камбағалликни қисқартириш вазирлиги, Адлия вазирлиги ва Савдо-саноат палатаси 2021 йилда тадбиркорлик фаолияти билан шуғулланишни осонлаштириш, шу жумладан, қўйидагиларга имкон яратувчи сервислардан реал вақт режимида фойдаланишга ёрдам берадиган «Бизнес навигатор» ахборот тизимини жорий қилсин:

тадбиркорлик фаолиятининг тегишли ҳудуддаги рақобатбардош турини танлаш;

кредит олиш учун зарур бўлган бизнес-режа лойиҳаси ва ҳужжатлар тўпламини шакллантириш;

тегишли тадбиркорлик фаолияти учун тақдим этилган имтиёз ва преференциялар тўғрисида маълумот олиш;

тадбиркорлик фаолиятини амалга ошириш учун қўчмас мулк объектларини танлаш.

9. Қўйидагилар:

Ўзбекистон Республикаси Иқтисодий тараққиёт ва камбағалликни қисқартириш вазирлиги ҳузуридаги Кичик бизнес ва тадбиркорликни ривожлантириш агентлиги «Бизнес навигатор» ахборот тизимини яратиш бўйича бўюртмачи этиб;

Тадбиркорлик фаолиятини қўллаб-қувватлаш давлат жамғармаси маблағлари «Бизнес навигатор» ахборот тизимини яратиш, техник жиҳатдан қўллаб-қувватлаш ва ривожлантириш бўйича ишларнинг молиялаштириш манбаи этиб белгилансин.

10. Ўзбекистон Республикаси Молия вазирлиги Давлат солиқ қўмитаси билан биргаликда 2021 йилга мўлжалланган солиқ сиёсатини такомиллаштириш концепциясини тайёрлашда қўйидагиларни назарда тутсин:

ўзини ўзи банд қилган шахслар томонидан тўланадиган ижтимоий солиқ суммасининг энг кам миқдорини ўрнатиш;

якка тартибдаги тадбиркорларнинг ёлланма ишчиларига ёлланиб ишлаш асосида меҳнат фаолиятини олиб боровчи шахслар учун ўрнатилган солиққа тортиш тартибини татбиқ қилиш.

11. Ўзбекистон Миллий ахборот агентлиги ва Ўзбекистон Миллий телерадиокомпанияси Молия вазирлиги ҳамда Давлат солиқ қўмитаси билан биргаликда мазкур қарорнинг мазмун-моҳияти ҳамда амалий аҳамияти кенг ёритилишини таъминласин.

12. Ўзбекистон Республикаси Давлат солиқ қўмитаси манфаатдор вазирлик ва идоралар билан биргаликда икки ой муддатда қонун ҳужжатларига мазкур қарордан келиб чиқадиган ўзгартириш ва қўшимчалар тўғрисида Ўзбекистон Республикаси Вазирлар Маҳкамасига таклифлар киритсин.

13. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари Ж.А. Қўчқоров зиммасига юклансин.

**Ўзбекистон Республикасининг
Президенти**

Ш. МИРЗИЁЕВ

Тошкент ш.,
2020 йил 8 июнь,
ПҚ-4742-сон

Ўзбекистон Республикаси
Президентининг 2020 йил 8 июндаги
ПҚ-4742-сон қарорига
ИЛОВА

**Ўзини ўзи банд қиладиган шахслар учун фаолият
(ишлар, хизматлар) турлари
РЎЙХАТИ**

1. Уйда репетиторлик қилиш — болалар ва катталар билан таълим фанлари бўйича яқка тартибда ҳамда гуруҳ бўлиб машғулотлар ўтказиш
2. Болаларга қараб туриш ва уларни парвариш қилиш бўйича жисмоний шахсларга кўрсатиладиган хизматлар
3. Беморлар ҳамда доимий равишда ўзгалар парваришига муҳтож кекса кишиларга қараб туриш ва уларни парвариш қилиш бўйича жисмоний шахсларга кўрсатиладиган хизматлар
4. Уй хўжалигини юритиш ва уй ишларини бажариш, шу жумладан, турар жойларни тозалаш, овқат пишириш бўйича уй хўжаликларига хизмат кўрсатиш
5. Хоналарни тозалаш, жисмоний шахс ҳудудини ободонлаштириш ва кўкаламзорлаштириш
6. Уйда жисмоний шахсларнинг мебелларини таъмирлаш ва йиғиш
7. Жисмоний шахсларга мураккаб бўлмаган умумий қурилиш, қурилиш-таъмирлаш ишлари (бетон қуйиш, бўёқчилик, сувоқчилик ишлари, гишт ва кафель териш, перфорация, дурадгорлик, чилангарлик ва бошқа умумий қурилиш ишлари)
8. Жисмоний шахсларнинг сантехника ускуналарини майда таъмирлаш ва ўрнатиш
9. Жисмоний шахсларга квартира ичида (шахсий қурилиш ишларида — уй ичида) электр монтаж ишлари (электр хавфсизлиги бўйича рухсати бўлганда)
10. Деҳқон ва фуқароларнинг томорқа участкаларида ер чопиш ва рекультивация ишлари
11. Фермер хўжаликлари эгалари буюртмаси бўйича қишлоқ хўжалиги ишлари (қишлоқ хўжалиги ўсимликлари ва ҳайвонларни парвариш қилиш, қишлоқ хўжалиги экинлари ҳосилини йиғиш ва бошқа қишлоқ хўжалиги ишлари)
12. Фуқароларнинг дала-ҳовли ва томорқа участкалари ландшафтини барпо этиш ишлари
13. Қишлоқ хўжалиги ўсимликларини экиш ва парвариш қилишда, қишлоқ хўжалиги экинлари ҳосилини йиғиб олишда деҳқон ва томорқа участкалари эгаларига ёрдам бериш
14. Чорва молларини ўтлатиш, уларни парвариш қилиш
15. Жисмоний шахсларга компьютерларни таъмирлаш ва созлаш, лицензияланган дастурий таъминот ўрнатиш

16. Буюртмачининг уйида бажариладиган маиший техникани ўрнатиш ва таъмирлаш

17. Жисмоний шахсларнинг шахсий автомобилларини майда таъмирлаш, уларга аксессуарлар ва автосигнализация ўрнатиш, ғилофлар ва пол қопламаларини тикиш

18. Жисмоний шахсларнинг автомобилларини ювиш, автомобиллар кузовларини силлиқлаш

19. Механизация воситаларини қўлламай, уйда бажариладиган юк ортиш-юк тушириш ишлари

20. Макулатура, пластик идиш, темир-терсак ва қўшимча хом ашё тўплаш

21. Халқ таъбири (лицензияси бўлганда)

22. Хусусий шахсларга бош хизматкор ва консъерж хизматларини кўрсатиш

23. Шахсий транспортдан фойдаланиб, жисмоний шахсларга товарларни етказиб бериш (юк ташиш бундан мустасно)

24. Бозорлар ва савдо комплексларида майда юкларни араваларда ташиш

25. Илгари фойдаланилган товарларни сотиб олиш ва сотиш

26. Велосипедларни таъмирлаш

27. Ёғоч меъморчилиги (болалар майдончалари ва парк зоналари учун ёғочдан ясалган қурилмалар, ҳайкаллар)

28. Рассомлик

29. Металл таъмирлаш ишлари (уйда амалга ошириладиган маиший металл буюмларини таъмирлаш (калитларнинг дубликатларини тайёрлаш, соябонларни таъмирлаш, бошқа маиший металл буюмларини оддий таъмирлаш)

30. Уйда попкорн, фрезерда музқаймоқ тайёрлаш ва сотиш

31. Дехқон бозорларида қишлоқ хўжалиги маҳсулотлари билан чакана савдо қилиш

32. Газеталар, журналлар ва китоб маҳсулотлари билан чакана савдо қилиш

33. Сартарошлик хизматлари, маникюр, педикюр хизматлари

34. Косметолог хизматлари ва шунга ўхшаш бошқа хизматлар

35. Уйда кир ювиш ва дазмоллаш хизматлари

36. Тикув, мўйна, чарм ва трикотаж буюмларни, бош кийимларни ва тўқимачилик галантереяси буюмларини таъмирлаш, аҳолининг якка тартибдаги буюртмаси бўйича тикув ва трикотаж буюмларини, бош кийимларини ва тўқимачилик галантереяси буюмларини тикиш

37. Газламаларга нақшлар солиш (газламалар ва кийим ашёларини қўлда бўйлаш, газламаларга, шу жумладан, трафаретли босма ва қўлда расм чизиш усули билан расмлар солиш)

38. Аҳолининг якка тартибдаги буюртмалари бўйича пойабзал тикиш, пойабзални таъмирлаш, бўйлаш ва тозалаш

39. Якка тартибда дераза ва эшик пардаларини тикиш ва таъмирлаш, каштачилик

40. Галантерея буюмларини тайёрлаш ва таъмирлаш
41. Бижутерия ва жевакларни тайёрлаш ва таъмирлаш
42. Калитлар тайёрлаш
43. Ўлчов воситалари тайёрлаш ва ижарага бериш
44. Гулчамбарлар (шу жумладан, мотам гулчамбарлари), сунъий гуллар, икебана, гул маржонларини тайёрлаш
45. Тўсиқлар, ҳайкаллар, металлдан ясалган гулчамбарларни тайёрлаш ва таъмирлаш
46. Кесувчи буюмлар ва асбобларни чархлаш
47. Аквариум балиқлари, декоратив қушлар ва бошқа ҳайвонларни қўпайтириш ва сотиш
48. Муסיқа асбобларини таъмирлаш ва созлаш
49. Видео ва фотосуратга олиш хизматлари
50. Қадоклаш ускуналарида фойдаланмаган ҳолда уй шароитида миллий ширинликлар, қандолат маҳсулотларини тайёрлаш ва сотиш
51. Миллий нон ва патирларни тайёрлаш ва сотиш
52. Салатлар ва тузламаларни тайёрлаш ва сотиш, шунингдек, уй шароитида доналаб сотиладиган таомларнинг айрим турларини тайёрлаш ва ўтириш жойларини ташкил этмасдан ёки маҳаллий давлат ҳокимияти органларининг қарори билан ажратилган махсус жойларда сотиш
53. Уйда қуйиб сотиш учун салқин ичимликлар, айрон, гўжа ҳамда қурт тайёрлаш ва сотиш
54. Тўгараклар ташкил этиш ва юритиш
55. Тулумни шишириш хизматлари (таксидермик ишлар)
56. Гуллар ва декоратив дарахтлар етиштириш ва сотиш (шу жумладан, бонсай санъати)
57. Реклама буклетларини тарқатиш, уйда операторлар томонидан буюртмалар қабул қилиш
58. Муқовалаш ишлари
59. Намойишларда кийимлар моделини намоиш қилиш, расмли журналларда, реклама фильмлари ва видео клипларда суратга тушиш
60. Экскурсияни ташкил этиш ва ўтказиш хизматлари
61. Матнни яратиш ва ишлов бериш (копирайтер, рерайтер, SEO-копирайтер, SEO-рерайтер, мусахҳих, контент-менежер, муҳаррир, e-mail орқали хатларни жўнатиш бўйича мутахассис, спичрайтер, транскрибер ва бошқалар)
62. Мультимедиа, дизайн ва санъат материалларини яратиш ва ишлов бериш (веб-дизайнер, графика дизайнери, компьютер ўйинлари дизайнери, интерьер дизайнери, ландшафт дизайнери, либослар дизайнери, ретушер, фотоколлажчи, вектор графикаси муҳаррири, архитектор, визуаллаштирувчи дизайнер, маълумот дизайнери, интерфейс дизайнери, техник дизайнер, моушн-дизайнер, баннер ясовчи, нашриёт дизайнери, флешер, 3D-дизайнер, видео муҳаррир, видеооператор, бастакор, овоз режиссёри, аранжировкачи, сухандон, фото муҳаррир ва бошқалар)
63. Дастурий таъминот, ахборот тизимлари, мобил иловалар ва веб-

сайтларни ишлаб чиқиш ва техник қўллаб-қувватлаш (дастурчи, дастурий таъминотни синовчи мутахассис, веб-саҳифаларни саҳифаловчи, веб-тахлилчи, веб-сайтларни оптимизациялаш бўйича мутахассис)

64. Таржима қилиш хизматлари (бадий адабиётни таржима қилиш, техник таржима, веб-сайтлар, фильмлар, компьютер ва мобил иловалар, тақдимотлар, видео, аудио ва рекламалар таржимаси)

65. Ижтимоий тармоқлардаги фаолият (PR-менеджер, интернет-маркетолог, ижтимоий тармоқларда товарлар (ишлар, хизматлар)ни илгари суриш ва реклама қилиш (SMM), ижтимоий тармоқ саҳифалари администратори, аккаунт-менеджер, маркетолог, линк-менеджер, таргетолог, контекст-реклама бўйича мутахассис, директолог, медиа режалаштирувчи, SMO мутахассиси)

66. Кадрлар танлаш соҳасидаги фаолият (интернет-лойиҳалар билан ишловчи менеджер, фрилансерлар гуруҳи раҳбари, HR-менеджер, рекрутер, шахсий ассистент)

67. Онлайн консультация бериш (онлайн-консультант, онлайн-тренер, молиявий маслаҳатчи, вебинар олиб боровчи)

Изоҳ: Ўзбекистон Республикаси Вазирлар Маҳкамаси Ўзини ўзи банд қиладиган шахслар учун фаолият (ишлар, хизматлар) турлари рўйхатиغا ўзгартириш ва қўшимчалар киритиш ҳуқуқига эга.

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ

247 2020/2021 ўқув йилида Ўзбекистон Республикасининг олий таълим муассасаларига ўқишга қабул қилишнинг давлат буюртмаси параметрлари тўғрисида*

Ёшларнинг олий таълим билан қамраб олинишини янада кенгайтириш, олий таълим муассасалари ўртасида соғлом рақобатни кучайтириш, карантин шароитида олий таълим муассасаларига абитуриентларнинг хужжатларини қабул қилиш ва кириш имтиҳонларини лозим даражада ўтказиш мақсадида, шунингдек, 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларга мувофиқ:

1. Белгилансинки:

а) 2020/2021 ўқув йилида бакалавриат таълим йўналишларига ўқишга

* Ушбу қарор «Қонун ҳужжатлари маълумотлари миллий базаси»да 2020 йил 13 июнда эълон қилинган.

қабул қилишда:

абитуриентларни рўйхатдан ўтказиш жорий йилнинг 20 июнидан 20 июлига қадар (20 июль куни ҳам) бўлган муддатда Ўзбекистон Республикасига коронавируснинг янги тури кириб келиши ва тарқалишининг олдини олиш юзасидан чора-тадбирлар дастурини тайёрлаш бўйича республика махсус комиссияси томонидан белгиланган ҳудудларда — Давлат хизматлари марказлари орқали, барча ҳудудларда — Ягона интерактив давлат хизматлари портали ҳамда Ўзбекистон Республикаси Вазирлар Маҳкамаси ҳузуридаги Давлат тест марказининг (кейинги ўринларда — Давлат тест маркази) расмий веб-сайти орқали амалга оширилади;

кириш тест синовлари абитуриент танлаган бакалавриат таълим йўналишига мос иккита фандан ўтказилади;

абитуриентларга тест синови топшириладиган фанлар мажмуаси ҳамда фанлар кетма-кетлиги бир хил бўлган бештагача бакалавриат таълим йўналиши бўйича танловда иштирок этиш ҳуқуқи берилади;

б) 2020/2021 ўқув йили қабулидан бошлаб:

Ўзбекистон Республикаси Маҳалла ва оилани қўллаб қувватлаш вазирлигининг тавсияномасига эга бўлган хотин-қизлар учун бакалавриатнинг кундузги таълим шакли бўйича умумий белгиланган давлат гранти асосидаги қабул кўрсаткичларига нисбатан қўшимча тўрт фоизли давлат гранти асосидаги қабул кўрсаткичлари ажратилади;

давлат олий таълим муассасаларининг магистратура мутахассисликларига ўқишга кириш, шунингдек, бакалавриат таълим йўналишларига ўқишни қўчириш ва қайта тиклаш учун ҳужжатларни топшириш жараёни Ўзбекистон Республикаси Олий ва ўрта махсус таълим вазирлигининг расмий веб-сайти орқали амалга оширилади.

2. Ўзбекистон Республикаси Иқтисодий тараққиёт ва камбағалликни қисқартириш вазирлиги томонидан манфаатдор вазирлик ва идоралар билан биргаликда:

2020/2021 ўқув йилида Ўзбекистон Республикасининг олий таълим муассасаларига ўқишга қабул қилишнинг давлат буюртмаси параметрлари (кейинги ўринларда — Давлат буюртмаси параметрлари) ишлаб чиқилганлиги;

мазмун жиҳатдан яқин бўлган бакалавриат таълим йўналишлари бирлаштирилганлиги ва профиль ихтисослашув соҳалар кенгайтирилганлиги;

магистратура мутахассисликлари йириклаштирилганлиги маълумот учун қабул қилинсин.

3. Давлат буюртмаси параметрлари:

а) бакалаврлар тайёрлаш бўйича:

кундузги таълим шаклига — 103 575 нафар этиб 1-иловага*;

сиртқи таълим шаклига — 31 350 нафар этиб 2-иловага*;

кечки таълим шаклига — 5 025 нафар этиб 3-иловага*;

б) магистрлар тайёрлаш бўйича — 10 425 нафар этиб 4-иловага* мувофиқ тасдиқлансин.

* 1 — 4-иловалар «Қонун ҳужжатлари маълумотлари миллий базаси»да эълон қилинган.

4. 2020/2021 ўқув йилида Ўзбекистон Республикаси олий таълим муассасаларига ўқишга қабул қилиш бўйича давлат комиссияси (кейинги ўринларда — Давлат комиссияси) таркиби 5-иловага* мувофиқ тасдиқлансин.

Давлат комиссиясига қуйидаги ҳуқуқлар берилсин:

зарурат бўлганда, янги бакалавриат таълим йўналишлари ва магистратура мутахассисликларини киритиш ҳамда ташкил этиладиган янги олий таълим муассасалари қабул параметрларини белгилаш учун Давлат буюртмаси параметрларига ўзгартириш ва қўшимчалар киритиш;

иктисодиёт тармоқлари ва ҳудудларнинг, шу жумладан, республиканинг олис ва бориш қийин бўлган туманларининг мутахассисларга бўлган эҳтиёжини қаноатлантириш учун олий таълим муассасаларининг бакалавриат ва магистратурасига тегишли тармоқлар ва ҳудудлар бўйича мақсадли қабул параметрларини белгилаш;

Ўзбекистон Республикаси Олий ва ўрта махсус таълим вазирлиги ҳамда тизимида олий таълим муассасалари бўлган вазирлик ва идораларнинг таклифлари асосида олий таълим муассасаларининг нуфузи ва ҳудудий жойлашувини ҳисобга олган ҳолда базавий тўлов-контракт қийматидан келиб чиқиб табақалаштирилган тўлов-контракт минимал миқдорининг ягона кўрсаткичларини таълим соҳалари ва республика ҳудудлари бўйича белгилаш (ўзини ўзи молиялаштириш тизимига ўтаётган олий таълим муассасалари бундан мустасно);

профессионал таълим муассасаларига ўқишга қабул қилишнинг давлат буюртмаси параметрларини тасдиқлаш.

5. Фарғона вилоятининг Сўх туманини ижтимоий-иктисодий ривожлантириш, истиқболда мазкур ҳудуднинг иктисодиёт тармоқларини замонавий фикрлайдиган малакали мутахассислар билан таъминлаш мақсадида ушбу туман учун бакалавриатнинг кундузги таълим шакли бўйича умумий белгиланган қабул кўрсаткичларига нисбатан қўшимча давлат гранти асосидаги 500 та ўрин миқдоридаги мақсадли қабул параметрлари ажратилсин.

Фарғона вилояти ҳокимлиги Ўзбекистон Республикаси Иқтисодий тараққиёт ва камбағалликни қисқартириш вазирлиги ҳамда Олий ва ўрта махсус таълим вазирлиги билан биргаликда мазкур қабул параметрларини эҳтиёжга мувофиқ олий таълим муассасалари кесимида тақсимлаш бўйича асосланган таклифларни бир ҳафта муддатда Давлат комиссиясига киритсин.

6. Ўзини ўзи молиялаштириш тизимига ўтган олий таълим муассасаларига ўзини ўзи тўлиқ молиявий таъминлаш миқдоридан келиб чиқиб, тўлов-контракт асосида ўқитиш қийматини белгилаш ҳуқуқи берилганлиги маълумот учун қабул қилинсин.

Ўзини ўзи молиялаштириш тизимига ўтган олий таълим муассасалари ректорлари бакалавриат таълим йўналишлари ва магистратура мутахассисликлари бўйича белгиланган тўлов-контракт миқдори ҳақидаги маълумотларни бир ҳафта муддатда оммавий ахборот воситалари ва Интернет тармоғида эълон қилсин.

* 5-илова «Қонун ҳужжатлари маълумотлари миллий базаси»да эълон қилинган.

7. Белгилаб қўйилсинки, 2021/2022 ўқув йилидан бошлаб кадрлар буюртмачиларининг эҳтиёжлари тўлиқ автоматлаштирилган тарзда «quota.minesonpu.uz» ахборот тизими (кейинги ўринларда — Ахборот тизими) орқали шакллантирилади.

8. Буюртмачиларининг кадрларга бўлган эҳтиёжини аниқлаш жараёнини рақамлаштириш мақсадида 2020 йил 1 октябрга қадар:

Ўзбекистон Республикаси Бандлик ва меҳнат муносабатлари вазирлиги иқтисодиёт тармоқларининг олий маълумотли кадрларга бўлган жорий эҳтиёжини кузатиб бориш имкониятини яратиш учун «Ягона миллий меҳнат тизими» идоралараро дастурий-аппарат комплексини Ахборот тизими билан интеграциясини;

Ўзбекистон Республикаси Халқ таълими вазирлиги республиканинг барча мактабларида битирувчи синфлардаги ўқувчилар сони ҳамда педагогик таркиби тўғрисида доимий янгиланиб боровчи маълумотлар базасини Ахборот тизими билан интеграциясини;

Ўзбекистон Республикаси Ахборот технологиялари ва коммуникацияларини ривожлантириш вазирлиги Иқтисодий тараққиёт ва камбағалликни қисқартириш вазирлиги билан биргаликда кадрлар буюртмачилари эҳтиёжлари тўғрисидаги маълумотларни «Электрон рақамли имзо» тизимини қўллаган ҳолда Ахборот тизимига киритилишини ҳамда Ахборот тизимини мунтазам равишда такомиллаштириб борилишини таъминласин.

9. Ўзбекистон Республикаси Вазирлар Маҳкамаси ҳузуридаги Давлат тест маркази ва Халқ таълими вазирлиги бошқа вазирлик ва идоралар билан биргаликда 2020 йил 1 сентябрга қадар умумтаълим муассасалари битирувчиларининг якуний давлат аттестацияси ҳамда олий таълим муассасаларига кириш имтиҳонларини унификация қилиш ва ягона имтиҳонни йўлга қўйиш бўйича таклифларни ишлаб чиқсин ва Ўзбекистон Республикаси Президенти Администрациясига киритсин.

10. Давлат комиссияси 2020 йил 20 июнга қадар:

Ўзбекистон Республикаси Соғлиқни сақлаш вазирлиги, Халқ таълими вазирлиги, Ветеринария ва чорвачиликни ривожлантириш давлат қўмитаси, Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари буюртмаларига биноан соғлиқни сақлаш, халқ таълими, ветеринария соҳаларида олий маълумотли кадрларга эҳтиёж юқори бўлган ҳудудлар учун Давлат буюртмаси параметрларининг давлат гранти асосидаги қабул кўрсаткичлари доирасида мақсадли қабул параметрларининг туман (шаҳар)лар кесимидаги тақсимотини;

Ўзбекистон Республикаси Олий ва ўрта махсус таълим вазирлиги, тизимида олий таълим муассасалари бўлган вазирлик ва идоралар ҳамда Давлат тест марказининг таклифлари асосида олий таълим муассасаларига Давлат буюртмаси параметрларининг таълим тилларига қараб тақсимотини тасдиқласин.

11. Ўзбекистон Республикаси Олий ва ўрта махсус таълим вазирлиги:

а) бир ой муддатда:

Ўзбекистон стандартлаштириш, метрология ва сертификатлаштириш

агентлиги ҳамда Иқтисодий тараққиёт ва камбағалликни қисқартириш вазирлиги билан биргаликда 2020/2021 ўқув йилида янги киритилаётган бакалавриат таълим йўналишлари ҳамда магистратура мутахассисликларини ҳисобга олган ҳолда Олий таълим йўналишлари ва мутахассисликлари классификаторига ўзгартириш ва қўшимчалар киритсин;

тизимида олий таълим муассасалари бўлган вазирлик ва идоралар билан биргаликда янги киритилаётган бакалавриат таълим йўналишлари ва магистратура мутахассисликларининг малакавий талаблари, ўқув режалари ҳамда фан дастурларини ишлаб чиқсин ва белгиланган тартибда тасдиқласин;

б) 2020 йил 31 декабрга қадар бакалавриат таълим йўналишлари ва магистратура мутахассисликлари хусусиятидан келиб чиққан ҳолда битирувчиларга асосий ҳамда қўшимча квалификация бериш тартибини ишлаб чиқсин ва тасдиқласин;

в) Ўзбекистон Республикаси Иқтисодий тараққиёт ва камбағалликни қисқартириш вазирлиги, Молия вазирлиги ҳамда тизимида олий таълим муассасалари бўлган вазирлик ва идоралар билан биргаликда 2020 йил 1 декабрга қадар қуйидагилар тўғрисида Вазирлар Маҳкамасига асослан-тирилган таклифлар киритсин:

олий таълим муассасаларига ўқишга қабул қилишнинг давлат буюртмаси параметрларида фақат давлат гранти асосидаги қабул кўрсаткичларини белгилаш;

тўлов-контракт асосидаги қабул кўрсаткичларини олий таълим муассасалари томонидан мустақил белгилаш. Бунда, тўлов-контракт асосидаги қабул кўрсаткичлари Ўзбекистон Республикаси Олий ва ўрта махсус таълим вазирлиги томонидан белгиланган миқдордан кам бўлмаслиги лозим;

иқтидорли талабаларни нодавлат олий таълим ташкилотларида ҳам давлат гранти асосида ўқитиш;

алоҳида иқтидор талаб этиладиган таълим соҳаларининг бакалавриат таълим йўналишларига ўқишга қабул қилиш учун касбий (иждоий) имтиҳонлар билан биргаликда мажбурий ўрта — она тили (ўзбек, рус ёки қорақалпоқ тили), математика ва Ўзбекистон тарихи фанлари бўйича тест синовлари топшириш тартибини жорий қилиш.

12. Спорт соҳасида олий маълумотли мутахассислар тайёрлаш жараёнини оптималлаштириш мақсадида Ўзбекистон Республикаси Жисмоний тарбия ва спорт вазирлиги, Олий ва ўрта махсус таълим вазирлиги ҳамда Вазирлар Маҳкамаси ҳузуридаги Таълим сифатини назорат қилиш давлат инспекциясининг «Спорт фаолияти (фаолият турлари бўйича)» бакалавриат таълим йўналиши бўйича ўқиш муддати 3 йил бўлган таълим дастурлари доирасида кадрлар тайёрлашни амалга ошириш тўғрисидаги таклифига розилик берилсин.

13. Белгилаб қўйилсинки:

2020/2021 ўқув йилидан бошлаб «130 000-Математика» таълим соҳаси бўйича магистратура мутахассисликлари учун Давлат буюртмаси параметрлари тўлиқ давлат гранти асосида шакллантирилади;

2020/2021 ўқув йилида давлат гранти асосида бакалаврият ва магистратурага ўқишга қабул қилинган шахсларни ўқитиш билан боғлиқ харажатлар Ўзбекистон Республикаси Давлат бюджети маблағлари ҳисобига амалга оширилади.

14. Ўзбекистон Республикаси Президентининг айрим қарорларига 6-иловага мувофиқ ўзгартиришлар киритилсин.

15. Ўзбекистон Республикаси Олий ва ўрта махсус таълим вазирлиги Адлия вазирлиги ҳамда бошқа манфаатдор вазирлик ва идоралар билан биргаликда икки ой муддатда қонун ҳужжатларига мазкур қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

16. Мазкур қарорнинг ижросини назорат қилиш Ўзбекистон Республикасининг Бош вазири А.Н. Арипов ва Ўзбекистон Республикаси Президенти маслаҳатчиси А.А. Абдувахитов зиммасига юклансин.

**Ўзбекистон Республикасининг
Президенти**

Ш. МИРЗИЁЕВ

Тошкент ш.,
2020 йил 12 июнь,
ПҚ-4749-сон

Ўзбекистон Республикаси
Президентининг 2020 йил 12 июндаги
ПҚ-4749-сон қарорига
6-ИЛОВА

**Ўзбекистон Республикаси Президентининг айрим
қарорларига киритилаётган ўзгартиришлар**

1. Ўзбекистон Республикаси Президентининг 2018 йил 14 майдаги «Ўзбекистон Республикаси Қуролли Кучлари ҳарбийлари ва уларнинг оила аъзоларини ижтимоий қўллаб-қувватлашга оид қўшимча чора-тадбирлар тўғрисида»ги ПҚ-3726-сон қарори 2-бандининг «б» кичик бандидаги «жойлар Ўзбекистон Республикаси Вазирлар Маҳкамаси ҳузуридаги Давлат тест маркази томонидан ўтказиладиган тест синовлари» сўзлари «ўринлар олий таълим муассасаларига ўқишга кириш имтиҳонлари» сўзлари билан алмаштирилсин.

2. Ўзбекистон Республикаси Президентининг 2019 йил 26 февралдаги «Ички ишлар органлари ходимлари ва уларнинг оила аъзоларини ижтимоий ҳимоя қилишни янада кучайтириш чора-тадбирлари тўғрисида»ги ПҚ-4212-сон қарори 3-бандининг бешинчи хатбошисидаги «Ўзбекистон Республикаси Вазирлар Маҳкамаси ҳузуридаги Давлат тест маркази томонидан ўтказилган тест синовлари» сўзлари «олий таълим муассасаларига ўқишга кириш имтиҳонлари» сўзлари билан алмаштирилсин.

3. Ўзбекистон Республикаси Президентининг 2019 йил 14 майдаги «Олий таълим муассасаларига тест синовлари орқали қабул қилиш тизimini такомиллаштириш бўйича қўшимча чора-тадбирлар тўғрисида»ги ПҚ-4319-сон қарори 1-бандида:

иккинчи хатбошидаги «қабулдан бошлаб» сўзлари «қабул доирасида» сўзи билан алмаштирилсин;

тўртинчи хатбошидаги «2020/2021» рақамлари «2021/2022» рақамлари билан алмаштирилсин.

4. Ўзбекистон Республикаси Президентининг 2020 йил 27 февралдаги «Педагогик таълим соҳасини янада ривожлантириш чора-тадбирлари тўғрисида»ги ПҚ-4623-сон қарори 9-бандида:

«в» кичик банди қуйидаги таҳрирда баён этилсин:

«в) дастлабки босқичда Тошкент давлат педагогика университетида ўқув жараёни ўқув режа ва дастурлар такомиллаштирилган ҳолда таълимнинг кредит-модуль тизими асосида ташкил этилсин.

2021/2022 ўқув йилидан бошлаб педагогик фаолиятда умумтаълим фанлари муҳим ўрин тутишини инобатга олган ҳолда алоҳида иқтидор талаб этиладиган педагогика таълим соҳасининг бакалавриат таълим йўналишларига ўқишга қабул қилиш учун касбий (ижодий) имтиҳонлар билан биргаликда мажбурий учта — она тили (ўзбек, рус ёки қорақалпоқ тили), математика ва Ўзбекистон тарихи фанлари бўйича тест синовлари топшириш тартиби жорий қилинсин. Бунда, қоида тариқасида, мажбурий учта фан бўйича тест синовлари касбий (ижодий) имтиҳонлар натижалари эълон қилинганидан сўнг ўтказилиши белгилаб қўйилсин»;

«г» кичик банди ўз кучини йўқотган деб топилсин.

БЕШИНЧИ БЎЛИМ**ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИНИНГ
ҚАРОРИ****248 Марказий банк томонидан микрокредит ташкилотларининг ички аудит хизматига қўйиладиган талаблар тўғрисида низомга ўзгартиришлар киритиш ҳақида***

Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 2453-1

Ўзбекистон Республикасининг «Ўзбекистон Республикасининг Марказий банки тўғрисида»ги ва 2019 йил 30 декабрдаги ЎРҚ–599-сон «Ўзбекистон Республикасининг Солиқ кодексига ўзгартиш ва қўшимчалар киритиш тўғрисида»ги қонунларига мувофиқ Ўзбекистон Республикаси Марказий банки бошқаруви **қарор қилади:**

1. Ўзбекистон Республикаси Марказий банки бошқарувининг 2013 йил 16 мартдаги 6/2-сон қарори (рўйхат рақами 2453, 2013 йил 25 апрель) (Ўзбекистон Республикаси қонун ҳужжатлари тўплами, 2013 йил 29 апрель, 17-сон, 230-модда) билан тасдиқланган Марказий банк томонидан микрокредит ташкилотларининг ички аудит хизматига қўйиладиган талаблар тўғрисида низомга иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

Марказий банк раиси

М. НУРМУРАТОВ

Тошкент ш.,
2020 йил 16 май,
11/8-сон

* Ушбу қарор «Қонун ҳужжатлари маълумотлари миллий базаси»да 2020 йил 10 июнда эълон қилинган.

Ўзбекистон Республикаси
Марказий банки бошқарувининг 2020 йил
16 майдаги 11/8-сон қарорига
ИЛОВА

**Марказий банк томонидан микрокредит ташкилотларининг
ички аудит хизматига қўйиладиган талаблар тўғрисида
низомга киритилаётган ўзгартиришлар**

1. Низомнинг муқаддимаси қуйидаги тахрирда баён этилсин:

«Мазкур Низом Ўзбекистон Республикасининг «Ўзбекистон Республикасининг Марказий банки тўғрисида»ги ва «Микрокредит ташкилотлари тўғрисида»ги қонунларига мувофиқ активларининг баланс қиймати бир миллиард сўмдан ортиқ бўлган микрокредит ташкилотларида ички аудит хизматини ташкил этишга қўйиладиган талабларни ҳамда унинг фаолиятини ташкил этишнинг методологик асосларини белгилайди.»

2. 20-банднинг бешинчи хатбошисидаги «бошқа мажбурий тўловлар» деган сўзлар «йиғимлар» деган сўз билан алмаштирилсин.

3. 21-банднинг «г» кичик бандида:

биринчи хатбошисидаги «бошқа мажбурий тўловлар» деган сўзлар «йиғимлар» деган сўз билан алмаштирилсин;

иккинчи хатбошисидаги «мажбурий тўловлар» деган сўзлар «йиғимлар» деган сўз билан алмаштирилсин;

учинчи хатбошисидаги «бошқа мажбурий тўловларни» деган сўзлар «йиғимларни» деган сўз билан алмаштирилсин.

ЎЗБЕКИСТОН РЕСПУБЛИКАСИ
ФАВҚУЛОДДА ВАЗИЯТЛАР ВАЗИРИНИНГ
БУЙРУҒИ

249 Кичик ҳажмли кемаларни рўйхатдан ўтказиш қоидаларининг 1-иловасига ўзгартириш киритиш тўғрисида*

*Ўзбекистон Республикаси Адлия вазирлиги томонидан 2020 йил
10 июнда рўйхатдан ўтказилди, рўйхат рақами 2967-1*

Ўзбекистон Республикаси Президентининг 2019 йил 21 майдаги ПФ—5723-сон «Меҳнатга ҳақ тўлаш, пенсиялар ва бошқа тўловлар миқдорларини аниқлаш тартибини такомиллаштириш тўғрисида»ги Фармони-га мувофиқ **буюраман:**

* Ушбу буйруқ «Қонун ҳужжатлари маълумотлари миллий базаси»да 2020 йил 10 июнда эълон қилинган.

1. Ўзбекистон Республикаси фавқулодда вазиятлар вазирининг 2017 йил 27 декабрдаги 529-сон буйруғи (рўйхат рақами 2967, 2018 йил 6 февраль) (Қонун ҳужжатлари маълумотлари миллий базаси, 07.02.2018 й., 10/18/2967/0659-сон) билан тасдиқланган Кичик ҳажмли кемаларни рўйхатдан ўтказиш қоидаларига 1-илованинг матни мазкур буйруқнинг иловасига мувофиқ таҳрирда баён этилсин.

2. Мазкур буйруқ расмий эълон қилинган кундан эътиборан кучга киради.

Вазир в. б.

Т. ХУДАЙБЕРГЕНОВ

Тошкент ш.,
2020 йил 21 май,
181-сон

Ўзбекистон Республикаси
фавқулодда вазиятлар вазирининг 2020 йил
21 майдаги 181-сон буйруғига
ИЛОВА

**«Кичик ҳажмли кемаларни рўйхатдан ўтказиш
(қайта рўйхатдан ўтказиш) учун белгиланган
ТЎЛОВЛАР ПРЕЙСКУРАНТИ**

Т/р	Хизмат кўрсатиш тури	Тўлов миқдори
1.	Осма ва стационар двигателли кичик ҳажмли кемаларни рўйхатдан ўтказиш (қайта рўйхатдан ўтказиш) ҳамда кичик ҳажмли кема билети учун	Базавий ҳисоблаш миқдорининг 20 фоизи
2.	Эшакли ва елканли кемаларнинг барча турларини, шу жумладан, шишириладиган турларини рўйхатдан ўтказиш (қайта рўйхатдан ўтказиш) учун	Базавий ҳисоблаш миқдорининг 10 фоизи
3.	Кичик ҳажмли кема билети дубликатини бериш учун	Базавий ҳисоблаш миқдорининг 10 фоизи

».

ЎЗБЕКИСТОН РЕСПУБЛИКАСИ
ФАВҚУЛОДДА ВАЗИЯТЛАР ВАЗИРИНИНГ
БУЙРУҒИ

250 Кичик ҳажмли кемаларни техник кўриқдан ўтказиш қоидаларининг 1-иловасига ўзгартириш киритиш тўғрисида*

Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 2968-1

Ўзбекистон Республикаси Президентининг 2019 йил 21 майдаги ПФ-5723-сон «Меҳнатга ҳақ тўлаш, пенсиялар ва бошқа тўловлар миқдорларини аниқлаш тартибини такомиллаштириш тўғрисида»ги Фармони-га мувофиқ **буюраман:**

1. Ўзбекистон Республикаси фавқулодда вазиятлар вазири-нинг 2017 йил 27 декабрдаги 530-сон буйруғи (рўйхат рақами 2968, 2018 йил 6 февраль) (Қонун ҳужжатлари маълумотлари миллий базаси, 07.02.2018 й., 10/18/2968/0660-сон) билан тасдиқланган Кичик ҳажмли кемаларни техник кўриқдан ўтказиш қоидаларига 1-илованинг матни мазкур буйруқнинг иловасига мувофиқ тахрирда баён этилсин.

2. Мазкур буйруқ расмий эълон қилинган кундан эътиборан кучга киради.

Вазир в. б.

Т. ХУДАЙБЕРГЕНОВ

Тошкент ш.,
2020 йил 21 май,
182-сон

Ўзбекистон Республикаси
фавқулодда вазиятлар вазири-нинг 2020 йил
21 майдаги 182-сон буйруғига
ИЛОВА

**«Кичик ҳажмли кемаларни техник кўриқдан ўтказиш учун
ТЎЛОВЛАР ПРЕЙСКУРАНТИ**

Т/р	Хизмат кўрсатиш тури	Тўлов миқдори
1.	Осма ва стационар двигателли кичик ҳажмли кемаларни техник кўриқдан ўтказиш	Базавий ҳисоблаш миқдорининг 20 фоизи
2.	Эшакли ва елканли кемаларнинг барча турларини, шу жумладан, шиширила-диган турларини, техник кўриқдан ўтказиш	Базавий ҳисоблаш миқдорининг 10 фоизи
3.	Кичик ҳажмли кемаларни таъмирдан чиқарилганда, қайта жиҳозланганда, авариядан кейин техник кўриқдан ўтказиш	Базавий ҳисоблаш миқдорининг 10 фоизи

».

* Ушбу буйруқ «Қонун ҳужжатлари маълумотлари миллий базаси»да 2020 йил 10 июнда эълон қилинган.

ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИНИНГ
ҚАРОРИ

**251 Кредит бюроларини рўйхатга олиш ва уларнинг
фаолиятини лицензиялаш тартиби тўғрисидаги ни-
зомга ўзгартиришлар киритиш ҳақида***

*Ўзбекистон Республикаси Адлия вазирлиги томонидан 2020 йил
10 июнда рўйхатдан ўтказилди, рўйхат рақами 3042-1*

Ўзбекистон Республикасининг «Ўзбекистон Республикасининг Марказий банки тўғрисида»ги, «Давлат божи тўғрисида»ги ва «Кредит ахбороти алмашинуви тўғрисида»ги қонунларига мувофиқ Ўзбекистон Республикаси Марказий банки бошқаруви **қарор қилади:**

1. Ўзбекистон Республикаси Марказий банки бошқарувининг 2018 йил 28 апрелдаги 16/23-сон қарори (рўйхат рақами 3042, 2018 йил 25 июль) (Ўзбекистон Республикаси қонун ҳужжатлари тўплами, 2018 й., 30-сон, 630-модда) билан тасдиқланган Кредит бюроларини рўйхатга олиш ва уларнинг фаолиятини лицензиялаш тартиби тўғрисидаги низомига иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

Марказий банк раиси

М. НУРМУРАТОВ

Тошкент ш.,
2020 йил 25 май,
12/4-сон

Ўзбекистон Республикаси
Марказий банки бошқарувининг 2020 йил
25 майдаги 12/4-сон қарорига
ИЛОВА

**Кредит бюроларини рўйхатга олиш ва уларнинг фаолиятини
лицензиялаш тартиби тўғрисидаги низомига киритилаётган
ўзгартиришлар**

1. 7-банд қуйидаги таҳрирда баён этилсин:

«7. Кредит бюроси ўзининг фирма номи ёзилган штампларга, бланкаларга ва ўз эмблемасига эга бўлишга ҳақли.».

* Ушбу қарор «Қонун ҳужжатлари маълумотлари миллий базаси»да 2020 йил 10 июнда эълон қилинган.

2. 32-банд қуйидаги тахрирда баён этилсин:

«32. Кредит бюросини давлат рўйхатидан ўтказганлик учун Ўзбекистон Республикасининг «Давлат божи тўғрисида»ги Қонунида белгиланган миқдорда давлат божи ундирилади.

Кредит бюросига лицензия берганлик учун давлат божи ундирилмайди.».

ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИНИНГ
ҚАРОРИ

252 **Банкларнинг оддий векселлари ва депозит сертификатлари бланкаларини йўқ қилиш тартиби тўғрисидаги низомга ўзгартиришлар киритиш ҳақида***

*Ўзбекистон Республикаси Адлия вазирлиги томонидан 2020 йил
10 июнда рўйхатдан ўтказилди, рўйхат рақами 1477-3*

Ўзбекистон Республикасининг «Ўзбекистон Республикаси Марказий банки тўғрисида»ги Қонуни ва Ўзбекистон Республикаси Президентининг 2019 йил 20 ноябрдаги ПҚ-4525-сон «Мамлакатда бизнес муҳитини янада яхшилаш ва тадбиркорликни қўллаб-қувватлаш тизимини такомиллаштириш чора-тадбирлари тўғрисида»ги қарорига мувофиқ Ўзбекистон Республикаси Марказий банки бошқаруви **қарор қилади:**

1. Ўзбекистон Республикаси Марказий банки бошқарувининг 2005 йил 12 майдаги 10/6-сонли қарори (рўйхат рақами 1477, 2005 йил 30 май) (Ўзбекистон Республикаси қонун ҳужжатлари тўплами, 2005 йил, 22-сон, 163-модда) билан тасдиқланган Банкларнинг оддий векселлари ва депозит сертификатлари бланкаларини йўқ қилиш тартиби тўғрисидаги низомга иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

Марказий банк раиси

М. НУРМУРАТОВ

Тошкент ш.,
2020 йил 25 май,
12/6-сон

* Ушбу қарор «Қонун ҳужжатлари маълумотлари миллий базаси»да 2020 йил 10 июнда эълон қилинган.

Ўзбекистон Республикаси
Марказий банки бошқарувининг 2020 йил
25 майдаги 12/6-сон қарорига
ИЛОВА

**Банкларнинг оддий векселлари ва депозит сертификатлари
бланкаларини йўқ қилиш тартиби тўғрисидаги низомга
киритилаётган ўзгартиришлар**

1. 3-банд қуйидаги таҳрирда баён этилсин:

«3. Сўндирилган қимматли қоғозлари бланкаларига, шунингдек, яроқсиз ҳолга келган ва (ёки) фойдаланилмаган қимматли қоғозлари бланкаларига «Сўндирилган» ёзуви билан белги киритилиши шарт.».

2. 21-банд қуйидаги таҳрирда баён этилсин:

«21. Далолатнома банк Бошқаруви раисининг имзоси билан тасдиқланади.».

ЎЗБЕКИСТОН РЕСПУБЛИКАСИ
МАРКАЗИЙ БАНКИ БОШҚАРУВИНИНГ
ҚАРОРИ

**253 Марказий банк томонидан тижорат банкларининг
ички меъёрий ҳужжатларига қўйиладиган талаблар
тўғрисидаги низомга ўзгартиришлар ва қўшимча киритиш
ҳақида***

*Ўзбекистон Республикаси Адлия вазирлиги томонидан 2020 йил
10 июнда рўйхатдан ўтказилди, рўйхат рақами 916-1*

Ўзбекистон Республикасининг «Ўзбекистон Республикасининг Марказий банки тўғрисида»ги ва «Банклар ва банк фаолияти тўғрисида»ги қонунларига мувофиқ Ўзбекистон Республикаси Марказий банки бошқаруви **қарор қилади:**

1. Ўзбекистон Республикаси Марказий банки томонидан 2000 йил 22 февралда 466-сон билан тасдиқланган Марказий банк томонидан тижорат банкларининг ички меъёрий ҳужжатларига қўйиладиган талаблар тўғрисидаги низомга (рўйхат рақами 916, 2000 йил 5 апрель) (Ўзбекистон Республикаси вазирликлари, давлат қўмиталари ва идораларининг меъёрий ҳуж-

* Ушбу қарор «Қонун ҳужжатлари маълумотлари миллий базаси»да 2020 йил 10 июнда эълон қилинган.

жатлари ахборотномаси, 2000 й., 7-сон) иловага мувофиқ ўзгартиришлар ва қўшимча киритилсин.

2. Мазкур қарор расмий эълон қилинган кундан эътиборан кучга киради.

Марказий банк раиси

М. НУРМУРАТОВ

Тошкент ш.,
2020 йил 25 май,
12/14-сон

Ўзбекистон Республикаси
Марказий банки бошқарувининг 2020 йил
25 майдаги 12/14-сон қарорига
ИЛОВА

**Марказий банк томонидан тижорат банкларининг ички
меъёрий ҳужжатларига қўйиладиган талаблар тўғрисида
низомига киритилаётган ўзгартиришлар ва қўшимча**

1. 1.2-банддаги «Ўзбекистон Республикаси қонунлари, қонунчилик ҳужжатлари ва Марказий банкнинг тегишли меъёрий ҳужжатлари» деган сўзлар «қонун ҳужжатлари» деган сўзлар билан алмаштирилсин.

2. 1.3-банддаги «Ўзбекистон Республикасининг қонунлари ва бошқа қонунчилик ҳужжатлари,» деган сўзлар «қонун ҳужжатлари ва» деган сўзлар билан алмаштирилсин.

3. 1.8-банддаги «Ўзбекистон Республикаси қонунчилиги ва Марказий банк меъёрий ҳужжатларига» деган сўзлар «қонун ҳужжатларига» деган сўзлар билан алмаштирилсин.

4. 2.1-банднинг биринчи хатбошиси қуйидаги таҳрирда баён этилсин:

«2.1. Тижорат банклари ишлаб чиққан меъёрий ҳужжатлар қонун ҳужжатларига мувофиқ бўлиши ва Марказий банкнинг меъёрий ҳужжатлари талабларига жавоб бериши шартдир.».

5. 2.2-банд қуйидаги таҳрирда баён этилсин:

«2.2. Ички меъёрий ҳужжатда мазкур ҳужжат қайси қонун ҳужжати (унинг моддалари ёки бандлари) ижроси юзасидан қабул қилинаётганлиги кўрсатилиши шарт.».

6. 2.5-банднинг биринчи хатбошисидаги «амалдаги қонунчиликда» деган сўзлар «қонун ҳужжатларида» деган сўзлар билан алмаштирилсин.

7. 2.6-банднинг биринчи хатбошисидаги «амалдаги қонунчилик ва Марказий банк меъёрий ҳужжатларида» деган сўзлар «қонун ҳужжатларида» деган сўзлар билан алмаштирилсин.

8. 3.1-бандда:

биринчи хатбошидаги «амалдаги қонунчилик ва Марказий банк меъёрий ҳужжатларига» деган сўзлар «қонун ҳужжатларига» деган сўзлар билан алмаштирилсин;

иккинчи хатбошидаги «амалдаги қонунчиликка ва Марказий банкнинг меъёрий ҳужжатларига» деган сўзлар «қонун ҳужжатларига» деган сўзлар билан алмаштирилсин.

9. 3.4-банддаги «Ўзбекистон Республикаси қонунлари, қонунчилиги ва Марказий банк меъёрий ҳужжатларида» деган сўзлар «қонун ҳужжатларида» деган сўзлар билан алмаштирилсин.

10. 3.5-бандда:

биринчи хатбошидаги «Ўзбекистон Республикаси қонунчилиги, Марказий банкнинг меъёрий ҳужжатларига» деган сўзлар «қонун ҳужжатларига» деган сўзлар билан алмаштирилсин;

иккинчи хатбоши қўйидаги таҳрирда баён этилсин:

«Ўрганиш давомида тижорат банклари ички меъёрий ҳужжатлари қонун ҳужжатларига зид бўлган ёхуд уларнинг талабларига тўлиқ жавоб бермаслик ҳоллари аниқланган тақдирда, Марказий банк ушбу ички меъёрий ҳужжатларга тегишли ўзгартиришлар киритиш ёки уларни бекор қилиш тўғрисида тижорат банклари кенгашлари ёки бошқарувларига ижро этилиши мажбурий бўлган кўрсатма беради.»;

учинчи хатбоши чиқариб ташлансин.

11. Қўйидаги мазмундаги 3.7-банд билан тўлдирилсин:

«3.7. Тижорат банклари улар томонидан қабул қилинган ички меъёрий ҳужжатларнинг, шунингдек, уларга киритилган ўзгартириш ва қўшимчаларнинг реестрини юритиб бориши лозим.

Ички меъёрий ҳужжатлар, шунингдек, уларга киритиладиган ўзгартириш ва қўшимчалар тижорат банклари томонидан тасдиқлангандан сўнг 15 кун ичида Марказий банкка тақдим этилиши керак.».

12. 4.1-банд қўйидаги таҳрирда баён этилсин:

«4.1. Тижорат банкларининг кредит операцияларини тартибга солиш ички меъёрий ҳужжатлари қонун ҳужжатлари ҳамда Тижорат банклари кредит сиёсатига нисбатан қўйиладиган талаблар тўғрисидаги низом (рўйхат рақами 905, 2000 йил 2 март) ва Ўзбекистон Республикаси банкларида кредит ҳужжатларини юритиш тартиби тўғрисида низом (рўйхат рақами 906, 2000 йил 2 март) талабларига ва бошқа меъёрий ҳужжатларига мувофиқ бўлиши шарт.».

13. 5.2-бандда:

биринчи хатбоши чиқариб ташлансин;

иккинчи хатбоши биринчи хатбоши деб ҳисоблансин.

ЎЗБЕКИСТОН РЕСПУБЛИКАСИ
БАНДЛИК ВА МЕХНАТ МУНОСАБАТЛАРИ ВАЗИРЛИГИ
ЎЗБЕКИСТОН РЕСПУБЛИКАСИ ХАЛҚ ТАЪЛИМИ ВАЗИРЛИГИ
ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ СОҒЛИҚНИ САҚЛАШ ВАЗИРЛИГИ
ЎЗБЕКИСТОН РЕСПУБЛИКАСИ
МАКТАБГАЧА ТАЪЛИМ ВАЗИРЛИГИНИНГ
ҚАРОРИ

254 Ижтимоий ходимларнинг мақоми, вазифалари, функциялари ва малакавий талаблари тўғрисидаги йўриқномани тасдиқлаш ҳақида*

Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 3240

Ўзбекистон Республикаси Президентининг 2019 йил 11 февралдаги ПҚ-4185-сон «Етим болалар ва ота-онасининг қарамоғидан маҳрум бўлган болаларни ижтимоий ҳимоя қилишни кучайтиришга оид қўшимча чора-тадбирлар тўғрисида»ги қарорига мувофиқ Ўзбекистон Республикаси Бандлик ва меҳнат муносабатлари вазирлиги, Халқ таълими вазирлиги, Олий ва ўрта махсус таълим вазирлиги, Молия вазирлиги, Соғлиқни сақлаш вазирлиги ва Мактабгача таълим вазирлиги **қарор қилади:**

1. Ижтимоий ходимларнинг мақоми, вазифалари, функциялари ва малакавий талаблари тўғрисидаги йўриқнома иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга киради.

**Бандлик ва меҳнат
муносабатлари вазири**

Н. ХУСАНОВ

Тошкент ш.,
2020 йил 15 май,
14-2020 қ/қ-сон

Халқ таълими вазири

Ш. ШЕРМАТОВ

Тошкент ш.,
2020 йил 15 май,
6-мх-сон

* Ушбу қарор «Қонун ҳужжатлари маълумотлари миллий базаси»да 2020 йил 10 июнда эълон қилинган.

**Олий ва ўрта махсус
таълим вазири**

И. МАДЖИДОВ

Тошкент ш.,
2020 йил 15 май,
33-қ/қ-сон

Молия вазири

Т. ИШМЕТОВ

Тошкент ш.,
2020 йил 15 май,
16-сон

Соғлиқни сақлаш вазири

А. ШАДМАНОВ

Тошкент ш.,
2020 йил 15 май,
71-сон

Мактабгача таълим вазири

А. ШИН

Тошкент ш.,
2020 йил 15 май,
8-сон

Ўзбекистон Республикаси
Бандлик ва меҳнат муносабатлари вазирлиги,
Халқ таълими вазирлиги, Олий ва ўрта махсус
таълим вазирлиги, Молия вазирлиги, Соғлиқни
сақлаш вазирлиги, Мактабгача таълим
вазирлигининг 2020 йил 15 майдаги
14-2020 қ/қ, 6-мх, 33-қ/қ, 16, 71,
8-сон қарорига
ИЛОВА

**Ижтимоий ходимларнинг мақоми, вазифалари,
функциялари ва малакавий талаблари тўғрисидаги
ЙЎРИҚНОМА**

Мазкур Йўриқнома ижтимоий ходимларнинг мақоми, вазифалари, функциялари ва малакавий талабларини белгилайди.

1-боб. Умумий қоидалар

1. Мазкур Низомда қуйидаги асосий тушунчалардан фойдаланилади:
ИЖТИМОЙ ХОДИМ — ижтимоий хизматлар кўрсатишни ташкиллаш-

тирадиган ёки бевосита ижтимоий хизматларни кўрсатувчи зарур касбий малакага эга бўлган шахс.

Ижтимоий ходимларнинг меҳнатига ҳақ тўлаш, лавозим маошларига қўшимчалар ва устамалар, шунингдек, мукофотлар ва бошқа барча турдаги тўловлар иш берувчи томонидан касаба уюшмаси қўмитаси ёки ходимларнинг бошқа вакиллик органи билан келишиб қабул қилган локал ҳужжатларга мувофиқ амалга оширилади;

ижтимоий хизмат — оғир ижтимоий вазиятга тушиб қолган шахслар, оилаларда юзага келган ижтимоий муаммоларини енгиб ўтишга ҳамда жамиятда бошқа шахслар билан тенг имкониятлардан фойдаланишига шарт-шароит яратишга қаратилган иш ва хизматлар мажмуи.

2. Ижтимоий ходимнинг қуйидаги лавозимлари мавжуд:

барча соҳаларда ижтимоий хизматларни ташкил этиш бўйича мутахассис;

оила, болалар ва ёшлар билан ижтимоий хизмат олиб борувчи ижтимоий ходим;

ўзгалар парваришига мухтож бўлган ёлғиз қариялар ва ногиронлиги бўлган шахсларни парвариш қилиш бўйича ижтимоий ходимнинг ассистенти.

3. Ушбу Йўриқнома юқорида кўрсатилган лавозимларнинг лавозим йўриқномаларини ишлаб чиқиш учун асос бўлади.

2-боб. Барча соҳаларда ижтимоий хизматларни ташкил этиш бўйича мутахассиснинг вазифалари, функциялари ва малакавий талаблари

4. Барча соҳаларда ижтимоий хизматларни ташкил этиш бўйича мутахассис ўз ташкилотида ташкил этилган штат бирлиги ва функционал вазифаларидан келиб чиққан ҳолда қуйидагиларни амалга оширади:

давлат ва нодавлат нотижорат ташкилотлари томонидан кўрсатиладиган ижтимоий ёрдам жараёнини бошқариш ҳамда ижтимоий вазиятлар бўйича ишларни юритиш;

турмуш шароитини мажмуавий баҳолаш, ижтимоий хизматлар режасини ишлаб чиқиш, кўрсатиладиган хизматларни мувофиқлаштириш, мониторингини амалга ошириш ва натижасини баҳолаш;

аҳолини ижтимоий ҳимоя қилиш ҳамда ижтимоий ёрдам беришнинг оптимал шакллари аниқлаш ва қўллаш;

оғир ижтимоий вазиятда бўлган шахсларни (ногиронлиги бўлган, кексалик ёки беморлик даврида ўз-ўзига хизмат қила олмайдиган, ишсиз, етим, ёлғиз, қаровсиз, кам таъминланган, оиласида зиддиятли ёки шафқатсиз муносабатга учраган, ҳақ-хуқуқлари бузилган, аниқ яшаш жойи мавжуд бўлмаган, психофаол моддаларга қарам бўлган, руҳий касаллик, ОИТС/ОИВ ва бошқа касалликлар мавжудлиги сабабли ҳаёт фаолияти бузилган) комплекс ижтимоий ҳимоя қилинишини ташкиллаштириш;

ўз иш фаолиятида аҳолига ижтимоий хизмат кўрсатишнинг илмий асосли ёндашувларини қўллаш;

ногиронлиги бўлган шахслар ва гуруҳларга салбий таъсир кўрсатувчи шахсий, ижтимоий, экологик ва маънавий характерга эга бўлган қийинчиликларни аниқлаш ҳамда уларни бартараф этишда кўмаклашиш;

ҳуқуқий, профилактик, қўллаб-қувватловчи, реабилитацион ва терапевтик хусусиятга эга психоижтимоий хизматлар кўрсатиш орқали шахсларга оғир турмуш шароитидан чиқишга кўмаклашиш;

ҳар бир шахснинг ўз ҳаётий вазиятини яхшилаши учун шахсий имкониятларидан кенг фойдаланишига ёрдам бериш;

ижтимоий ҳимояга муҳтож аҳоли ва гуруҳларни ижтимоий ҳимоя қилишда барча мавжуд воситалардан фойдаланиш.

5. Барча соҳаларда ижтимоий хизматларни ташкил этиш бўйича мутахассис қуйидаги ваколатларга эга:

а) ижтимоий-ҳуқуқий йўналтирилган вазифаларни амалга оширишда:

соғлиқни сақлаш, таълим, ҳуқуқ ва ижтимоий ҳимоя қилиш масалаларида шахсларнинг манфаатларини ҳимоя қилиш бўйича давлат ва нодавлат нотижорат ташкилотлар ҳамда маҳаллий давлат ҳокимияти органлари ва бошқа ташкилотлар билан ҳамкорлик қилиш, белгиланган тартибда маълумотлар алмашиш;

давлат ҳокимияти органларига ижтимоий ҳимояга муҳтож шахсларнинг манфаатларини ҳимоя қилиш юзасидан зарур бўлган ҳужжатларни тақдим этиш;

суд ва ҳуқуқни муҳофаза қилувчи органларга шахсларнинг (жисмоний, эмоционал, жинсий зўравонлик ва мажбурлаш ҳолатлари юзасидан) ҳуқуқ ва қонуний манфаатларини ҳимоя қилиш тўғрисидаги мурожаатларини киритиш;

муаммоли ва низоли оилаларни мониторинг қилиш, оиланинг ижтимоий-иқтисодий, маънавий ҳолатини ўрганиш ва баҳолаш;

оиладаги муаммоли вазиятлар ёки низоларни бартараф этишда иштирок этиш,

шахсларни қонунда белгиланган имтиёзлар, пенсия ва нафақалар, шунингдек, бошқа турдаги ижтимоий ёрдам турлари тўғрисида хабардор қилиш, шунингдек, пенсия ва нафақалар тайинлаш учун зарур бўлган ҳужжатларни йиғиш ва расмийлаштиришда кўмаклашиш;

ижтимоий ҳимояга оид масалалар бўйича методик материаллар ва тавсиялар ишлаб чиқиш;

гуруҳ ва индивидуал тарзда психотерапия ўтказиш ҳамда маслаҳат бериш;

давлат ва жамият учун хавфли бўлган ҳаракатлар, жумладан, фавқулодда вазиятлар (табiiй офатлар, эпидемия, ҳарбий ҳаракатлар) ва унинг оқибатларини олдини олишда давлат ҳокимияти ва бошқаруви органлари билан ҳамкорлик қилиш;

ижтимоий хизматлар соҳасида васийлик ёки ҳомийлик белгиланишига муҳтож бўлган шахсларга маслаҳат ёрдами бериш ҳамда уларни ижтимоий-ҳуқуқий, психологик-педагогик, тиббий жиҳатдан комплекс қўллаб-қувватлашни таъминлаш;

васийлик ёки ҳомийликнинг ўрнатилишида иштирок этиш;

баҳолаш (ўрганиш) жараёнини олиб бориш, ижтимоий кузатув ва мониторингни амалга ошириш;

эҳтиёжли аҳоли қатлами учун маиший ва ижтимоий-реабилитацион хизматлар, шунингдек, қулай инфратузилмалар яратилишига қўмаклашиш; шахсларга уй-жой ва ижтимоий-маиший муаммоларни бартараф этишда қўмаклашиш;

ишсиз шахсларни ишга жойлаштириш, касбга ўқитиш ёки қайта ўқитишга қўмаклашиш;

коммуникатив, ҳаётий, ижтимоий ва ўз-ўзини руҳий бошқариш кўникмаларини ривожлантириш бўйича маслаҳатлар (тренинг) ўтказиш;

б) тиббий-ижтимоий йўналтирилган вазифаларни амалга оширишда:

шахсларга саломатлик, яшаш шароитлари, озик-овқат ва бошқа маҳсулотлар тўғрисида маслаҳат бериш ва маълумот етказиш;

шахсларнинг тиббий-ижтимоий хизматларга бўлган ҳуқуқлари ва муаммолари хусусиятидан келиб чиққан ҳолда ушбу хизмат турларини кўрсатиш тартиби тўғрисида маълумот етказиш;

саломатлиги бўйича муаммолари бўлган шахсларни парваришлаш ва уларга тиббий-ижтимоий хизматлар кўрсатишни ташкиллаштириш;

оилалар ва шахсларга тиббий-ижтимоий ёрдам беришни мувофиқлаштириш;

паллиатив (руҳий-ижтимоий ва маънавий қўллаб-қувватлаш орқали ҳаётига таҳдид солувчи касаллик муаммолари билан тўқнашган беморлар ва уларнинг оилаларини ҳаёт сифатини яхшилаш учун) ёрдамни ташкиллаштириш;

ижтимоий аҳамиятга молик касалликлар (руҳий касалликлар, ОИВ/ОИТС, туберкулёз, онкологик, психофаол моддаларга қарам ва бошқа) билан касалланган шахсларга тиббий-ижтимоий ёрдамни ташкиллаштириш;

в) интегратив вазифаларни амалга оширишда:

индивидуал, гуруҳ ва ҳудудий даражадаги соматик, руҳий, репродуктив саломатликнинг ижтимоий аҳамиятга эга касалликларининг профилактик чораларини амалга оширишда ёрдам бериш;

шахсларнинг соғлом турмуш тарзига бўлган муносабатини шакллантириш;

оилани режалаштириш, ногиронликнинг олдини олиш масалаларини ёриштириш;

тиббий-ижтимоий экспертизани ташкиллаштириш;

ногиронлиги бўлган шахсларнинг тиббий, ижтимоий ва касбий реабилитациясини ташкиллаштириш;

клиник тиббиётнинг психиатрия, наркология, онкология, гериатрия, жарроҳлик, акушер-гинекология ва бошқа соҳаларида ижтимоий хизматни ташкиллаштириш;

ОИВ инфекцияси тарқалишининг олдини олиш, ушбу касалликка чалинганлар ва уларнинг оила аъзолари ижтимоий ҳимоясини таъминлаш;

реабилитацион, психологик-педагогик, ижтимоий-ҳуқуқий турдаги ўз-ўзига ва ўзаро қўмаклашувчи терапевтик жамоаларни шакллантириш;

турли даражадаги ижтимоий ҳимояга муҳтож аҳоли қатламлари учун тиббий-ижтимоий комплекс дастурларни ишлаб чиқишда иштирок этиш;

шахслар муаммоларини бартараф этишда муқобил касбдаги мутахассисларнинг ўзаро ҳамкорлиги узвийлигини таъминлаш.

6. Барча соҳаларда ижтимоий хизматларни ташкил этиш бўйича мутахассис қуйидаги лавозим мажбуриятларини амалга оширади:

ижтимоий ёрдам ва хизматга муҳтож шароитда яшаётган ёки қийин ҳаёт шароитида бўлган оилалар, ёлғиз кексалар, меҳнатга лаёқатсиз ва бошқа шахслар тўғрисида маълумотлар базасини шакллантириш;

ижтимоий нохуш вазиятлар сабабини аниқлаб, шахс ва оилаларни тегишли ташкилотларга йўналтириш ҳамда зарур ижтимоий ёрдам ва хизматлар кўрсатилишида ҳамкорлик қилиш;

турли вазиятлар бўйича шахснинг ҳолатини комплекс баҳолаш, кўрсатиладиган хизматлар режасини тузиш ва уларнинг тақдим этилишида ҳамкорлик қилиш, кўрсатилаётган хизматлар сифати мониторингини амалга ошириш;

ногиронлиги бўлган ва психожисмоний ривожланишида муаммолари бўлган фарзандлари бор оилалар, қочоқлар ва кўчишга мажбур бўлган оилалар, байналмилал бурчини ўтаган шахслар ва тинч даврда ҳарбий ҳаракатлар иштирокчиларининг оилалари, етим ва ота-она қарамоғидан маҳрум бўлган болалар тарбияланаётган оилаларга (фарзандликка олинган, васийлик, ҳомийлик белгиланган ёки тутинган ота-оналар), шунингдек, ёлғиз кексалар, меҳнатга лаёқатсизлар ва ногиронлиги бўлган шахсларга тиббий-ижтимоий патронажни амалга ошириш;

даволаш-соғломлаштириш, таълим-тарбия, ижтимоий хизмат кўрсатиш муассасаларига йўлланма бериш учун зарур ҳужжатларни расмийлаштиришда кўмаклашиш;

зарур ҳолларда ўзгалар парваришига муҳтож кексалар, ногиронлиги бўлган ва ижтимоий ҳимояга муҳтож бошқа шахсларни давлат ижтимоий муассасаларига жойлаштиришга кўмаклашиш ҳамда ушбу муассасаларга боришда ҳамроҳлик қилиш;

ногиронлиги бўлган ёки ҳаракатланишида муаммолари бўлган шахсларга реабилитация техник воситаларини олиш учун ҳужжатларни расмийлаштиришда кўмаклашиш;

кўп болали оилаларга, ёлғиз кексалар ва меҳнатга лаёқатсиз шахсларга ёрдам берувчи турли давлат, нодавлат, жамоат ташкилотлари ва муассасалар фаолиятини мувофиқлаштиришда кўмаклашиш;

оилани қийин ҳаёт тарзидан чиқариш бўйича маълумотларни ягона маълумотлар базасига киритиш;

ижтимоий ҳимояга муҳтож шахсларни узоқ муддатли ёки вақтинчалик ижтимоий хизматга қабул қилиш, шифохонага жойлаштириш, шунингдек, васийлик ва ҳомийликни белгилаш учун ҳужжатларни тайёрлашга ва расмийлаштиришга кўмаклашиш;

ғайриижтимоий ва ҳуқуқий нормаларга зид хатти-ҳаракатларнинг олдини олиш ишига жалб этилган ташкилотлар (ички ишлар органлари, ижтимоий таъминот бўлимлари, таълим ва тиббиёт муассасалари, жамоат ташкилотлари ва бошқалар) билан ҳамкорлик қилиш;

шахслар учун ҳордиқ чиқариш ва соғломлаштириш чора-тадбирларини ташкиллаштиришда иштирок этиш;

ижтимоий патронажга муҳтожларни аниқлаш, кўрсатилаётган хизмат турларининг сифати ва динамикасини таҳлил қилиш;

худудда ижтимоий ва оила сиёсатини шакллантириш ва такомиллаштириш, ҳудудий ижтимоий дастурларни тайёрлаш ва амалга ошириш жараёнларида иштирок этиш;

услубий кенгаш, ижтимоий ходимлар услубий бирлашмалари ишлари, ижтимоий масалалар бўйича семинарлар ташкиллаштириш ва ўтказишда иштирок этиш;

шахсларга ижтимоий масалалар бўйича маслаҳат бериш;

иш фаолиятига оид зарур ҳужжатларни юритиш.

7. Барча соҳаларда ижтимоий хизматларни ташкил этиш бўйича мутахассиснинг малакасига бўлган талаблар:

олий тоифа — ижтимоий хизмат ёки муқобил (ижтимоий, тиббий, педагогик, психологик, юридик) соҳада олий (бакалаврият, магистратура ёки олий таълимдан кейинги таълим) маълумот, ижтимоий хизмат бўйича қайта тайёргарлик тўғрисидаги диплом ва ижтимоий соҳада беш йилдан кам бўлмаган меҳнат стажига эга бўлганда;

биринчи тоифа — ижтимоий хизмат ёки муқобил (ижтимоий, тиббий, педагогик, психологик, юридик) соҳада олий (бакалаврият, магистратура ёки олий таълимдан кейинги таълим) маълумот, ижтимоий хизмат бўйича қайта тайёргарлик тўғрисидаги диплом ва ижтимоий соҳада уч йилдан кам бўлмаган меҳнат стажига эга бўлганда;

иккинчи тоифа — ижтимоий хизмат ёки муқобил (ижтимоий, тиббий, педагогик, психологик, юридик) соҳада олий (бакалаврият) маълумот, ижтимоий хизмат бўйича қайта тайёргарлик тўғрисидаги диплом ва ижтимоий соҳада бир йилдан кам бўлмаган меҳнат стажига эга бўлганда;

тоифасиз — ижтимоий хизмат ёки муқобил (ижтимоий, тиббий, педагогик, психологик, юридик) олий (бакалаврият) маълумот, иш стажы талаб этилмайди.

3-боб. Оила, болалар ва ёшлар билан ижтимоий хизмат олиб боровчи ижтимоий ходимнинг вазифалари, функциялари ва малакавий талаблари

8. Оила, болалар ва ёшлар билан ижтимоий хизмат олиб боровчи ижтимоий ходим ўз ташкилотида ташкил этилган штат бирлиги ва функционал вазифаларидан келиб чиққан ҳолда қуйидагиларни амалга оширади:

болалар, жумладан, етим болалар ва ота-она қарамоғидан маҳрум бўлган болалар, ота-онасининг қарамоғидан маҳрум бўлиш хавфида бўлган болалар, зўравонликдан жабр кўрган, психожисмоний ривожланишида нуқсонли ва/ёки ногиронлиги бўлган, ижтимоий-ҳуқуқий хатар гуруҳига кирувчи ва бошқа ҳимояга муҳтож болаларни ҳимоя қилиш бўйича комплекс чора-тадбирларни амалга ошириш;

етим болалар ва ота-она қарамогидан маҳрум бўлган болаларнинг шахсий мулкӣ ҳуқуқлари ҳамда қонунӣ манфаатларини ҳимоя қилишга қаратилган чора-тадбирларни амалга ошириш;

давлат таълим-тарбия, даволаш-соғломлаштириш, ижтимоӣ ҳимоя муассасаларини битирувчи болалар, шунингдек, уюлмаган ёшларнинг мушакил ҳаётга ижтимоӣ мослашувлари давомида юзага келувчи муаммоларини ҳал этиш чораларини кўриш, уларнинг манфаатларини илгари суриш.

9. Оила, болалар ва ёшлар билан ижтимоӣ хизмат олиб боровчи ижтимоӣ ходим қуйидаги асосӣ лавозим мажбуриятларини амалга оширади:

давлат ва нодавлат ташкилотлар томонидан кўрсатиладиган ижтимоӣ ёрдам жараёнини бошқариш ҳамда вазиятлар бўйича ишларни юритиш, оила ва бола ҳамда ёшларнинг ҳаёт тарзи, эҳтиёжлари қондирилиши учун яратилган имкониятларни комплекс баҳолаш, кўрсатиладиган хизматлар режасини (ижтимоӣ ҳимоя, васийлик белгилаш, оилага қайтариш, ижтимоӣ кузатувни амалга ошириш ва бошқалар) ишлаб чиқиш, кўрсатиладиган хизматларни мувофиқлаштириш, мониторингини амалга ошириш ва натижани баҳолаш;

болани Болалар уйи, «Меҳрибонлик» уйи, Болалар шаҳарчаси, «SOS — болалар маҳаллалари», Оилавий болалар уйи ва жисмонӣ ёки психик ривожланишида нуқсони бўлган болалар учун ихтисослаштирилган давлат таълим муассасаларига тушиб қолишининг олдини олиш мақсадида бола ва унинг оиласига руҳий-ижтимоӣ хизматлар кўрсатиш учун идоралараро ҳамкорлик жамоасини (педагоглар, тарбиячилар, психологлар, тиббиёт ходимлари, ички ишлар ходимлари ва бошқалар) ташкиллаштириш;

имкон бўлган ҳолларда етим ва ота-она қарамогидан маҳрум бўлган болалар учун таълим-тарбия, ўғил бола ва қиз болалар учун республика ўқув-тарбия муассасаларида тарбияланаётган болаларни ўз оиласига қайтариш ёки тутинган оилага бериш мақсадида уларнинг ҳаёт тарзини мунтазам кузатиб бориш;

ўз оиласидан ташқарида тарбияланаётган боланинг яқинлари, жумладан, ака-укалари ва опа-сингиллари билан мунтазам алоқасини таъминлаш;

оила ғамхўрлигига муҳтож болани ўз оиласига тарбиялаш учун олиш истагида бўлган шахсларни танлаш, тайёрлаш ва уларни кузатиб бориш;

боланинг ҳуқуқ ва манфаатларини ҳисобга олган ҳолда оила ва болани васийликнинг бир шаклидан бошқасига муаммосиз ўтишга тайёрлашни таъминлаш;

етим ва ота-она қарамогидан маҳрум бўлган болани ўз тарбиясига (васийлик ва ҳомийлик, патронат, фарзандлик, оилавий болалар уйи) олган оилаларга маслаҳатлар бериш;

етим ва ота-она қарамогидан маҳрум бўлган тарбияга (васийлик ва ҳомийлик, патронат, фарзандликка, оилавий болалар уйи) олинган болаларнинг яшаш шароити, боланинг шахси ва ҳуқ-атвори шаклланиши бўйича доимӣ мониторинг олиб бориш, бу ҳақида васийлик органларига мунтазам равишда маълумотлар бериб бориш;

вояга етмаган ва кузатувсиз мустақил яшаётган ўсмирларни кузатиш ва уларга яшаш жойи бўйича рухий-ижтимоий хизматлар кўрсатилишини ташкил этиш;

психожисмоний ривожланишида муаммолари бўлган ёки ногиронлиги бўлган фарзанди бор оилаларга яшаш жойи бўйича рухий-ижтимоий хизматлар кўрсатишни ташкил этиш;

ижтимоий мослашувда қийинчиликлари бўлган, психотроп моддалар истеъмол қилган, ўз жонига қасд қилиш хавфи остида бўлган ва бошқа қийин ҳаётий вазиятдаги болалар ва ёшларга яшаш жойи бўйича рухий-ижтимоий хизматлар кўрсатиш;

Болалар уйи, «Меҳрибонлик» уйи, Болалар шаҳарчаси, «SOS — болалар маҳаллалари», Оилавий болалар уйи ва жисмоний ва психик ривожланишида нуқсони бўлган болалар учун ихтисослаштирилган давлат таълим муассасаларига келгунга қадар болаларнинг турар жойлари мавжуд бўлса, уларнинг турар жойга бўлган ҳуқуқларининг сақланилиши ёки таъминланишини ҳимоя қилиш, жумладан, тарбияланувчининг турар жойи бегоналаштирилишининг олдини олиш, турар жойи мавжуд бўлмаган ҳолда қонун билан ўрнатилган тартибда турар жойга муҳтожлар сифатида рўйхатга қўйиш, тарбияланувчига тегишли бўлган турар жойни шартнома асосида ижарага бериш ва унинг банк ҳисоб рақамига ижара тўловининг ўз вақтида ўтказилишини назорат қилиш;

вояга етмаганларнинг, жумладан, Болалар уйи, «Меҳрибонлик» уйи, Болалар шаҳарчаси, «SOS — болалар маҳаллалари», Оилавий болалар уйи, жисмоний ва психик ривожланишида нуқсони бўлган болалар учун ихтисослаштирилган таълим муассасалари тарбияланувчиларининг мулкӣ ҳуқуқларини (алимент, боқувчисини йўқотганлик бўйича пенсия ёки нафақа ва қонун билан белгиланган бошқа имтиёзлар) ҳимоя қилиш ҳамда тегишли ҳужжатларини расмийлаштиришда кўмаклашиш;

болаларнинг шахсни тасдиқловчи ҳужжатларини (туғилганлик ҳақидаги гувоҳнома, паспорт) олишини таъминлаш, рўйхатга қўйиш ва рўйхатдан чиқариш масалаларини амалга оширишда кўмаклашиш;

судда ихтисослаштирилган таълим муассасалари тарбияланувчиларининг манфаатларини ҳимоя қилиш, ҳуқуқшунос билан ҳамкорликда судда алимент ундириш, ота-оналарни ота-оналик ҳуқуқидан маҳрум қилиш ёки тиклаш тўғрисидаги даъво аризаларини кўриб чиқиш учун асослантирилган материал тайёрлаш;

бола ҳуқуқлари бузилганлиги ёки унга нисбатан ёмон муносабатда бўлганлиги (жисмоний, эмоционал, жинсий зўравонлик ва мажбурлаш), эътиборсиз қолганлиги тўғрисида маълумот келиб тушган ҳолларда бола ҳаёти вазиятини баҳолаш, ҳимоя ва реабилитация чораларини ташкиллаштириш ва амалга ошириш;

тарбияланувчилар билан ишлаш вазифалари, шакллари ва услубларини, замонавий рухий-ижтимоий технологиялар, жумладан, ахборот технологиялари, рақамли таълим ресурсларидан фойдаланган ҳолда шахсий ва ижтимоий муаммоларни ҳал этиш усулларини белгилаш;

болалар ва ёшларнинг қизиқишлари ва эҳтиёжларини, қийинчиликлари ва муаммоларини, зиддиятли вазиятларини, уларнинг хулқ-атворидаги қийинчиликларни аниқлаш, ўз вақтида бола, ёшлар ва уларнинг оиласига рухий-ижтимоий қўмак бериш ҳамда қўллаб-қувватлаш;

ихтисослаштирилган таълим муассасалари тарбияланувчилари ва ходимларнинг турли хилдаги ижтимоий аҳамиятга эга ижтимоий қўникмалари ва ташаббусларини ривожлантиришга йўналтирилган тадбирларни, ижтимоий лойиҳалар ва дастурларни амалга ошириш ҳамда уларни ишлаб чиқишда иштирок этиш;

васийлик ва ҳомийлик ҳамда оилаларга жойлаштиришнинг бошқа шакллари расмийлаштиришда, бола ва оилага тааллуқли ҳужжатларни тайёрлашда иштирок этиш;

ихтисослаштирилган таълим муассасалари тарбияланувчилари ҳамда патронатга берилган оилалардаги болалар ва ёшлар учун ёзги соғломлаштириш ва дам олишини таъминлаш чораларини ташкил этиш;

қонун билан ўрнатилган тартибда ижтимоий ҳимояга муҳтож болаларга давлат томонидан белгиланган ва бошқа ҳомийлар томонидан тақдим этилган кийим-бош, пойабзал ва бошқа зарур жиҳозлар билан таъминланишини назорат қилиш;

ихтисослаштирилган таълим муассасалари тарбияланувчиларини касбга йўналтиришга оид ишларни амалга оширишда иштирок этиш;

ҳисоботлар, статистик маълумотлар, тарбияланувчиларнинг батафсил рўйхатларини шакллантириш, маълумотларни ўз вақтида ота-она қарамоғисиз қолган болалар тўғрисидаги маълумотлар базасига киритиш;

Болалар уйи, «Меҳрибонлик» уйи, Болалар шаҳарчаси, «SOS — болалар маҳаллалари», Оилавий болалар уйи ва жисмоний ва психик ривожланишида нуқсони бўлган болалар учун ихтисослаштирилган таълим муассасаларида педагогик, услубий кенгашлар мавжуд бўлган тақдирда, иш режасида назарда тутилган ишларда иштирок этиш, соғломлаштириш, тарбиялаш ва бошқа тадбирларни ташкил этиш ва ўтказишда иштирок этиш, ота-оналар, шу жумладан, тутинган ота-оналарга услубий ва маслаҳатли ёрдам беришни ташкил этишда иштирок этиш.

10. Оила ва болалар билан ижтимоий хизмат олиб борувчи ижтимоий ходимнинг малакасига нисбатан белгиланган талаблар:

олий тоифа — ижтимоий хизмат ёки муқобил (ижтимоий, тиббий, педагогик, психологик, юридик) соҳада олий (бакалавриат, магистратура ёки олий таълимдан кейинги таълим) маълумот, ижтимоий хизмат бўйича қайта тайёргарлик тўғрисидаги диплом ва ижтимоий соҳада беш йилдан кам бўлган меҳнат стажига эга бўлганда;

биринчи тоифа — ижтимоий хизмат ёки муқобил (ижтимоий, тиббий, педагогик, психологик, юридик) соҳада олий (бакалавриат, магистратура ёки олий таълимдан кейинги таълим) маълумот, ижтимоий хизмат бўйича қайта тайёргарлик тўғрисидаги диплом ва ижтимоий соҳада уч йилдан кам бўлган меҳнат стажига эга бўлганда;

иккинчи тоифа — ижтимоий хизмат ёки муқобил (ижтимоий, тиббий,

педагогик, психологик, юридик) соҳада олий (бакалавриат) маълумот, ижтимоий хизмат бўйича қайта тайёргарлик тўғрисидаги диплом ва ижтимоий соҳада бир йилдан кам бўлмаган меҳнат стажига эга бўлганда;

тоифасиз — ижтимоий хизмат ёки муқобил (ижтимоий, тиббий, педагогик, психологик, юридик) олий (бакалавриат) маълумот, иш стажи талаб этилмайди.

4-боб. Ўзгалар парваришига муҳтож ёлғиз кексалар ва ногиронлиги бўлган шахсларни уйида парвариш қилиш бўйича ижтимоий ходим ассистентининг вазифалари, функциялари ва малакавий талаблари

11. Ўзгалар парваришига муҳтож ёлғиз кексалар ва ногиронлиги бўлган шахсларни уйида парвариш қилиш бўйича ижтимоий ходим ассистенти (бундан буён матнда ассистент деб юритилади) қуйидаги вазифаларни амалга оширади:

ўзгалар парваришига муҳтож ёлғиз кексалар ва ногиронлиги бўлган шахсларга комплекс ижтимоий-маиший хизмат кўрсатишни амалга ошириш;

ўзига бириктирилган ҳудуддаги шахсларга маиший масалаларни ҳал этишда ёрдам бериш;

12. Ассистент қуйидаги асосий лавозим мажбуриятларини амалга оширади:

ўзгалар парваришига муҳтож ёлғиз кексалар ва ногиронлиги бўлган шахсларга зарур озиқ-овқат, иссиқ таомларни ва шахсий гигиена маҳсулотларини харид қилиш ва уйига етказиб бериш;

озиқ-овқат маҳсулотларидан таом тайёрлашга ёрдам бериш;

марказий сув таъминотига уланмаган ҳудудда яшовчи шахслар учун ичимлик сувини етказиб бериш;

шахсий гигиенага амал қилишда ёрдам бериш, зарур ҳолларда санитар-гигиеник муолажаларни бажариш (бириктирилган шахсни ювинтириш, тўшак ҳамда ички кийимларни алмаштириш каби);

марказий иситиш тизимига уланмаган ҳудудда яшовчиларни иситиш учун воситалар билан таъминлашни (аризалар ва бошқа зарур ҳужжатларни расмийлаштириш) ташкиллаштириш;

уй-рўзгор буюмларини ювишга, кимёвий тозалашга топшириш ва қайтариб олиб келиш;

турар жойларида носозликларни бартараф этиш ва таъмирлашни ташкил этишда ёрдам бериш (санитария-техник ва бошқа зарур ишчиларни чақириш, пудратчиларни излаш ва тегишли ишларни бажариш учун улар билан фуқаролик-ҳуқуқий шартномаларни тузишда);

турар жойларини йиғиштириш, шу жумладан, бошқа шахсларни (хизматлар) жалб этган ҳолда;

уй-жой коммунал хизматларини тўлашга ёрдам бериш (тўлов ҳисоб-варақларини тўлдириш, кредит ташкилотлари, уй-жой коммунал хизматлари, касса ҳисоб-китоб марказлари орқали тўловларни амалга ошириш);

савдо ташкилотлари, коммунал хизматлар, транспорт, алоқа ва аҳолига хизмат кўрсатувчи бошқа ташкилотларда товарлар ва хизматларни сотиб олишга кўмаклашиш (аризаларни расмийлаштириш, шахсга ушбу ташкилотларга олиб борадиган иш соатлари давомида яшаш жойига етказиб беришни амалга оширишда);

хат ёзиш ва ўқиб беришга кўмаклашиш;

маданий тадбирларда қатнашишга кўмаклашиш;

бошқа шахслар ёки хизмат кўрсатувчиларни жалб этган ҳолда шахсий ёрдамчи (деҳқон) хўжалиги ишларига ёрдам беришни ташкиллаштириш (ижрочиларни кидириш ва улар билан вазифалари тўғрисида фуқаролик-ҳуқуқий шартномаларни тузишда ёрдам бериш, кўнгилчиларни, ҳомийларни жалб этиш);

дафн маросимларини ташкиллаштиришда кўмаклашиш (вафот этган шахснинг қариндошлари йўқ бўлса);

шифокор хулосасига кўра шахсни дори воситалари ва тиббий асбоб-ускуналар билан таъминлаш (харид қилиш ва уйига етказиб бериш);

ногиронлиги бўлган шахслар учун индивидуал дастурлар асосида реабилитация тадбирларини ўтказишда ёрдам бериш;

реабилитация хизматларини кўрсатишда, реабилитациянинг техник воситаларини, шу жумладан, протез-ортопедия маҳсулотларини тақдим этишда ёрдам бериш;

шахснинг соғлиғи ҳолатини назорат қилиб бориш;

тиббий ёрдамга эҳтиёж туғилганда уйга шифокор ёки тез тиббий ёрдамни чақириш;

шифохонага жойлаштириш учун ҳужжатларни рамийлаштиришда кўмаклашиш, шифохонага жойлаштириш учун стационар тиббиёт муассасасига боришда ҳамроҳлик қилиш ва ушбу муассасаларда уларни йўқлаб туриш.

13. Ассистентнинг малакасига бўлган талаблар:

биринчи тоифа — ўрта махсус касб-ҳунар маълумоти (ижтимоий, педагогик, тиббий) ёки умумий ўрта таълим ва касбий таълим ўтганлиги тўғрисидаги ҳужжат ва иккинчи тоифали ассистент лавозимида бир йилдан кам бўлмаган меҳнат стажига эга бўлганда;

иккинчи тоифа — ўрта махсус касб-ҳунар маълумоти (ижтимоий, педагогик, тиббий) ёки умумий ўрта таълим ва касбий таълим ўтганлиги тўғрисидаги ҳужжат, тоифасиз ассистент лавозимида бир йилдан кам бўлмаган меҳнат стажига эга бўлганда;

тоифасиз — ўрта махсус касб-ҳунар маълумот ёки умумий ўрта таълим ва касбий таълим ўтганлиги тўғрисидаги ҳужжат, меҳнат стажи талаб этилмайди.

5-боб. Якуний қоида

14. Мазкур Ўйриқнома талаблари бузилишида айбдор бўлган шахслар қонун ҳужжатларига мувофиқ жавобгарликка тортиладилар.

ЎЗБЕКИСТОН РЕСПУБЛИКАСИ АДЛИЯ ВАЗИРИНИНГ
БУЙРУҒИ

255 Давлат бошқарув органлари ва бошқа ташкилотлар ходимлари томонидан давлат хизматлари кўрсатилишида самарадорлик ва натижадорликнинг асосий кўрсаткичлари ҳамда уларнинг фаолиятини баҳолаш тартиби тўғрисидаги низомни тасдиқлаш ҳақида*

*Ўзбекистон Республикаси Адлия вазирлиги томонидан 2020 йил
10 июнда рўйхатдан ўтказилди, рўйхат рақами 3241*

Ўзбекистон Республикаси Президентининг 2018 йил 13 апрелдаги ПҚ-3666-сон «Ўзбекистон Республикаси Адлия вазирлиги фаолиятини янада такомиллаштиришга доир ташкилий чора-тадбирлар тўғрисида»ги ҳамда Ўзбекистон Республикаси Президентининг 2019 йил 15 февралдаги ПҚ-4193-сон «Давлат хизматлари кўрсатиш миллий тизимини янада комплекс ривожлантириш чоралари ҳақида»ги қарорларига мувофиқ **буюраман:**

1. Давлат бошқарув органлари ва бошқа ташкилотлар ходимлари томонидан давлат хизматлари кўрсатилишида самарадорлик ва натижадорликнинг асосий кўрсаткичлари ҳамда уларнинг фаолиятини баҳолаш тартиби тўғрисидаги низом иловага мувофиқ тасдиқлансин.

2. Мазкур буйруқ давлат рўйхатидан ўтказилсин ва бу ҳақда Идоравий норматив-ҳуқуқий ҳужжатларни давлат рўйхатидан ўтказиш бошқармаси Идоравий норматив-ҳуқуқий ҳужжатларнинг давлат реестрига тегишли ёзув киритсин.

3. Қонун ҳужжатларини таҳлил қилиш ва туркумлаш бошқармаси ушбу идоравий норматив-ҳуқуқий ҳужжатни «Ўзбекистон Республикаси қонун ҳужжатлари тўплами» — «Собрание законодательства Республики Узбекистан»да ҳамда Ўзбекистон Республикаси Қонун ҳужжатлари маълумотлари миллий базасида эълон қилинишини таъминласин.

4. Мазкур буйруқ расмий эълон қилинган кундан эътиборан кучга киради.

Вазир

Р. ДАВЛЕТОВ

Тошкент ш.,
2020 йил 10 июнь,
129-мҳ-сон

* Ушбу буйруқ «Қонун ҳужжатлари маълумотлари миллий базаси»да 2020 йил 4 июнда эълон қилинган.

Ўзбекистон Республикаси
адлия вазирининг 2020 йил 10 июндаги
129-мх-сон буйруғига
ИЛОВА

**Давлат бошқарув органлари ва бошқа ташкилотлар
ходимлари томонидан давлат хизматлари кўрсатилишида
самарадорлик ва натижадорликнинг асосий кўрсаткичлари
ҳамда уларнинг фаолиятини баҳолаш
тартиби тўғрисидаги
НИЗОМ**

Мазкур Низом Ўзбекистон Республикаси Президентининг 2019 йил 15 февралдаги ПҚ-4193-сон «Давлат хизматлари кўрсатиш миллий тизимини янада комплекс ривожлантириш чоралари ҳақида»ги қарорига мувофиқ давлат бошқарув органлари ва бошқа ташкилотлар ходимлари томонидан давлат хизматлари кўрсатилишида самарадорлик ва натижадорликнинг асосий кўрсаткичлари ҳамда уларнинг фаолиятини баҳолаш тартибини белгилайди.

1-боб. Умумий қоидалар

1. Мазкур Низомда қуйидаги тушунчалардан фойдаланилади:

ваколатли орган — қонун ҳужжатларига мувофиқ давлат хизматлари кўрсатиш функцияси юклатилган давлат органлари ва бошқа ташкилотлар;

масъул ходим — ваколатли органда давлат хизматларини кўрсатишга масъул этиб тайинланган (бириктирилган) ходим;

фойдаланувчи — давлат хизматидан фойдаланиш учун мурожаат қилган жисмоний ёки юридик шахс.

2. Ваколатли органлар томонидан масъул ходимларнинг фаолияти йилига камида бир маротаба мазкур Низомда белгиланган самарадорлик ва натижадорликнинг асосий кўрсаткичлари асосида баҳолаб борилиши лозим.

3. Мазкур Низом талаблари қуйидагиларга нисбатан қўлланилмайди: ваколатли орган ходимлари томонидан давлат хизмати кўрсатилишини баҳолаш бошқа қонун ҳужжатларида белгиланган бўлса;

Ўзбекистон Республикасининг хориждаги дипломатик ваколатхоналари ва консуллик муассасалари ходимлари томонидан давлат хизмати кўрсатилишини баҳолашда;

туман (шаҳар) давлат хизматлари марказларининг ходимлари томонидан давлат хизмати кўрсатилишини баҳолашда.

4. Баҳолаш адолатлилик, холислик ва шаффофлик принципларига асосланган ҳолда амалга оширилади.

**2-боб. Самарадорлик ва натижадорликнинг асосий
кўрсаткичлари ҳамда уларни ҳисоблаш**

5. Қуйидагилар масъул ходимнинг давлат хизматлари кўрсатиш фаолияти самарадорлиги ва натижадорлигини баҳолашнинг асосий кўрсаткичлари ҳисобланади:

қонун ҳужжатларида белгиланган муддатдан олдин кўрсатилган давлат хизматлари сони;

ваколатли орган томонидан кўрсатиладиган давлат хизматларини такомиллаштириш бўйича ташаббускорлик;

қонун ҳужжатларида белгиланган муддатдан кечиктирилиб кўрсатилган давлат хизматлари сони (масъул ходимга боғлиқ бўлмаган ҳолда белгиланган муддатдан кечиктирилиб кўрсатилган давлат хизматлари бундан мустасно);

масъул ходим томонидан кўрсатилган давлат хизмати юзасидан ваколатли органга фойдаланувчилардан келиб тушган шикоятлар сони;

масъул ходим томонидан кўрсатилган давлат хизмати юзасидан ваколатли органга киритилган тақдимнома ҳамда масъул ходимга нисбатан қўлланилган маъмурий жавобгарлик чоралари сони, қонун ҳужжатларига мувофиқ интизом уставлар татбиқ этиладиган масъул ходимлар бундан мустасно.

6. Қонун ҳужжатларида белгиланган муддатдан олдин кўрсатилган давлат хизматлари сонини ҳисоблашда ҳисобот даврида масъул ходим томонидан қонун ҳужжатларида белгиланган муддатдан олдин кўрсатилган давлат хизматлари инобатга олинади.

Бунда, масъул ходим томонидан кўрсатилган давлат хизмати қонун ҳужжатларида белгиланган муддат доирасида кўрсатилган ва тугалланган бўлиши лозим.

7. Масъул ходим томонидан қонун ҳужжатларида белгиланган муддатдан олдин кўрсатилган давлат хизматлари сони ушбу масъул ходим томонидан ҳисобот даврида кўрсатилган жами давлат хизматлари сонига нисбатан фоизда ҳисобланади ва қуйидаги мезонлар асосида балл берилади:

50 фоиз ва ундан кўп бўлганда — 80 балл;

30 фоиздан 50 фоизгача бўлганда — 50 балл;

10 фоиздан 30 фоизгача бўлганда — 20 балл;

1 фоиздан 10 фоизгача бўлганда — 5 балл.

8. Ваколатли орган томонидан кўрсатиладиган давлат хизматларини такомиллаштириш бўйича ташаббускорлик ҳисобот даврида масъул ходим томонидан ушбу ваколатли органнинг давлат хизматлари кўрсатиш жараёнини такомиллаштириш бўйича берилган таклифлар ва ушбу таклифлар асосида иш жараёни ва қонун ҳужжатларига киритилган тегишли ўзгаришлар инобатга олинади.

Бунда, масъул ходим томонидан давлат хизматлари кўрсатиш жараёнини такомиллаштириш бўйича берилган камида 2 та таклиф ёки берилган таклиф асосида иш жараёни ва қонун ҳужжатларига киритилган тегишли ўзгаришлар ҳисобланади.

9. Масъул ходимнинг ваколатли орган томонидан кўрсатиладиган дав-

лат хизматларини такомиллаштириш бўйича ташаббускорлиги учун қуйидаги мезонлар асосида балл берилади:

берилган таклифлардан 2 та ва ундан ортиғи асосида иш жараёни ёки қонун ҳужжатларига тегишли ўзгартиришлар киритилган бўлса — 20 балл;

берилган таклифлардан 1 таси асосида иш жараёни ёки қонун ҳужжатларига ўзгартириш киритилган бўлса — 15 балл;

2 та ва ундан ортиқ таклифлар берилган, бироқ берилган таклифлар асосида иш жараёни ёки қонун ҳужжатларига ўзгартиришлар киритилмаган бўлса — 10 балл;

1 та таклиф берилган, бироқ берилган таклиф асосида иш жараёни ёки қонун ҳужжатларига ўзгартиришлар киритилмаган бўлса — 5 балл.

Масъул ходим томонидан давлат хизматлари кўрсатиш жараёнини такомиллаштириш бўйича таклиф берилмаган бўлса унга балл берилмайди.

10. Қонун ҳужжатларида белгиланган муддатдан кечиктирилиб кўрсатилган давлат хизматларининг сонини ҳисоблашда ҳисобот даврида масъул ходим томонидан қонун ҳужжатларида белгиланган муддатдан кечиктириб кўрсатилган давлат хизматлари инобатга олинади.

Бунда, қонун ҳужжатларида белгиланган муддатдан кечиктириб кўрсатилган давлат хизматлари сони масъул ходим томонидан жами кўрсатилган давлат хизматлари сонига нисбатан фоизда ҳисобланади, масъул ходимга боғлиқ бўлмаган ҳолда белгиланган муддатдан кечиктирилиб кўрсатилган давлат хизматлари бундан мустасно.

11. Масъул ходим томонидан қонун ҳужжатларида белгиланган муддатдан кечиктириб кўрсатилган давлат хизматлари сони ушбу масъул ходим томонидан ҳисобот даврида кўрсатилган жами давлат хизматлари сонига нисбатан фоизда ҳисобланади ва унинг умумий балли йиғиндисидан қуйидаги мезонлар асосида тегишли баллар айириб ташланади:

30 фоиз ва ундан кўп бўлганда — 40 балл;

15 фоиздан 30 фоизгача бўлганда — 30 балл;

5 фоиздан 15 фоизгача бўлганда — 20 балл;

1 фоиздан 5 фоизгача бўлганда — 10 балл.

12. Масъул ходим томонидан кўрсатилган давлат хизмати юзасидан ваколатли органга фойдаланувчилардан келиб тушган шикоятлар сонини ҳисоблашда ҳисобот даврида масъул ходим томонидан кўрсатилган давлат хизматлари юзасидан келиб тушган шикоятлар инобатга олинади.

Бунда, ваколатли органга келиб тушган ва ўз тасдиғини топган шикоятлар ҳисобга олинади.

13. Масъул ходим томонидан кўрсатилган давлат хизмати бўйича келиб тушган шикоятларнинг сони ушбу масъул ходим томонидан ҳисобот даврида кўрсатилган жами давлат хизматлари сонига нисбатан фоизда ҳисобланади ва унинг умумий балли йиғиндисидан қуйидаги мезонлар асосида тегишли баллар айириб ташланади:

20 фоиздан юқори бўлса — 30 балл;

10 фоиздан 20 фоизгача бўлса — 20 балл;

5 фоиздан 10 фоизгача — 10 балл;

1 фоиздан 5 фоизгача — 5 балл.

14. Масъул ходим томонидан кўрсатилган давлат хизмати юзасидан ваколатли органга киритилган тақдимнома ҳамда масъул ходимга нисбатан қўлланилган маъмурий жавобгарлик сонини ҳисоблашда ҳисобот даврида масъул ходим томонидан кўрсатилган давлат хизмати бўйича киритилган тақдимнома ва (ёки) масъул ходимга нисбатан қўлланилган маъмурий жавобгарлик чораси инобатга олинади.

Бунда, масъул ходим томонидан кўрсатилган давлат хизмати юзасидан ваколатли органга киритилган тақдимноманинг фақат ўз тасдиғини топгани ҳисобланади.

15. Масъул ходим томонидан кўрсатилган давлат хизмати юзасидан ваколатли органга киритилган тақдимнома ва (ёки) масъул ходимга нисбатан қўлланилган маъмурий жавобгарлик чорасининг сони ушбу масъул ходим томонидан ҳисобот даврида кўрсатилган жами давлат хизматлари сонига нисбатан фоизда ҳисобланади ва унинг умумий балли йиғиндисидан қуйидаги мезонлар асосида тегишли баллар айириб ташланади:

2 та ва ундан ортиқ маъмурий жавобгарлик чораси қўлланилган бўлса — 30 балл;

1 та маъмурий жавобгарлик чораси қўлланилган бўлса — 20 балл;

2 та ва ундан ортиқ тақдимнома киритилган бўлса — 10 балл;

1 та тақдимнома киритилган бўлса — 5 балл.

3-боб. Масъул ходим томонидан давлат хизматлари кўрсатилишида унинг самарадорлиги ва натижадорлигини баҳолашни ташкил этиш

16. Масъул ходим томонидан давлат хизматлари кўрсатилишида унинг самарадорлиги ва натижадорлигини баҳолаш (бундан буён матнда баҳолаш деб юритилади) ваколатли орган раҳбарининг буйруғи билан 3 кишидан кам бўлмаган тоқ сондан иборат таркибда ташкил этиладиган комиссия томонидан амалга оширилади.

17. Комиссия таркиби ваколатли орган раҳбари ва давлат хизматлари кўрсатиш билан шуғулланмайдиган масъул ходимлар орасидан шакллантирилади.

18. Ваколатли орган раҳбари комиссия раиси ҳисобланади.

Ваколатли органнинг давлат хизматлари кўрсатиш билан шуғулланмайдиган ходимлари орасидан комиссия котиби тайинланади.

19. Комиссия ўз фаолиятини мазкур Низом ҳамда бошқа қонун ҳужжатларига мувофиқ амалга оширади.

20. Комиссия раиси комиссия ишини ўз вақтида, тўғри ва ҳаққоний ташкил қилиш учун масъул ҳисобланади.

21. Баҳолаш ҳисобот давридан кейинги ойнинг 15 санасига қадар амалга оширилиши лозим.

22. Комиссия котиби ҳисобот давридан кейинги ойнинг 10 санасига қадар масъул ходимнинг давлат хизматлари кўрсатиш фаолияти самарадорлиги ва

натижадорлигини ҳисоблашнинг асосий кўрсаткичлари бўйича ваколатли органдаги масъул ходимлардан тегишли маълумотларни олади, шунингдек, уларнинг тўлиқлигини ҳамда тўғри кўрсатилганлигини ўрганади.

23. Комиссия котиби масъул ходим томонидан берилган маълумотлар тўлиқ бўлмаган ёки ундаги маълумотлар тўғри кўрсатилмаганлигини аниқлаган ҳолларда тегишли масъул ходимдан камчиликларни 1 кун муддатда бартараф этишни талаб қилади.

24. Комиссия котиби тақдим этилган маълумотлар асосида комиссиянинг навбатдаги йиғилишида кўриб чиқиши учун ҳар бир масъул ходим бўйича алоҳида комиссиянинг барча аъзолари сонига мутаносиб равишда қисқача маълумотнома тайёрлайди.

25. Комиссия раиси масъул ходимлар томонидан давлат хизматлари кўрсатилишида уларнинг самарадорлиги ва натижадорлигини баҳолаш мақсадида комиссиянинг навбатдаги йиғилиши бўлиб ўтадиган кун ва вақтни белгилайди.

26. Комиссия котиби комиссия йиғилиши ўтказиладиган кундан камидан 2 кун олдин комиссиянинг барча аъзоларини комиссия йиғилиши ўтказиладиган кун ва вақт ҳақида хабардор қилиши шарт.

4-боб. Масъул ходим томонидан давлат хизматлари кўрсатилишида унинг самарадорлиги ва натижадорлигини баҳолаш

27. Махсус комиссия йиғилишида комиссия раиси, котиби ва унинг аъзоларидан бошқа шахсларнинг иштирок этишига йўл қўйилмайди.

28. Комиссия котиби йиғилишда кўриб чиқиш учун кун тартибига қўйилган масъул ходимларнинг маълумотлари асосида тайёрланган қисқача маълумотномани комиссиянинг барча аъзоларига бир нусхадан тарқатади ҳамда ҳар бир масъул ходим бўйича маълумотларни комиссия аъзоларига алоҳида ўқиб эшиттиради.

29. Комиссия масъул ходим бўйича тақдим этилган маълумотларни ўрганган ҳолда уларнинг ҳар бири бўйича алоҳида қарор қабул қилади.

30. Комиссия қарори аъзоларнинг оддий кўпчилик овози билан қабул қилинади. Овозлар тенг бўлиб қолган тақдирда, Комиссия раисининг овози ҳал қилувчи ҳисобланади.

31. Масъул ходим томонидан давлат хизматлари кўрсатилишида унинг самарадорлиги ва натижадорлигини баҳолаш мазкур Низомнинг 5-бандида назарда тутилган ҳар бир кўрсаткич юзасидан масъул ходимнинг умумий тўплаган баллари бўйича қуйидаги мезонлар асосида амалга оширилади:

86 баллдан 100 баллгача бўлганда — аъло;

71 баллдан 86 баллгача бўлганда — яхши;

56 баллдан 71 баллгача бўлганда — қониқарли;

55 ва ундан кам балл бўлганда — қониқарсиз.

32. Комиссия йиғилиши баённома билан расмийлаштирилади. Бунда комиссия мажлиси баённомасини расмийлаштириш комиссия котиби томонидан амалга оширилади.

33. Комиссия йиғилиши баённомаси шу вақтнинг ўзида комиссиянинг ҳар бир аъзоси томонидан имзоланади ҳамда тасдиқлаш учун комиссия раисига тақдим этилади.

34. Комиссия котиби комиссия раиси томонидан тасдиқланган баённома билан барча масъул ходимларни шу куннинг ўзида таништириши шарт.

5-боб. Якуний қоидалар

35. Мазкур Низом талаблари бузилишида айбдор бўлган шахслар қонун ҳужжатларига мувофиқ жавобгар бўлади.

36. Мазкур Низом Ўзбекистон Республикаси Иқтисодий тараққиёт ва камбағалликни қисқартириш вазирлиги, Молия вазирлиги, Марказий банки, Қишлоқ хўжалиги вазирлиги, Сув хўжалиги вазирлиги, Бандлик ва меҳнат муносабатлари вазирлиги, Олий ва ўрта махсус таълим вазирлиги, Халқ таълими вазирлиги, Соғлиқни сақлаш вазирлиги, Маданият вазирлиги, Мудофаа вазирлиги, Ички ишлар вазирлиги, Фавқулодда вазиятлар вазирлиги, Ташқи ишлар вазирлиги, Инвестициялар ва ташқи савдо вазирлиги, Уй-жой коммунал хизмат кўрсатиш вазирлиги, Жисмоний тарбия ва спорт вазирлиги, Қурилиш вазирлиги, Ахборот технологиялари ва коммуникацияларини ривожлантириш вазирлиги, Транспорт вазирлиги, Мактабгача таълим вазирлиги, Миллий гвардияси, Давлат статистика қўмитаси, Давлат солиқ қўмитаси, Давлат божхона қўмитаси, Энергетика вазирлиги, Экология ва атроф-муҳитни муҳофаза қилиш давлат қўмитаси, Давлат геология ва минерал ресурслар қўмитаси, Ер ресурслари, геодезия, картография ва давлат кадастри давлат қўмитаси, Туризмни ривожлантириш давлат қўмитаси, Ўрмон хўжалиги давлат қўмитаси, Саноат хавфсизлиги давлат қўмитаси, Ветеринария ва чорвачиликни ривожлантириш давлат қўмитаси, Ўзбекистон Республикаси Президенти ҳузуридаги Лойиҳа бошқаруви миллий агентлиги, Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги, Ўзбекистон стандартлаштириш, метрология ва сертификатлаштириш агентлиги, Капитал бозорини ривожлантириш агентлиги, Давлат активларини бошқариш агентлиги, «Ўзархив» агентлиги, Монополияга қарши курашиш қўмитаси, Вазирлар Маҳкамаси ҳузуридаги Давлат тест маркази, Вазирлар Маҳкамаси ҳузуридаги Таълим сифатини назорат қилиш давлат инспекцияси, Вазирлар Маҳкамаси ҳузуридаги Ўсимликлар карантини давлат инспекцияси, Вазирлар Маҳкамаси ҳузуридаги Агросаноат мажмуи устидан назорат қилиш инспекцияси, Вазирлар Маҳкамаси ҳузуридаги Олий аттестация комиссияси, Фанлар академияси, АТ «Халқ банки» билан келишилган.

Иқтисодий тараққиёт ва

камбағалликни қисқартириш вазири Ж. КУЧКАРОВ

2020 йил 15 май

Молия вазири

Т. ИШМЕТОВ

2020 йил 18 май

Марказий банк раиси

М. НУРМУРАТОВ

2020 йил 18 май

Қишлоқ хўжалиги вазири

Ж. ХОДЖАЕВ

2020 йил 19 май

Сув хўжалиги вазири

Ш. ХАМРАЕВ

2020 йил 19 май

*Бандлик ва меҳнат
муносабатлари вазири*

Н. ХУСАНОВ

2020 йил 19 май

*Олий ва ўрта махсус
таълим вазири*

И. МАДЖИДОВ

2020 йил 20 май

Халқ таълими вазири

Ш. ШЕРМАТОВ

2020 йил 20 май

Соғлиқни сақлаш вазири

А. ШАДМАНОВ

2020 йил 20 май

Маданият вазири

О. НАЗАРБЕКОВ

2020 йил 20 май

Мудофаа вазири

Б. КУРБАНОВ

2020 йил 21 май

Ички ишлар вазири

П. БОБОЖОНОВ

2020 йил 21 май

**Фавқуллодда
вазиятлар вазири в. б.**

Т. ХУДАЙБЕРГЕНОВ

2020 йил 22 май

Ташқи ишлар вазири

А. КОМИЛОВ

2020 йил 23 май

**Инвестициялар ва ташқи
савдо вазири**

С. УМУРЗАКОВ

2020 йил 23 май

**Уй-жой коммунал хизмат
кўрсатиш вазири**

М. САЛИЕВ

2020 йил 23 май

**Жисмоний тарбия ва
спорт вазири**

Д. НАБИЕВ

2020 йил 25 май

Қурилиш вазири

Б. ЗАКИРОВ

2020 йил 25 май

**Ахборот технологиялари ва
коммуникацияларини
ривожлантириш вазири**

Ш. САДИКОВ

2020 йил 26 май

Транспорт вазири

Э. ГАНИЕВ

2020 йил 27 май

Мактабгача таълим вазири

А. ШИН

2020 йил 28 май

Миллий гвардия қўмондони

Р. ДЖУРАЕВ

2020 йил 29 май

*Давлат статистика
қўмитаси раиси*

Б. БЕГАЛОВ

2020 йил 29 май

*Давлат солиқ
қўмитаси раиси*

Б. МУСАЕВ

2020 йил 30 май

*Давлат божхона
қўмитаси раиси*

М. АЗИМОВ

2020 йил 30 май

*Экология ва атроф-муҳитни
муҳофаза қилиш давлат
қўмитаси раиси*

Ш. АБДУРАЗАКОВ

2020 йил 1 июнь

*Давлат геология ва минерал
ресурслар қўмитаси раиси*

Б. ИСЛАМОВ

2020 йил 1 июнь

*Ер ресурслари, геодезия,
картография ва давлат кадастри
давлат қўмитаси раиси*

А. АБДУЛЛАЕВ

2020 йил 1 июнь

*Туризмни ривожлантириш
давлат қўмитаси раиси*

А. АБДУХАКИМОВ

2020 йил 2 июнь

*Ўрмон хўжалиги давлат
қўмитаси раиси*

Н. БАКИРОВ

2020 йил 2 июнь

*Саноат хавфсизлиги давлат
қўмитаси раиси*

Б. ГУЛЯМОВ

2020 йил 2 июнь

*Ветеринария ва чорвачиликни
ривожлантириш давлат
қўмитаси раиси*

Б. НОРҚОБИЛОВ

2020 йил 3 июнь

*Лойиҳа бошқаруви миллий
агентлиги директори*

Д. ЛИ

2020 йил 3 июнь

*Ахборот ва оммавий
коммуникациялар агентлиги
директори в. б.*

Д. САИДЖАНОВ

2020 йил 4 июнь

*Ўзбекистон стандартлаштириш,
метрология ва сертификатлаштириш
агентлиги директори*

Д. САТТАРОВ

2020 йил 4 июнь

*Капитал бозорини ривожлантириш
агентлиги директори*

А. НАЗИРОВ

2020 йил 5 июнь

*Давлат активларини бошқариш
агентлиги директори*

С. БЕКЕНОВ

2020 йил 5 июнь

*«Ўзархив»
агентлиги директори*

У. ЮСУПОВ

2020 йил 5 июнь

*Монополияга қарши курашиш
қўмитаси раиси*

Н. ШАРИПОВ

2020 йил 6 июнь

*Давлат тест
маркази директори*

М. КАРИМОВ

2020 йил 6 июнь

*Таълим сифатини назорат
қилиш давлат инспекцияси бошлиғи* **У. ТАШКЕНБАЕВ**

2020 йил 6 июнь

Энергетика вазири **А. СУЛТОНОВ**

2020 йил 8 июнь

*Ўсимликлар карантини давлат
инспекцияси бошлиғи* **И. ЭРГАШЕВ**

2020 йил 8 июнь

*Агросаноат мажмуи устидан
назорат қилиш инспекцияси
бошлиғи* **А. ВАХАБОВ**

2020 йил 8 июнь

*Олий аттестация
комиссияси раиси* **А. ЮСУПОВ**

2020 йил 9 июнь

*Фанлар академияси
президенти* **Б. ЮЛДАШЕВ**

2020 йил 9 июнь

*АТ «Халқ банки»
бошқарув раиси* **Ф. САЛАМОВ**

2020 йил 9 июнь

ЎЗБЕКИСТОН РЕСПУБЛИКАСИ
СОҒЛИҚНИ САҚЛАШ ВАЗИРИНИНГ
БУЙРУҒИ

256 Референт нарх шакллантириш тизими доирасида дори воситалари нархларини қайд этиш тартиби тўғрисидаги низомни тасдиқлаш ҳақида*

Ўзбекистон Республикаси Адлия вазирлиги томонидан 2020 йил 10 июнда рўйхатдан ўтказилди, рўйхат рақами 3242

Ўзбекистон Республикаси Президентининг 2019 йил 30 декабрдаги ПҚ–4554-сон «Ўзбекистон Республикаси фармацевтика тармоғида ислохотларни чуқурлаштиришга доир қўшимча чора-тадбирлар тўғрисида»ги қарорига мувофиқ **буюраман:**

1. Референт нарх шакллантириш тизими доирасида дори воситалари нархларини қайд этиш тартиби тўғрисидаги низом иловага мувофиқ тасдиқлансин.

2. Мазкур буйруқ расмий эълон қилинган кундан эътиборан бир ой ўтгач кучга кириди.

Вазир

А. ШАДМАНОВ

Тошкент ш.,
2020 йил 24 март,
115-сон

Ўзбекистон Республикаси
соғлиқни сақлаш вазирининг 2020 йил
24 мартдаги 115-сон буйруғига
ИЛОВА

**Референт нарх шакллантириш тизими доирасида дори
воситалари нархларини қайд этиш тартиби тўғрисидаги
НИЗОМ**

Мазкур Низом Ўзбекистон Республикаси Президентининг 2019 йил 30 декабрдаги ПҚ–4554-сон «Ўзбекистон Республикаси фармацевтика тармоғида ислохотларни чуқурлаштиришга доир қўшимча чора-тадбирлар тўғрисида»ги қарорига мувофиқ референт нарх шакллантириш тизими доирасида дори воситалари нархларини қайд этиш тартибини белгилайди.

* Ушбу буйруқ «Қонун ҳужжатлари маълумотлари миллий базаси»да 2020 йил 10 июнда эълон қилинган.

1-боб. Умумий қоидалар

1. Мазкур Низом Ўзбекистон Республикаси ҳудудида тиббиёт амалиётида қўллаш учун рухсат этилган ҳамда давлат рўйхатидан ўтказилганлик гувоҳномасининг амал қилиш даврида ишлаб чиқарилган дори воситаларига нисбатан татбиқ этилади.

Референт нарх шакллантириш тизими доирасида нархларни қайд этиш дори моддалари (субстанциялар), кам учрайдиган касалликларни даволаш учун мўлжалланган Орфан дори воситалари рўйхатига киритилган дори воситаларига ҳамда чекланган нархлар қайд этилгунга қадар сертификатлаштирилган дори воситаларига татбиқ этилмайди.

2. Ушбу Низомда қуйидаги асосий тушунчалардан фойдаланилади:

референт нарх шакллантириш тизими — дори шакли, қадоқдаги сони, дозаси, концентрацияси, ҳажми ва қадоқланишини ҳисобга олган ҳолда айни бир ишлаб чиқарувчининг худди шундай фаол моддага эга дори воситаларини ишлаб чиқарувчи мамлакатда, референт мамлакатларда ва Ўзбекистон Республикасида сотиш нархларини таҳлил қилиш натижаси асосида ҳар бир савдо номи учун чекланган нархларни қайд этиш тизими;

референт мамлакатлар — Жаҳон банкининг аҳоли жон бошига нисбатан ялпи ички маҳсулотнинг ҳисобланган даромадлар даражасидан юқори, ўртачадан юқорироқ ва ўртачадан пастроқ бўлган давлатлар гуруҳига кирувчи Ўзбекистон Республикаси билан макроиктисодий жиҳатдан таққосланадиган мамлакатлар;

дори воситаларининг чекланган нархлари (бундан буён матнда чекланган нархлар деб юритилади) — дори шакли, қадоқдаги сони, дозаси, концентрацияси, ҳажми ва қадоқланишини ҳисобга олган ҳолда дори воситаларининг ҳар бир савдо номи учун референт нарх шакллантириш тизими доирасида қайд этилган нарх;

чекланган нархлар реестри — дори шакли, қадоқдаги сони, дозаси, концентрацияси, ҳажми ва қадоқланишини ҳисобга олган ҳолда дори воситаларининг ҳар бир савдо номи учун қайд этилган чекланган нархлар ва уларга чекланган савдо устамаларини қўллаш йўли билан ҳисобланган улгуржи ва чакана нархларнинг электрон (онлайн) реестри;

автоматлаштирилган ахборот тизими (бундан буён матнда ахборот тизими деб юритилади) — аризаларни қабул қилиш, референт нарх шакллантириш тизими доирасидаги маълумотларни қайта ишлаш ва сақлаш, чекланган нархларни қайд этиш ва чекланган нархлар реестрини юритиш учун мўлжалланган махсус электрон тизим;

ваколатли орган — чекланган нархларни қайд этиш ва қайта қайд этиш учун масъул бўлган Ўзбекистон Республикаси Соғлиқни сақлаш вазирлиги ҳузуридаги Фармацевтика тармоғини ривожлантириш агентлиги;

ишчи орган — чекланган нархларни қайд этиш учун аризаларни қабул қилиш ва кўриб чиқиш ҳамда ахборот тизимининг узлуксиз ва барқарор ишлашини таъминлаш учун масъул бўлган Ўзбекистон Республикаси Соғлиқни сақлаш вазирлиги ҳузуридаги Фармацевтика тармоғини ривожлан-

тириш агентлигининг Дори воситалари, тиббий буюмлар ва тиббий техника экспертизаси ва стандартлаштириш давлат маркази;

ариза — дори воситаларининг чекланган ёки илгари қайд этилган чекланган нархларини қайта қайд этиш ҳақидаги мурожаат;

ариза берувчи — дори воситаларининг давлат рўйхатидан ўтказилганлик гувоҳномаси эгаси бўлган юридик шахс ёки унинг ишончли вакили;

маҳаллий ишлаб чиқарувчи — Ўзбекистон Республикасида дори воситаларини ишлаб чиқариш учун лицензияга эга бўлган юридик шахс;

маҳаллий дори воситалари — Ўзбекистон Республикаси ҳудудида маҳаллий ишлаб чиқарувчилар томонидан ишлаб чиқарилган дори воситалари;

импорт дори воситалари — хорижий фармацевтика корхоналари томонидан ишлаб чиқарилиб, Ўзбекистон Республикаси божхона ҳудудига олиб кирилган ва ушбу ҳудуддан қайтариб олиб чиқиш мажбуриятисиз эркин муомалага чиқарилган дори воситалари;

давлат рўйхатидан ўтказилганлик гувоҳномаси (бундан буён матнда гувоҳнома деб юритилади) — дори воситаларини давлат рўйхатидан ўтказилганлигини ва Ўзбекистон Республикаси Соғлиқни сақлаш вазирлиги томонидан тиббиёт амалиётида қўлланилишига рухсат берилганлигини тасдиқловчи ҳужжат.

3. Ваколатли орган доимий тарзда Интернет жаҳон ахборот тармоғидаги ўз расмий веб-сайтида хронологик тартибда қайд этилган ва қайта қайд этилган чекланган нархлар ҳақидаги маълумотларни жойлаштириб боради. Бунда аввалги маълумотлар сақланган ҳолда ўзгартиришлар киритилади ва чекланган нархлар ҳақидаги маълумотлардан эркин фойдаланиш имконияти яратилади.

4. Қайд этилган чекланган нархлар ҳақидаги маълумотлар ахборот тизимида беш йил давомида сақланади.

2-боб. Чекланган нархларни қайд этиш ва қайта қайд этиш

5. Ариза берувчи чекланган нархларни қайд этиш ва қайта қайд этиш учун электрон рақамли имзо билан ахборот тизимига киради, шундан сўнг реал вақт режимида чекланган нархларни қайд этиш ёки қайта қайд этиш ҳуқуқини тасдиқловчи ҳужжатларини (хат, шартнома ёки ишончнома) ҳамда чекланган нархлар қайд этиладиган Ўзбекистон Республикасида давлат рўйхатидан ўтказилган дори воситалари рўйхатини юборади.

6. Ишчи орган ариза қабул қилинган санадан бошлаб икки иш куни ичида ариза берувчининг гувоҳнома эгаси ёки унинг ишончли вакили эканлигини текширади.

Ишчи орган ариза берувчини ҳақиқатан ҳам гувоҳноманинг эгаси ёки унинг ишончли вакили эканлигини тасдиқлагандан сўнг уни ахборот тизимида рўйхатдан ўтказиши ва бу ҳақидаги маълумотни ариза берувчига дарҳол ахборот тизими ёки электрон почта манзили орқали юборади.

Ариза берувчи ахборот тизимида рўйхатдан ўтказилганидан сўнг аризада кўрсатилган дори воситаларига чекланган нархларни қайд этиш учун маълумотларни киритиш ҳуқуқига эга бўлади.

Агарда ариза берувчининг гувоҳнома эгаси ёки унинг ишончли вакили эканлигини тасдиқловчи ҳужжатлари нотўғри ёки бузиб кўрсатилган бўлса, ишчи орган рўйхатдан ўтказиш рад этилганлиги тўғрисидаги электрон хабарни дарҳол ахборот тизими орқали ариза берувчига жўнатади.

7. Ариза берувчи (маҳаллий дори воситалари учун) ахборот тизими орқали ишчи органига дори шакли, қадоқдаги сони, дозаси, концентрацияси, ҳажми ва қадоқланишини ҳисобга олган ҳолда дори воситаларининг ҳар бир савдо номи учун Ўзбекистон Республикаси миллий валютасида белгиланган чекланган нархларни ахборот тизимида киритади.

8. Ариза берувчи (импорт дори воситалари учун) ахборот тизими орқали ишчи органига дори шакли, қадоқдаги сони, дозаси, концентрацияси, ҳажми ва қадоқланишини ҳисобга олган ҳолда дори воситаларининг ҳар бир савдо номи учун ариза берувчининг хати билан тасдиқланган қуйидаги маълумотларни тақдим этади:

мазкур Низомнинг иловасида кўрсатилган аҳоли жон бошига нисбатан даромадлар даражаси юқори, ўртачадан юқорироқ ва ўртачадан пастроқ бўлган давлатлар гуруҳига кирувчи референт мамлакатларга Инкотермс халқаро қоидаларининг СІР (ташиш ва суғурта ҳақи тўланган) шартида (бундан буён матнда Инкотермс СІР шарти деб юритилади) дори воситаларини етказиб бериш нархлари;

дори воситаларини ишлаб чиқарувчи мамлакатда дистрибьютерлар учун ушбу мамлакат валютасида белгиланган нархлар;

сўнгги олти ой давомида импорт қилинган дори воситаларини Ўзбекистон Республикасига етказиб бериш валютасида белгиланган шартноманинг Инкотермс СІР шарти асосида кўрсатилган нархлари.

Агарда мазкур банднинг иккинчи — тўртинчи хатбошиларида кўрсатилган нархларни тақдим этиш имкони бўлмаса, ариза берувчи томонидан тақдим этиш имкони йўқлигининг аниқ сабаблари кўрсатиб ўтилади ва қайд этилиши лозим бўлган чекланган нархлар таклифи киритилади.

9. Ахборот тизими импорт дори воситалари нархлари бўйича маълумотларни қабул қилиб, қуйидагиларни автоматик тарзда ҳисоблаб чиқади:

сўнгги олти ой давомида импорт қилинган дори воситаларини Ўзбекистон Республикасига етказиб бериш валютасида белгиланган шартномаларнинг Инкотермс СІР шарти асосида кўрсатилган нархларнинг ўртача миқдори;

дори воситаларини ишлаб чиқарувчи мамлакатдаги дистрибьютерлар учун ушбу мамлакат валютасида белгиланган нархга маҳсулот нархининг 15 фоиздан кўп бўлмаган суғурта ва транспортда ташиш харажатлари қўшилган ҳамда референт мамлакатлардаги нархларнинг умумлаштирилган ўртача миқдори.

Ахборот тизими мазкур банднинг иккинчи ва учинчи хатбошиларида кўрсатилган асослар бўйича ҳисобланган ўртача миқдорлардан энг кам

микдорни, ариза тўлдирилган кунда Ўзбекистон Республикаси Марказий банки томонидан белгиланган валюталарнинг расмий айирбошлаш курси бўйича ариза берувчининг танловига асосан АҚШ доллари, евро ёки Россия рублида чекланган нархлар сифатида қабул қилишни тавсия этади.

10. Ариза берувчи ахборот тизими орқали тавсия этилган чекланган нархларни тасдиқлаш ёки рад этиш ҳуқуқига эга.

11. Агарда ариза берувчи ахборот тизими орқали тавсия этилган чекланган нархни тасдиқлашни рад этса, у ҳолда ўзи томонидан киритилган чекланган нархни қайтадан кўриб чиқиши ҳамда аризани такроран топшириши мумкин.

12. Ишчи орган ахборот тизими орқали етти иш куни ичида аризани кўриб чиқиб, ариза берувчи томонидан тасдиқланган чекланган нархларни қайд этиш учун ваколатли органга тавсия беради.

13. Ахборот тизимига киритилган маълумотлар тўлиқ бўлмаса ёки тақдим этилган ҳужжатлардаги маълумотларга аниқлик киритиш зарурати мавжуд бўлса, ишчи орган камчиликларни бартараф этиш зарурлиги тўғрисидаги хабарномани дарҳол ариза берувчига юборади.

14. Ишчи орган томонидан хабарнома юборилган кундан бошлаб йигирма иш куни ичида ариза берувчи ҳужжатлардаги ноаниқликлар ва камчиликларни бартараф этган ҳолда икки мартагача чекланган нархларни қайд этиш ёки қайта қайд этиш учун аризани топшириши мумкин.

15. Ишчи орган томонидан талаб қилинган маълумотлар ахборот тизимига ўз вақтида киритилмаса ёки тўлиқ бўлмаса, камчиликларни бартараф этиш тўғрисидаги учинчи хабарномадан сўнг ваколатли орган чекланган нархларни қайд этиш ёки қайта қайд этишни рад этади ва бу ҳақидаги маълумотни дарҳол ариза берувчига юборади.

16. Ариза берувчи томонидан тақдим этилган маълумотлар тўғри ва тўлиқ тақдим этилгандан сўнг ваколатли орган ишчи органнинг тавсиясига биноан уч иш куни ичида таклиф этилган чекланган нархларни қайд этади ёки қайта қайд этади ҳамда чекланган нархлар реестрига киритади.

17. Импорт қилинадиган, шунингдек, маҳаллий ишлаб чиқарувчилардан сотиб олиннадиган дори воситаларини улгуржи ва чакана сотиш уларни етказиб беришда иштирок этувчи воситачилар сонидан қатъи назар, улгуржи савдо учун сотиб олинган қийматидан 15 фоиздан, чакана савдо учун улгуржи нархидан 20 фоиздан ортиқ бўлмаган миқдорларда чекланган савдо устамаларини қўллаш орқали амалга оширилади.

Импорт қилинадиган дори воситаларининг сотиб олинган қиймати қуйидаги формула бўйича аниқланади:

$$\text{СОҚ} = \text{Шн} + \text{Б} + \text{Бх}, \text{ бунда:}$$

СОҚ — импорт қилинган дори воситаларининг сотиб олинган қиймати;

Шн — Инкотермс СІР шартларида Ўзбекистон Республикаси ҳудудида импорт қилинган дори воситаларининг божхона юк декларацияси тўлдирилган кунда Ўзбекистон Республикаси Марказий банки томонидан белги-

ланган валюталарнинг расмий айирбошлаш курси бўйича Ўзбекистон Республикасининг миллий валютасида белгиланган шартномадаги нархи;

Б — Ўзбекистон Республикасининг миллий валютасида ҳисобланган божхона тўловлари;

Бх — бошқа харажатлар (шартномадаги Инкотермс СІР шарида кўрсатилган нархнинг 1 фоизидан кўп бўлмаган миқдорда).

18. Ўзбекистон Республикаси ҳудудига импорт қилинган дори воситаларининг нархлари чекланган нархлардан юқори бўлмаслиги керак.

Агарда шартнома нархи чекланган нарх кўрсатилган валютада бўлмаса, унда шартноманинг божхона юк декларацияси тўлдирилган кундаги Ўзбекистон Республикаси Марказий банки томонидан белгиланган валюталарнинг расмий айирбошлаш курси бўйича АҚШ долларида қайта ҳисобланган нархи чекланган нархдан юқори бўлмаслиги керак.

19. Чекланган нархлар реестри ахборот тизимида қайд этилган чекланган нархларни, шунингдек, ариза тўлдирилган кунга нисбатан Ўзбекистон Республикаси Марказий банки томонидан белгиланган валюталарнинг расмий айирбошлаш курси бўйича Ўзбекистон Республикасининг миллий валютасида мазкур Низомнинг 17-бандига мувофиқ чекланган савдо устамаларини қўллаш йўли билан ҳисобланган улгуржи ва чакана нархларни акс эттиради.

20. Ариза берувчи ваколатли орган томонидан чекланган нархлар қайд этилган санадан эътиборан уч ойдан кам бўлмаган муддатда чекланган нархларни қайта қайд этиш учун ариза топширишга ҳақли.

Чекланган нархларни уч ойдан кам бўлган муддатда қайта қайд этиш учун қуйидагилар асос бўлиши мумкин:

чекланган нархларни қайта қайд этиш учун ариза топширилган санада чекланган нарх қайд этилган санага нисбатан чет эл валютасининг Ўзбекистон Республикасининг миллий валютасига нисбатан курсининг камида 5 фоизга ўсиши;

дори воситалари ишлаб чиқариладиган мамлакатда енгиб бўлмайдиган куч (форс-мажор) ҳолатларининг юз бериши.

21. Ариза берувчи томонидан нотўғри ёки ишончли бўлмаган маълумотлар тақдим этилганлиги аниқланса, чекланган нархлар реестрида кўрсатилган дори воситаларининг нархлари дарҳол ушбу реестрдан чиқарилади.

22. Ишчи орган ариза берувчи томонидан чекланган нархларни қайд этиш ёки қайта қайд этиш учун тақдим этилган маълумотларни ошкор қилиши мумкин эмас.

3-боб. Якуний қоидалар

23. Мазкур Низом талаблари бузилишида айбдор бўлган шахслар қонун ҳужжатларига мувофиқ жавобгар бўладилар.

24. Мазкур Низом Ўзбекистон Республикаси Давлат божхона қўмита-

си, Монополияга қарши курашиш қўмитаси, Савдо-саноат палатаси ҳамда Инновацион соғлиқни сақлаш миллий палатаси билан келишилган.

*Монополияга қарши
курашиш қўмитаси раиси*

Н. ШАРИПОВ

2020 йил 17 март

*Савдо-саноат
палатаси раиси*

А. ИКРАМОВ

2020 йил 18 март

*Инновацион соғлиқни сақлаш
миллий палатасининг раиси*

Р. ИЗАМОВ

2020 йил 19 март

*Давлат божхона
қўмитаси раиси*

М. АЗИМОВ

2020 йил 20 март

Референт нарх шакллантириш тизими доира-
сида дори воситалари нархларини қайд этиш
тартиби тўғрисидаги низомга
ИЛОВА

**Аҳоли жон бошига нисбатан даромадлар даражаси юқори,
ўртачадан юқорироқ ва ўртачадан пастроқ бўлган давлатлар
гуруҳига кирувчи референт мамлакатлар
РЎЙХАТИ**

1. Венгрия
2. Россия Федерацияси
3. Украина
4. Польша Республикаси
5. Тожикистон Республикаси
6. Словения Республикаси
7. Қозоғистон Республикаси
8. Болгария Республикаси
9. Беларусь Республикаси
10. Қирғизистон Республикаси

ЎЗБЕКИСТОН РЕСПУБЛИКАСИ
ДАВЛАТ СОЛИҚ ҚЎМИТАСИНING
ҚАРОРИ

257 Тошкент вилоятининг Бўстонлик туманида тажриба тариқасида жисмоний шахсларнинг солиқ солиш объектлари ҳисобга қўйилганлиги тўғрисида гувоҳнома бериш, ягона электрон платформани юритиш ва унга кўчмас мулк объектлари ижарага берилганлиги тўғрисидаги маълумотларни киритиш тартиби ҳақида вақтинчалик низомни тасдиқлаш тўғрисида*

*Ўзбекистон Республикаси Адлия вазирлиги томонидан 2020 йил
12 июнда рўйхатдан ўтказилди, рўйхат рақами 3243*

Ўзбекистон Республикаси Вазирлар Маҳкамасининг 2020 йил 20 февралдаги «Тошкент вилоятининг Бўстонлик туманида тажриба тариқасида солиқ солиш объектларини ҳисобга олиш ва солиқ маъмуриятчилигининг алоҳида тартибини жорий этиш тўғрисида»ги 107-сон қарорига мувофиқ Ўзбекистон Республикаси Давлат солиқ қўмитаси **қарор қилади:**

1. Тошкент вилоятининг Бўстонлик туманида тажриба тариқасида жисмоний шахсларнинг солиқ солиш объектлари ҳисобга қўйилганлиги тўғрисида гувоҳнома бериш, ягона электрон платформани юритиш ва унга кўчмас мулк объектлари ижарага берилганлиги тўғрисидаги маълумотларни киритиш тартиби ҳақида вақтинчалик низом иловага мувофиқ тасдиқлансин.

2. Мазкур қарор расмий эълон қилинган кундан эътиборан кучга киради.

3. Мазкур қарор 2021 йил 1 майга қадар амал қилади.

**Давлат солиқ
қўмитаси раиси**

Ш. КУДБИЕВ

Тошкент ш.,
2020 йил 25 май,
2020-20-сон

* Ушбу қарор «Қонун ҳужжатлари маълумотлари миллий базаси»да 2020 йил 12 июнда эълон қилинган.

Ўзбекистон Республикаси
Давлат солиқ қўмитасининг 2020 йил
25 майдаги 2020-20-сон қарорига
ИЛОВА

**Тошкент вилоятининг Бўстонлиқ туманида тажриба
тариқасида жисмоний шахсларнинг солиқ солиш объектлари
ҳисобга қўйилганлиги тўғрисида гувоҳнома бериш, ягона
электрон платформани юритиш ва унга қўчмас мулк
объектлари ижарага берилганлиги тўғрисидаги
маълумотларни киритиш тартиби ҳақида
ВАКТИНЧАЛИК НИЗОМ**

Мазкур Вақтинчалик низоми (бундан буён матнда Низом деб юритилади) Ўзбекистон Республикаси Вазирлар Маҳкамасининг 2020 йил 20 февралдаги 107-сон «Тошкент вилоятининг Бўстонлиқ туманида тажриба тариқасида солиқ солиш объектларини ҳисобга олиш ва солиқ маъмуриятчилигининг алоҳида тартибини жорий этиш тўғрисида»ги қарорига мувофиқ Тошкент вилоятининг Бўстонлиқ туманида тажриба тариқасида жисмоний шахсларнинг солиқ солиш объектларини ҳисобга қўйилганлиги тўғрисида гувоҳномани бериш, Ўзбекистон Республикаси Давлат солиқ қўмитасининг ягона электрон платформасини (бундан буён матнда электрон платформа деб юритилади) юритиш ва унга қўчмас мулк объектлари, шунингдек, айрим мол-мулк турларининг ижарага берилганлиги тўғрисидаги маълумотларни киритиш тартибини белгилайди.

1-боб. Умумий қоидалар

1. Тажриба даврида жисмоний шахслар томонидан дам олиш уйлари, дала ховли, якка тартибда қурилган уй-жойлар ва яшаш учун мўлжалланган бошқа турар жойлар (бундан буён матнда қўчмас мулк объектлари деб юритилади), шунингдек, айрим мол-мулк турлари (бундан буён матнда айрим мол-мулклар деб юритилади) солиқ органларида ҳисобга қўйилганлиги тўғрисидаги гувоҳнома асосида ижарага берилади.

2. Жисмоний шахслар томонидан қўчмас мулк объектлари солиқ органларида ҳисобга қўйилганлиги тўғрисидаги гувоҳнома асосида ижарага берилган тақдирда, Қўчмас мулк ижара шартномаларини давлат солиқ хизмати органларида мажбурий ҳисобга қўйиш тартиби тўғрисида низомига (рўйхат рақами 3077, 2018 йил 11 октябрь) асосан қўчмас мулк ижара шартномасини тузиш ва уни солиқ органларида мажбурий ҳисобга қўйиш талаб этилмайди.

3. Жисмоний шахсларнинг даромад манбаи сифатида солиқ органларида ҳисобга қўйиладиган айрим мол-мулкларга қуйидагилар киради:

сув транспорти (моторли ва моторсиз, шу жумладан, шишириладиган);
сув мотоцикллари (скутерлар ва бошқалар);

корда юрадиган техника воситалари (қор автоулови);

квадрацикллар;

парапланлар ва дельтапланлар;

супа, сўри, топчанлар ва шунга ўхшаш дам олиш учун мўлжалланган.

4. Жисмоний шахслар томонидан гувоҳнома асосида ижарага берилган солиқ солиш объектлари ҳақидаги маълумотлар электрон платформага мобил илова ёки веб-сайт орқали киритилиши лозим.

5. Мазкур Низом талаблари тадбиркорлик субъекти сифатида давлат рўйхатидан ўтган меҳмонхона хизмати билан шуғулланадиган юридик шахсларга, оилавий меҳмон уйи хизматлари кўрсатадиган юридик ва жисмоний шахсларга, шунингдек, ушбу Низомда кўрсатилмаган мол-мулкларни ижарага бериш билан шуғулланадиган жисмоний шахсларга нисбатан татбиқ этилмайди.

2-боб. Солиқ солиш объектларининг солиқ органларида ҳисобга қўйилганлиги тўғрисида гувоҳнома бериш

6. Жисмоний шахс ёки унинг ишончли вакили ижарага бериладиган солиқ солиш объектининг ҳисобга қўйилганлиги тўғрисидаги гувоҳномани олиш учун солиқ органига қуйидаги ҳужжатларни электрон платформа орқали юборади:

мазкур Низомнинг 1-иловасига* мувофиқ шаклда кўчмас мулк объектини ҳисобга қўйиш ҳақида ёки 2-иловасига* мувофиқ шаклда айрим мол-мулкни ҳисобга қўйиш ҳақида ариза;

жисмоний шахснинг шахсини ёки унинг ишончли вакили ваколатини тасдиқловчи ҳужжат нусхаси.

7. Икки ва ундан ортиқ солиқ солиш объектларини ҳисобга қўйиш истагини билдирган жисмоний шахслар ушбу солиқ солиш объектлари тўғрисидаги маълумотларни солиқ солиш объектларини ҳисобга қўйиш ҳақидаги аризаларида қўшимча равишда кўрсатишлари мумкин.

8. Жисмоний шахслардан мазкур Низомнинг 6-бандида кўрсатилган ҳужжатлардан ташқари бошқа қўшимча ҳужжатлар талаб қилинишига йўл қўйилмайди.

9. Ижарага бериладиган солиқ солиш объектини ҳисобга қўйиш билан боғлиқ мазкур Низомнинг 6-бандида назарда тутилган ҳужжатлар ижарага берувчи ёки унинг ишончли вакили хоҳишига кўра Тошкент вилоятининг Бўстонлиқ тумани Ҳазалкент шаҳри, Дўстлик, Сижжак ва Новобод маҳалла фуқаролар йиғинлари ҳудудларида ташкил этиладиган солиқ таянч пунктларига (бундан буён матнда Солиқ таянч пункти деб юритилади) қоғоз шаклида тақдим этилиши мумкин.

10. Кўчмас мулк объектлари ва айрим мол-мулкларни ҳисобга қўйиш жисмоний шахс томонидан ариза электрон платформа орқали электрон тарзда тақдим этилганда реал вақт режимида, Солиқ таянч пунктларига қоғоз шаклида тақдим этилганда эса, ўша вақтнинг ўзида амалга оширилади.

* 1-2-иловалар «Қонун ҳужжатлари маълумотлари миллий базаси»да эълон қилинган.

11. Ижарага бериладиган солиқ солиш объектларининг ҳисобга қўйилганлиги тўғрисидаги гувоҳнома жисмоний шахс томонидан ариза электрон тарзда тақдим этилганда электрон платформа орқали ёки қоғоз шаклида тақдим этилганда Солиқ таянч пунктлари томонидан ушбу Низомнинг 3-ило-васига* мувофиқ шаклда бепул берилади.

12. Икки ва ундан ортиқ солиқ солиш объектларига эга бўлган жисмоний шахсларга битта умумий солиқ солиш объектининг ҳисобга қўйилганлиги тўғрисида гувоҳнома берилади. Гувоҳноманинг орқа томонида QR-код орқали ҳар бир қўшимча солиқ солиш объектлари алоҳида кўрсатилади. Бунда супа, сўри, топчанлар ва шунга ўхшаш дам олиш учун мўлжалланган жойларга гувоҳнома беришда солиқ солиш объектининг номи билан бирга унинг сони ҳам кўрсатилади.

13. Гувоҳноманинг ҳақиқийлиги QR-кодни махсус мобил илова орқали текшириб кўриш билан аниқланади.

3-боб. Ягона электрон платформани юритиш ва унга ижарага бериладиган объектлар тўғрисидаги маълумотларни киритиш

14. Электрон платформада солиқ органлари томонидан жисмоний шахсларнинг ижарага берилган кўчмас мулк объектлари ва айрим мол-мулкларнинг ҳисоби юритилади.

Бунда, электрон платформа барча фойдаланувчилар (ижарага берувчилар, ижарага олувчилар ва солиқ органлари) учун ягона тизим доирасида ўзаро уйғунликда, ундан фойдаланувчилар гуруҳларга ажратилган ва бир-бирига таъсир кўрсатмаган ҳолда мустақил ишлаш имкониятига эга бўлади.

15. Электрон платформада кўчмас мулк объектлари ва айрим мол-мулкларни ижарага олиш истагини билдирган шахслар ижарага берувчи жисмоний шахсларнинг солиқ солиш объектлари тўғрисидаги маълумотлари асосида танлашлари, уларни онлайн банд қилишлари ва тўловларни амалга оширишлари мумкин.

16. Кўчмас мулк объектлари ва айрим мол-мулкларни ижарага бериш солиқ органларида ҳисобга олинadиган махсус чекларни тақдим этиш орқали амалга оширилади.

17. Жисмоний шахслар кўчмас мулк объектларини ижарага берилган вақтда ҳамда айрим мол-мулкларни ижарага берилган кун якунига қадар ижарага олувчилар сони ва махсус чеклар орқали қабул қилинган ижара тўлови миқдори тўғрисидаги маълумотларни мобил илова ёки веб-сайт орқали электрон платформага киритадилар.

Бунда, икки ва ундан ортиқ солиқ солиш объектлари ҳисобга қўйилган жисмоний шахслар томонидан маълумотлар электрон платформага ҳар бир солиқ солиш объекти бўйича алоҳида киритилиши лозим.

18. Жисмоний шахслар томонидан ижарага берилган солиқ солиш объектлари учун тақдим этиладиган махсус чеклар Ўзбекистон Республи-

* 3-илова «Қонун ҳужжатлари маълумотлари миллий базаси»да эълон қилинган.

каси Солиқ кодексининг 22-моддасига мувофиқ товарларни (хизматларни) реализация қилишда харидорга бериладиган чеклар ёки уларни ўрнини босувчи бошқа ҳужжатларга тенглаштирилади.

4-боб. Солиқ солиш объектларининг ҳисобга қўйилганлиги тўғрисидаги гувоҳномани бекор қилиш

19. Солиқ солиш объектларининг ҳисобга қўйилганлиги тўғрисидаги гувоҳноманинг амал қилиш муддати тажриба даври тугаганидан кейин тугатилади.

20. Жисмоний шахслар ёки уларнинг ишончли вакиллари кўчмас мулк объектлари ва айрим мол-мулклар бошқа шахс эгаллигига ўтганда ёки бузилганда (яроқсиз ҳолатга келганда) солиқ солиш объектининг ҳисобга қўйилганлиги тўғрисидаги гувоҳномани бекор қилиш ҳақида мазкур Низомнинг 4-иловасига* мувофиқ шаклдаги ариза билан электрон платформа орқали солиқ органларига ёки қоғоз шаклда Солиқ таянч пунктига мурожаат қилишлари мумкин.

Бунда, икки ва ундан ортиқ солиқ солиш объектларининг ҳисобга қўйилганлигини бекор қилиш истагини билдирган жисмоний шахслар аризага тегишли солиқ солиш объектлари тўғрисидаги қўшимча маълумотларни киритади.

21. Солиқ солиш объектларининг ҳисобга қўйилганлиги тўғрисидаги гувоҳномани бекор қилиш жисмоний шахс томонидан ариза солиқ органига электрон платформа орқали тақдим этилганда реал вақт режимида, Солиқ таянч пунктларида қоғоз шаклида тақдим этилганда эса ўша вақтнинг ўзида амалга оширилади.

22. Солиқ солиш объектларининг ҳисобга қўйилганлиги тўғрисидаги гувоҳноманинг бекор қилинганлиги ҳақида мазкур Низомнинг 5-иловасига* мувофиқ шаклда QR-коди мавжуд бўлган билдиришнома электрон тарзда электрон платформа орқали ёки қоғоз шаклида Солиқ таянч пункти орқали ижарага берувчи жисмоний шахсга ёхуд унинг ишончли вакилига тақдим этилади.

Бунда, ҳисобга қўйилганлиги бекор қилинган солиқ солиш объекти QR-коди текширилганда «Бундай объект мавжуд эмас» ёзуви электрон шаклда ҳавола қилинади.

23. Солиқ солиш объектларининг ҳисобга қўйилганлиги тўғрисидаги гувоҳноманинг бекор қилинганлиги ҳақидаги билдиришноманинг ҳақиқийлиги QR-кодни махсус мобил илова орқали текшириб кўриш орқали аниқланади. Билдиришноманинг QR-коди текширилганда ҳисобга қўйилган солиқ солиш объектлари ҳақидаги маълумотлар электрон шаклда ҳавола қилинади.

5-боб. Якуний қоидалар

24. Мазкур Низом талабларининг бузилишида айбдор бўлган шахслар қонун ҳужжатларида белгиланган тартибда жавобгарликка тортиладилар.

* 4-5-иловалар «Қонун ҳужжатлари маълумотлари миллий базаси»да эълон қилинган.

25. Ушбу Низом Ўзбекистон Республикаси Молия вазирлиги, Ахборот технологиялари ва коммуникацияларини ривожлантириш вазирлиги, Туризмни ривожлантириш давлат қўмитаси ва Савдо-саноат палатаси билан келишилган.

Молия вазири

Т. ИШМЕТОВ

2020 йил 25 май

*Ахборот технологиялари ва
коммуникацияларини
ривожлантириш вазири*

Ш. САДИКОВ

2020 йил 25 май

*Туризмни ривожлантириш
давлат қўмитаси раиси*

А. АБДУХАКИМОВ

2020 йил 25 май

*Савдо-саноат
палатаси раиси*

А. ИКРАМОВ

2020 йил 25 май

ЎЗБЕКИСТОН РЕСПУБЛИКАСИ
БАНДЛИК ВА МЕХНАТ МУНОСАБАТЛАРИ ВАЗИРЛИГИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИНИНГ
ҚАРОРИ

**258 «Туман (шаҳар) бандликка кўмаклашиш ва аҳоли-
ни ижтимоий муҳофаза қилиш марказларида рўйхат-
га олинган ишсиз фуқароларни ўзгалар парваришига муҳтож
ёлғиз кексалар, пенсионерлар ва ногиронларнинг уйига бо-
риб ижтимоий хизмат кўрсатиш учун ҳақ тўланадиган жа-
моат ишларига жалб қилиш қоидаларини тасдиқлаш тўғриси-
да»ги қарор, шунингдек, унга ўзгартиришлар ва қўшимчани
ўз кучини йўқотган деб топиш тўғрисида***

*Ўзбекистон Республикаси Адлия вазирлиги томонидан 2020 йил
12 июнда рўйхатдан ўтказилди, рўйхат рақами 1166-2*

Ўзбекистон Республикаси Вазирлар Маҳкамасининг 2017 йил 5 октябр-
даги 799-сон «Ўзбекистон Республикаси Бандлик ва меҳнат муносабатла-
ри вазирлиги ҳузуридаги жамоат ишлари жамғармаси фаолиятини ташкил
этиш тўғрисида»ги қарорига мувофиқ Ўзбекистон Республикаси Бандлик
ва меҳнат муносабатлари вазирлиги ва Молия вазирлиги **қарор қилади:**

1. Қуйидагилар ўз кучини йўқотган деб топилсин:

Ўзбекистон Республикаси Меҳнат ва аҳолини ижтимоий муҳофаза қилиш
вазирлиги ва Молия вазирлигининг 2002 йил 12 августдаги 31, 96-сон «Меҳ-
нат бўлимларида рўйхатга олинган ишсиз фуқароларни ўзгалар парваришига
муҳтож ёлғиз кексалар, пенсионерлар ва ногиронларнинг уйига бориб
ижтимоий хизмат кўрсатиш учун ҳақ тўланадиган жамоат ишларига жалб
қилиш қоидаларини тасдиқлаш тўғрисида»ги қарори (рўйхат рақами 1166,
2002 йил 26 август) (Ўзбекистон Республикаси вазирликлари, давлат қўми-
талари ва идораларининг меъёрий ҳужжатлари ахборотномаси, 2002 й., 15-
16-сон);

Ўзбекистон Республикаси Меҳнат ва аҳолини ижтимоий муҳофаза
қилиш вазирлиги ва Молия вазирлигининг 2011 йил 25 февралдаги 10-П,
16-сон «Меҳнат бўлимларида рўйхатга олинган ишсиз фуқароларни ўзга-
лар парваришига муҳтож ёлғиз кексалар, пенсионерлар ва ногиронларнинг
уйига бориб ижтимоий хизмат кўрсатиш учун ҳақ тўланадиган жамоат
ишларига жалб қилиш қоидаларини тасдиқлаш тўғрисидаги қарорга ўзгар-
тиришлар ва қўшимча киритиш ҳақида»ги қарори (рўйхат рақами 1166-1,
2011 йил 25 март) (Ўзбекистон Республикаси қонун ҳужжатлари тўпла-
ми, 2011 й., 12-13-сон, 125-модда).

* Ушбу қарор «Қонун ҳужжатлари маълумотлари миллий базаси»да 2020 йил 12 июнда
эълон қилинган.

2. Мазкур қарор расмий эълон қилинган кундан эътиборан кучга киради.

**Бандлик ва меҳнат
муносабатлари вазири**

Н. ХУСАНОВ

Тошкент ш.,
2020 йил 8 май,
12-2020-қ/қ-сон

Молия вазири

Т. ИШМЕТОВ

Тошкент ш.,
2020 йил 8 май,
16-сон

Ўзбекистон Республикаси
Адлия вазирлиги вазирликлар, давлат қўмиталари ва
идораларнинг норматив-ҳуқуқий ҳужжатларини
давлат рўйхатидан ўтказиш ҳолати тўғрисида
2020 йил 6 июндан 12 июнгача
бўлган маълумотни маълум қилади

1. Давлат рўйхатидан ўтказилди:

1. Ўзбекистон Республикаси Марказий банки бошқарувининг 2020 йил 16 майдаги 11/8-сон «Марказий банк томонидан микрокредит ташкилотларининг ички аудит хизматига қўйиладиган талаблар тўғрисида низомга ўзгартиришлар киритиш ҳақида»ги қарори.

2020 йил 10 июнда рўйхатдан ўтказилди, рўйхат рақами 2453-1.

2. Ўзбекистон Республикаси фавқулудда вазиятлар вазирининг 2020 йил 21 майдаги 181-сон «Кичик ҳажмли кемаларни рўйхатдан ўтказиш қоидаларининг 1-иловасига ўзгартириш киритиш тўғрисида»ги буйруғи.

2020 йил 10 июнда рўйхатдан ўтказилди, рўйхат рақами 2967-1.

3. Ўзбекистон Республикаси фавқулудда вазиятлар вазирининг 2020 йил 21 майдаги 182-сон «Кичик ҳажмли кемаларни техник кўрикдан ўтказиш қоидаларининг 1-иловасига ўзгартириш киритиш тўғрисида»ги буйруғи.

2020 йил 10 июнда рўйхатдан ўтказилди, рўйхат рақами 2968-1.

4. Ўзбекистон Республикаси Марказий банки бошқарувининг 2020 йил 25 майдаги 12/4-сон «Кредит бюроларини рўйхатга олиш ва уларнинг фаолиятини лицензиялаш тартиби тўғрисидаги низомга ўзгартиришлар киритиш ҳақида»ги қарори.

2020 йил 10 июнда рўйхатдан ўтказилди, рўйхат рақами 3042-1.

5. Ўзбекистон Республикаси Марказий банки бошқарувининг 2020 йил 25 майдаги 12/6-сон «Банкларнинг оддий векселлари ва депозит сертификатлари бланкаларини йўқ қилиш тартиби тўғрисидаги низомга ўзгартиришлар киритиш ҳақида»ги қарори.

2020 йил 10 июнда рўйхатдан ўтказилди, рўйхат рақами 1477-3.

6. Ўзбекистон Республикаси Марказий банки бошқарувининг 2020 йил 25 майдаги 12/14-сон «Марказий банк томонидан тижорат банкларининг

ички меъёрий ҳужжатларига қўйиладиган талаблар тўғрисидаги низомга ўзгартиришлар ва қўшимча киритиш ҳақида»ги қарори.

2020 йил 10 июнда рўйхатдан ўтказилди, рўйхат рақами 916-1.

7. Ўзбекистон Республикаси Бандлик ва меҳнат муносабатлари вазирлиги, Халқ таълими вазирлиги, Олий ва ўрта махсус таълим вазирлиги, Молия вазирлиги, Соғлиқни сақлаш вазирлиги ва Мактабгача таълим вазирлигининг 2020 йил 15 майдаги 14-2020 қ/қ, 6-мх, 33-қ/қ, 16, 71 ва 8-сон «Ижтимоий ходимларнинг мақоми, вазифалари, функциялари ва малакавий талаблари тўғрисидаги йўриқномани тасдиқлаш ҳақида»ги қарори.

2020 йил 10 июнда рўйхатдан ўтказилди, рўйхат рақами 3240.

8. Ўзбекистон Республикаси адлия вазирининг 2020 йил 10 июндаги 129-мх-сон «Давлат бошқарув органлари ва бошқа ташкилотлар ходимлари томонидан давлат хизматлари кўрсатилишида самарадорлик ва натижадорликнинг асосий кўрсаткичлари ҳамда уларнинг фаолиятини баҳолаш тартиби тўғрисидаги низомни тасдиқлаш ҳақида»ги буйруғи.

2020 йил 10 июнда рўйхатдан ўтказилди, рўйхат рақами 3241.

9. Ўзбекистон Республикаси соғлиқни сақлаш вазирининг 2020 йил 24 мартдаги 115-сон «Референт нарх шакллантириш тизими доирасида дори воситалари нархларини қайд этиш тартиби тўғрисидаги низомни тасдиқлаш ҳақида»ги буйруғи.

2020 йил 10 июнда рўйхатдан ўтказилди, рўйхат рақами 3242.

10. Ўзбекистон Республикаси Давлат солиқ қўмитасининг 2020 йил 25 майдаги 2020-20-сон «Тошкент вилоятининг Бўстонлиқ туманида тажриба тариқасида жисмоний шахсларнинг солиқ солиш объектлари ҳисобга қўйилганлиги тўғрисида гувоҳнома бериш, ягона электрон платформани юритиш ва унга қўчмас мулк объектлари ижарага берилганлиги тўғрисидаги маълумотларни киритиш тартиби ҳақида вақтинчалик низомни тасдиқлаш тўғрисида»ги қарори.

2020 йил 12 июнда рўйхатдан ўтказилди, рўйхат рақами 3243.

11. Ўзбекистон Республикаси Бандлик ва меҳнат муносабатлари вазирлиги, Молия вазирлигининг 2020 йил 8 майдаги 12-2020-қ/қ, 16-сон «Туман (шаҳар) бандликка кўмаклашиш ва аҳолини ижтимоий муҳофаза қилиш марказларида рўйхатга олинган ишсиз фуқароларни ўзгалар парваришига мухтож ёлғиз кексалар, пенсионерлар ва ногиронларнинг уйига бориб ижтимоий хизмат кўрсатиш учун ҳақ тўланадиган жамоат ишларига жалб қилиш қоидаларини тасдиқлаш тўғрисида»ги қарор, шунинг-

дек унга ўзгартиришлар ва қўшимчани ўз кучини йўқотган деб топиш тўғрисида»ги қарори.

2020 йил 12 июнда рўйхатдан ўтказилди, рўйхат рақами 1166-2.

II. Давлат реестридан чиқарилди:

1. Ўзбекистон Республикаси Меҳнат ва аҳолини ижтимоий муҳофаза қилиш вазирлиги, Молия вазирлигининг «Меҳнат бўлимларида рўйхатга олинган ишсиз фуқароларни ўзгалар парваришига муҳтож ёлғиз кексалар, пенсионерлар ва ногиронларнинг уйига бориб ижтимоий хизмат кўрсатиш учун ҳақ тўланадиган жамоат ишларига жалб қилиш қоидаларини тасдиқлаш тўғрисида»ги қарори (рўйхат рақами 1166, 2002 йил 26 август), шунингдек, унга ўзгартиришлар ва қўшимча (рўйхат рақами 1166-1, 2011 йил 25 март).

Адлия вазирининг 2020 йил 12 июндаги 132-мҳ-сон буйруғига асосан давлат реестридан чиқарилди.

Мазкур ҳужжатлар қонунчиликка ўзгартириш киритилиши ва/ёки янги норматив-ҳуқуқий ҳужжатлар қабул қилиниши муносабати билан давлат реестридан чиқарилди.